

SAMUELIS MARESI
APOLOGIA NOVISSIMA

pro S. Augustino, Jansenio & Jansenitis,
contra Pontificem & Jesuitas;

Stve

Examen Theologicum triparti-
tum Constitutionis nuperæ

INNOCENTII X. P.R.

Quâ in gratiâ Jesuitarum & Pelagianorum
contra Augustini & Jansenij sequaces declarantur
& definiuntur quinque Propositiones
in materia fidei.

*Præmittitur Præfatio ad Jansenitas, & adjicitur ad calcem
iterata editio Planctus Augustinianæ Veritatis in
Belgio patientis, ante aliquot annos
in Brabantia emissæ.*



GRONINGÆ,

Apud Viduam JOHANNIS NICOLAI, Inclytæ;
Civitatis Groninganz Ord. Typog. 1654.

STAMPTON HALL
APOLLOLOGIA: NOVISSIMA

Examen Theologiae
Institutionis



STAMPTON HALL
APOLLOLOGIA: NOVISSIMA

Nobilissimis, Generosis, Amplissimisque

VIRIS,

D. OTTONI van FARMPSUM,	D. JOACHIMO RIPPERDA
D. TOBIÆ IDDECKINGHE,	Dom. & Toparchæ in Farmpsum / Dam / Helm. &c.
D. REGNERO TIAERDÆ,	D. JODOCO LEWE,
D. HENRICO WERUMEO	ter Ransou / D. in Cantez / &c.
J. U. D.	D. ASINGÆ van EWSSUM
Quatuor viris Senatoriæ Dignitatis in Rep. Groningana;	op Engelum / Dom. in Hamsterlant / &c.
	D. LUDOLPHO TIAERDÆ
	van STARCKENBORCH, D. in Wehe en Supdyjch / &c.

Potentibus Illustrum ac Præpotentum Ordinum Groninga & Omlandæ Deputatis, Prudentissimis, Meritissimis;

UT ET

D. JOH. MEYNARDI,	} J. U. D. Amplissimis & Consulciss. eorundem Secretariis Ordinariis;
D. NICOLAO BUSCH,	

S. P.

NOBILISSIMI, POTENTES, AMPLISSIMI, CONSULTISSIMI DOMINI,

NOn putabam me aliquid elaborare quod Vobis veniret offerendum, cum nuper conscribebam tres illas Disputationes Examinatorias Constitutionis nuper Pontificis Romani contra Janfentanios, quas sub meo Præsidio, tribus distinctis vicibus, in frequentissima Corona, & magna cum sui laude, proposuit ac defendit Academico more, eximie spei & supra ætatem jam
(*) 2 doctus

EPISTOLA

doctus Juvenis, D. LUDOVICUS WOLZOGEN à MIS-
SINGDORFF, æquè sanguinis & veteris prosapiæ Nobilitate
commendandus, ac magni sui Parentis nobilitatus generosâ
clade, quam ex Austria pulsus à pluribus annis propter nomen
Domini nostri Jesu Christi, in hunc diem fortissimè sustinuit.
Sed ubi consilium inij de tribus illis Diatribis in unum corpus
colligendis, ac sub titulo Apologiæ Novissimæ pro Augustino &
Janсенitis, luce majori donandis, unâ constitui quicquid
isthuc est nostræ opellæ Vestris Nominibus solemniter inseri-
bere, gravibus causis publicè & privatim id suadentibus & tan-
tum non cogentibus. Publicum quod attinet, non nescio Vobis
omnibus, quâ estis Eruditione & Pietate, cordi esse hanc ipsam
Causam de Gratia Dei; quæ nobis communis est cum iis viris
longè Doctissimis Communionis Romanæ, quos Pontifex nu-
perrimè in gratiam Jesuitarum publicè condemnavit; adeoque
nec ingratum nec injucundum Vobis fore, illius Defensionem
Vestrorum Nominum Sigillo & Tutelâ munitam prodire in
publicum. Adhæc in hac Provinciæ Vestræ constitutione felici,
& Pacis tamdiu exulantis insperata restitutione, per illam in-
expectatam rerum Conversionem, quæ stylo Davidico *mu-
tatio dextera Excelsi* dici potest, officij mei esse duxi, hanc
rediyivam Concordiam Vobis publicè gratulari. Quam enim
verum illud ingeniosissimi Phædri, *Humiles laborant, ubi poten-
tes dissident*, tam singulorum in Rep. viventium interest, con-
cordes eos esse qui sedent ad clavum, & litium ac jurgiorum
semina & fomenta apud eos radicitus evelli. Pacis & Concor-
diæ studio inter Proceres, revocatur cœlitus Benedictio Divina
in subditos; & quotquot in suis Votis & Consiliis eò collimant,
nec sua quærunt compendia ex dispendiis publicis, meritò sibi
queunt istud Servatoris nostri applicare, *Beati qui sunt pacifici
quoniam filij Lei vocabuntur*. Jam sensit publicum varios pacis
restitutæ

DEDICATORIA.

restitutæ fructus eximios ; & ne quid dicam de largo subsidio præstito pauperibus , viduis , orphanis & senibus emeritis , quibus tandem honestè prospectum est , cum ipsa Academia Provinciali ita liberaliter actum in nuperis Comitibus , ut quatuor simul Professorum novorum , in demortuorum locum , vocatio decreta , & NN. ac AA. Dominis Curatoribus , cum plenissima Commissionè demandata fuerit. O verè fœlicem hanc Provinciam , si sua bona tandem intelligat , & id ei trabali clavo fixum maneat , suarum Liticularum , si quæ supersint aut forte postea oriantur , decisionem porrò extra seipsam non quærere , & vel largitioni in egenos , vel ornandæ Reip. vel Ærario augendo , eos sumptus impendere , quos infauti illi processus , non sine imminutione suæ Majestatis apud externos , hætenus exhausserunt. Nec illis amplius erit locus , si membra quibus constat , ex Menenij Agrippæ Apologo didicerint , non tam sui expletionem cum reliquorum atrophia , quam totius conservacionem esse quærendam. Suprema lex omnium in Republica debet esse Reip. salus , & Unitatis semper major ratio habenda quam Unius. Faxit Deus Pacis , ut hæc Concordia nuper sancita perennet & ad seros nepotes propagetur , ad Nominis sui Gloriam , Reip. Commodum , Ædificationem Ecclesiæ , iique valeant in æternum qui dissidia nova inter Vos quærere vel ferere studerent. Notius est in Belgica Fœderata quam ut pluribus debeat explicari , Concordiâ res parvas crescere , magnas dilabi discordiâ. Est & in publico alia mihi ratio Vos compellendi , *NOBILISSIMI , POTENTES , AMPLISSIMI , CONSULTISSIMI DOMINI* : Nam cùm in penultimis Comitibus , annitentibus , pro suo favore constanti in rem Academicam , nostris NN. & AA. DD. Curatoribus , Templi Academici , in quo Ministerio meo defungor linguâ Gallicâ ; resectio , Theatri Anatomici restitutio ,

EPISTOLA

Curia nostræ Amplificatio, aliorumque Edificiorum ad Academiam commoditatem & ornatum spectantium reparatio, Amplissimo Vestro Confessui fuisset demandata, eam omnem curam duobus è Vestro corpore commisistis, Nobilissimis & Amplissimis Viris, quibus nullos sibi faventiores Academia optare potuisset, & qui tanto cum Zelo ei rei incubuerunt, ut æternam inde laudem, apud cultores Musarum, quamdiu earum castra hic durabunt, sibi sint commercii. Sunt illi N. & A. D. OTTO à FARMPSUM & Gen. ac N. D. JOACHIMUS à RIPPERDA, quos honoris causâ hic nominandos censui. Nec potuit Academia ab utroque summum favorem non experiri; cum & hic stirpis Nobilissimæ & perantiquæ, ad Virtutem Sanguinis adjecerit sedulò omnem illam animi ad magna facti culturam, quæ ex Virtutibus Intellectualibus & Moralibus enascitur; & ille magno suo merito Curator Academicæ sæpius antea fuerit, & Ordini Professorio, qui non habet inimicos nisi Ignorantiæ & Ignaviæ mystas, semper addictissimus. Inde enim colligimus nos Vobis esse in aliquo pretio, de quo & gratias habemus maximas, quod per tales vestros Delegatos rem Academicam, cum NN. & AA. DD. Curatoribus, tam strenuè procurare volueritis. Sed præter has publicas causas, vos adeundi, NOBILISSIMI, POTENTES, AMPLISS. & CONSULTISS. DOMINI, specialis me ad id urfit ratio, & studium, quo semper teneor, ingrati animi culpam declinandi. Nam annus jam est revolutus ex quo Ecclesiæ Gallicæ Ministerium, cujus antea nonnisi arbitrariam partem cum D. Pastore *De La Haye*, qui obdormit in Domino, sustinueram, in solidum mihi demandastis, eaque injecistis honesta vincula absque quibus facilè de statione alia admittenda cogitassetem, cum nec aliunde tentationes, nec alicujus fastidij iustæ rationes, Vobis notæ, mihi deessent; Quamvis autem id oneris
novi

DEDICATORIA.

novi in me contuleritis unanimi consilio, Summis quoque Viris, ex parte Civitatis & Omlandix, commendantibus & approbantibus, (quos nominare superledeo, ne de nimio favore in Rep. Vestra videar gloriari,) ex Voto totius Ecclesiæ & cum omnium Bonorum Satisfactione ac Gaudio, non ideo tamen minus me Vobis obstrictum debeo profiteri; Recefferunt quidem ex Vestro Collegio, plerique ex illis qui tum illud constituebant; NN. & AA. DD. FOLKERS, LUBBERS, CELOS & BYNING, noster nunc Curator Dignissimus, redierunt ad Senatum: Gen. D. SICKINGA & Ampl. D. ab HANIA, locum aliis ex Vobis fecerunt, ut moris est. Imò ipse Amplissimus D. Doctor GERARDUS TEN BERGE, qui tum Vobis erat à Secretis, & hanc rem, ut pote membrum ferè constans Cætus Gallicani, & de me benè ideo meritis, urisit vehementer, ab illo tempore, superato vestro Ordine, in Urbis Senatum fuit allectus: Quod tamen totum Collegium mihi tunc contulit, etiam num hodie, cum citiùs id non tulerit occasio, toti Collegio, quâ par est gratitudine, acceptum ferre debeo. Quanquam & adhuc ei intersunt Nobilissimi & Generosi Domini, D. JOACHIMUS à RIPPERDA & D. JODOCUS LEWE, Viri Prudentissimi, Nobilitate, Virtute, Pietate, Sapientiâ insignes, de publico & de me optimè meriti, quorum, inter alios, summam tunc Benevolentiam & Humanitatem me fuisse expertum, grato recolam animo quamdiu hic spiritus hos reget artus. Igitur, NOBILISSIMI, POTENTES, AMPLISS. CONSULTISS. DOMINI, hoc qualecunque Gratulationis & Gratitude Anathema, ex ipsa Gratia confectum, Vestrorum Nominum Tholis per me suspendi æqui bonique consulite, & hoc Literarium Munusculum admittite sereno vultu, in tesseram animi Vobis devotissimi; Velit Deus Optimus

Maximus

EPISTOLA

Maximus Vos diutissimè Vestris ac Reipublicæ incolumes ,
Rempublicam verò Vobis semper florentem & tranquillam
præstare , mihiq; id largiri Favoris & Gratiæ , ut quamdiu
vivo , eamque Ecclesiæ & Academiæ quam possum præsto
operam , à Vobis omnibus & singulis habear , qualis sum ex
animo , videlicet

NOBILISSIMI, POTENTES, AMPLISS.
CONSULTISS. DOMINI,

VV. NN. PP. AA. CC. Dominationum ,

Humillimus & Addictissimus
Cliens,

Ex meo Museo
Græningæ, 24.
Decemb. 1653.

SAMUEL MARESIUS.

Præfatio

Communione Romanæ, omnium Ordinum, qui hæctenus steterunt pro Pauli, Augustini & Jansenii doctrina, de Gratia & Præ- destinatione, contra Jesuitas.



Indem igitur, Doctissimi & Celeberrimi Viri, Pontifex Romanus, & præter totius Orbis literati opinionem, voluit pronunciare in lite de Gratia, quam manibus Cornelij Jansenij moverunt Iesuita in Molinismi, sive potius Pelagianismi, gratiam, & contra vestram expectationem, quo tempore bona verba Vobis dabat corvos delusus hiantes, in Adversariorum Vestrorum castra transit, & quæ Vos ceu Orthodoxa & Catholica tuebamini, ex Sacrarum Scripturarum & purioris Antiquitatis fontibus, ipse nigro notavit lapillo, ac Augustino, Jansenio, Vobisque omnibus, inussit infame stigma Hæreseos & Blasphemia. Quò plus sperabatis fore praesidij Vestra Cause in ipsius Authoritate, ad quam plerique Vestrum cum impetu confugiebant, tanquam ad asylum Innocentia & Veritatis, freti bona causa fiducia, reverentia Augustiniani nominis & tot Veterum Pontificum testimoniis, contra quæ nunquam iturum Innocentium, ut-ut in sano favore Iesuitas prosequentem, planè confidebant, ed effusus illam explicavit in Jansenij & Jansenismi vestri acerbissima condemnatione, ac Vestram manum senseritis transfixam illâ arundine quâ niti volueratis, & amplam Vobis suppeditatam materiam querendi illinc tenebras prodixisse unde lucem orituram expectabatis: Olim nemini licuisset servum suum verberare, si vel in manu habuisset nummum cui Caesaris imago impressa fuisset: Sed Roma publicè vapulavit vester Jansenius, etsi fretus nomine & doctrinâ B. Augustini, non securitatem modò, sed favorem omnem, isthuc sibi polliceri debuisset. Iam saltem intelligitis, multo plus Roma posse Rationes statui, ex Machiavelli Evangelio, quam argumenta Theologica, ex Disciplina Christi; atque adulationi vitiosa tribuendum, non fidei Christiana, dogma aliud Iesuiticum de Infallibilitate Papæ. Et ipse homo est, à quo nihil humani alienum. Forte in ipsa Gallia, Amplissimus Parisiensis Senatus, quo Augustiorem & Sanctiorem Orbis non novit, non patietur locum esse apud Gallos huic Inno-

(**)

centiana

P R Æ F A T I O

centiane Constitutioni, & memor solennis sui placiti, conditi xv. Maji 1647. contra hunc eundem Innocentium ejusque Bullam adversus D. Arnaldum editam, quã proscribebatur hac illius assertio. Sanctus Petrus & Sanctus Paulus sunt duo Ecclesiæ Principes, qui unum efficiunt, iterum prohibebit omnibus Archiepiscopis, Episcopis, eorum Vicariis, Officialibus, Rectoribus, Suppositis Universitatum, aliisvè omnibus, admittere, promulgare, exsequi Decreta, aliaque Acta Congregationis & Inquisitionis Romanæ, alias-ve Bullas & Brevia, non impetratã prius Regis permissione, verificatã in Curia; & sic hanc Constitutionem contra vos factam, in grande præjudicium Regni & Ecclesiæ Gallicanæ, toto Regno exterminandam curabit. Quid vero Vos hinc facturi sitis, expectat omnis Europa; & fateor difficilem Vobis nunc incumbere Provinciã: Nec tacere honestum est, nec loqui tutum: Ab una parte Vos urget Causa Dei, cui ex conscientia deesse non potestis; ab altera Vos premit potestas Romana, neque hujus Dilecti vincula, quibus jamdiu assuevistis, abrumperè Vobis facile videtur. Optimum tamen & iustissimum consilium foret cordate valedicere Communioni illius, qui Vos ab ea ita palam resecurit, ut debeatis deinceps aut turpi silentio prodere veritatem, aut illis contumeliis & pœnis Canonicis ac Temporalibus subjacere, quibus exponuntur in Papatu ij quos Papa Hæreticos declaravit. Nec est quod vereamini Vos subducere Communioni Romanæ, ne Schismatis culpam incurratis: Nam Schismaticus non est qui valedicit communioni Sedis alicujus notoriè Hæreticæ, qualem nostris in conscientis Vestris Romanam se nunc profiteri: Noluisset Ariatorum tempore communicare cum Liberio ut-ut Sedis Romana Episcopo, postquam in Athanasij condemnationem subscripserat. Cur ergo velletis ultra communicare cum Innocentio, tam palam transeunte in castra Pelagij? Annon aq̃e nocens Pelagianum virum, quod Gratiã Christi subvertit, ac pestis Ariana quæ ejus Eternam Divinitatem subtrucebat? Iuxta vestrum & nostrum Augustinum contra Crelic. Gram. lib. 2. cap. 7. Schisma faciunt quibus cum eis à quibus se dividunt una religio est, eadem Sacramenta, nihil in Christiana observatione diversum. An Vobis, quæso, una est religio, cum Innocentio & Iesutus Pelagianis, à quibus tam longè distat Orthodoxa vestra, quam condemnant, Sententia, ac cælum à cano? Quin schismaticus est, non qui fugit, ut sequatur & retineat veritatem, sed qui fugat & persequitur, ut stabiliat mendacium, quod strenuè nunc contra Vos facit

AD JANSENITAS.

facit Innocentium. Et quamvis ad tempus velitis cunctari, ed tandem cum nostris Prædecessoribus adigemini. Conati fuerant curare Babylonem, sed illa noluit sanari, verum omni genere persecutionum saviit in suos Medicos, unde coacti fuerunt eam relinquere Ier: 1.1, 9. Nec quicquam haberet Donatismi Vestra secessio, magis quam nostra, etsi isto emblemate ornetur à nonnullis, ut adhuc factum dicis causâ à quibusdam Vestratum, Româ post suam probrosam & iniquam isthuc condemnationem per Helvetios redeuntium. Nam vitium erat merè personale, & præterea fictitium, quod Donatista objiciebant Cæciliano, cujus prætexitu se subducebant communioni Sedis Caribaginenfis, adeoq; Romana & aliorum toto orbe diffusarum cum illa communicantium. At nunc agitur, ut olim cum nostris, de erroribus in fide evidentibus, quorum Sedes Romana i-^α *αυτοψω* rea est; Ut nemo Veritatis Catholica Studiosa, queat citra Hæreses Pelagiana adoptionem, ne dicam de aliis, ejus factes amplius agnoscere. Quod si olim omnes Ecclesia Africana in Nationali sua Synodo, cui præerat Aurelius, & magnus noster intererat Augustinus, non ita spectarunt Primatum Ordinis, quem per Canones obtinebat Sedes Romana, quin suam libertatem defensione adversus illius molitiones, appellationes transmarinas prohibuerint, ut pater ex Can. 125. Codicis Canonum Eccl. Afric. quo judicio existimavit Bonifacius 11. eas de facto à Sede Romana secessisse, an voluissent ei adherere ullâ ratione, si notorias hæreses Pelagij & Cælestij, quas hodie in Iesuitarum gratiam vester adoptat Nocentius, propugnare incœpisset? Saltem confido quod cum tantum Generositatis demonstraveritis hucusq; in sustinenda Invidia quam Vobis studuerunt constare Iesuita, non despondebitis animum ex eorum Triumpho; ipsamque Dei Gratiam audietis unicuique Vestrum dicentem, Tunc cede malis, sed contra audentior ito. Dum verò pendetis animi, & consilij ancipites inter sacrum & saxum diutius deliberatis, quod semel statuendum, hanc ego pro Vobis & Vestra causa adornavi Apologiam, propalaturus toti Mundo iniquitatem Condemnationis Pontificia: Nec dubitem plerisque Vestri Ordinis jucundum fore quod debeant nunc Adversarij Vestri id audire à me, quod ipsis dictum omnes velitis, etsi necdum repertus sit inter Vos post illum Iovis tonantis fragorem, qui ad illud dicendum se accingere ausus fueris. Quod si liberius loquor, imò vehementius, tribuendum id iusta indignationi. Cræsi filio qui mutus semper fuerat, amor patris in summo periculo coniecti, sermonis usum restituere potuit. Ut ea cum *παρρησια* loquat de Vestro Pontifice, efficit Amor Veritatis

P R Æ F A T I O.

ritatis, quam ita violenter premi, indignissime sero, & facit indignatio
versus. Et cum manum serula Papali subduxerimus, scapham dicimus sca-
pham, absq; verborum circumsione, & adinstar militum Philippi, res quasque suis
nominihus exprimimus. Nemini verò mirum debet videri, quod Refor-
matus, & Adversarius Sedis Romanae, suscipiam Defensionem eorum qui illi
adhuc exitinsecè adhaerescunt. Nam qui Veritati se auctoravit, eam amat
ubique sit, adeoque citra ἀλλοτρίο πιστοῦν vitium, ei ubivis labo-
ranti opem ferre ex animo tenetur. Neque Iansenitarum modò hac causa
est, sed etiam Reformatorum, quos in damnatis à Pontifice Propositionibus
habetis ὁμοδόξους. Hauriunt enim omnes eo respectu ex eodem fonte Scriptu-
rarum & Augustini, nec minù postè Augustinus in his Controversiis quam
Vestri Iansenij. Eandem bene agendi in natura lapsa impotentiam agn-
scimus; Eandem impeccantiam sive ἀναισθησίαν Sanctorum, à Pelagio de-
fensam, rejicimus; Eandem Gratia Medicinalis, Prædestinatione divinâ
præparata, efficaciam & intalibilitatem propugnamus; Eandem liberi &
necessarii, amicam conjunctionem in actibus humanis, defendimus; Ean-
dem sanguinis Christi superfluum taxationem, sive redemptionem universa-
lem omnium & singulorum rejicimus; Eandem gratuitam & libertinam
Electionem quorundam hominum in massa peccati jacentium, aliis jussè præ-
teritis & sua corruptioni relicta, prædicamus; Et hanc fidem quæ contra
novos hereticos novâ sollicitudine nunc defenditur, ut à nobis contra
Socinianos & Anabaptistas, sic etiam à Vobis adversus Iesuitas, nunquam
Ecclesia non habuit; ut de ea loquitur Augustinus, de bono Persev.
cap. 23. Quam non debeat Vobis visio veris ab Adversariis Vestris, aut Vo-
bimet pudori esse, hic noster consensus, non est quod multis explicem; Res
ipsa per se loquitur; Num ideo ejuranda vobis erunt Scriptura Θεοπνεύστοι,
quod & nos has vobiscum suscipiamus? Quod si præjudiciis istiusmodi lubet
agere, quanto potiori jure Iesuita objicere possit in Capitulis quæ inter vos
agitantur, pudendum syncretismum cum Hubertano, Pucciano, Flacciano,
Anabaptistis, ipsiq; hodiernis Photiniano & Antitrinitariis? Nam sane ut
Origenes quondam jecit fundamenta Arianismi & Pelagianismi, Socini
Discipuli, eodem impetu Divinitatem æternam Servatoris nostri Iesu Christi,
& illius salutarem Gratiâ rejiciunt: Et quæ impurissimi isti Hæretici do-
cent de Libero Arbitrio, Gratia, Prædestinatione, Dei Voluntate, Decretis
& Scientia, ut liquet ex scriptis Volkelij, Ostorrodij, Socini & similium

excestra-

AD JANSENITAS.

exceptarum, sunt planè gemina iis quæ Vos in Molina, Lessio, Suarezio, cæterisque Iesuitis, jure summo improbat: Nec difficile foret ostendere non minus Faustum Socinum, quam Faustum Rhegiensem, insuastas tenebrarum aves, Ludovico Molina prælusisse, & dei amentata sua tela, quæ in Gratiam Dei innotueret, subministrasse. Et quis scit num Deus suâ Sapientis Providentiâ rem eo direxerit, ut per Jansenium & Vos, hæc Theologia Christiana capita dilucidius & apertius ad nostrorum sensum explicarentur his ultimis temporibus, quò viam sterneret partium in Religione dissidentium amabili reconciliationi, illiq; scaturæ quæ partibus hinc atque inde pendentibus est necessæria, ut cum Optato loquar lib. 3. contra Parm. per quam omnes in unum Gregem sub uno summo Pastore conveniant? Certè aliquid est in Vestris Heroibus infirmitas, dum omnem ingenij sui aciem eò intendunt, ut suas sententias Augustinianas Iesuitis oppositas, à nostris differre contendant; Vbi duo sic idem dicunt, ut non sit idem, tum Janseniana opinioniones, à doctrina Reformatorum erunt distinguenda: Quid enim Vestra interest quis dixeris quod dicis, si modò id ipsum quod dicitis verum est? Quid opus est à nostrorum sensis & argumentis B. Augustini doctrinam vindicare, si tam coincidunt cum doctrina B. Augustini, quam à Pelagio non fatis procul abscedit Molinismus Iesuitarum, ut olim censebat Schola Lovanensis, qui eadem indice, divinarum bonitatem obscurat; justitiam enervat; Scripturis illudit; Patrum testimonia in sensus alienos detorquet; humanæ rationis corruptioni applaudit; humilitatis fundamentum evertit; precandi necessitatem non magnam relinquit; propriarum virium fiduciam generat; in salutis negotio quod præcipuum est homini donat, quod minus Deo; Gratiam Dei libero arbitrio subjeicit, ac ejus pedissequam facit. Cur non admittatur hæc quod sapienter à Vestro Jansenio dictum est præf. lib. 6. de grat. Christi Servat. Facebat & ista hinc invidiosa querimonia, quod Augustini sententia Calvino aut Luthero favere videatur; Si enim Augustini est, illorum error esse non potest. Ipse quidem Jansenius dicit gratiâ, quadam discrimina inter se & Calvinum voluit annotare, lib. 8. de Grat. Ch. Servat. cap. 21. Sed ab illis facile supersedisset, si eo animo & eâ diligentia Calvinum legisset quò Augustinum? Negat primò Calvinus esse in homine boni & mali electionem, non quò neget alterutrum semper eligi sive ultro appeti & adoptari ab eo qui alterutrum sectatur, sed quò neget hominem cor-

P R A E F A T I O

ruptum & peccatorem se indifferenter habere ad utrumque, & posse insitis suis viribus citra speciale Dei Auxilium, quod verè bonum est vel cognoscere vel appetere ac eligere: Id videre est lib. 2. Inst. cap. 2. §. 7. Liberi arbitrij, inquit, hoc modo dicitur homo, non quia liberam habeat boni & mali electionem, sed quia malè voluntate agit, non coactione. Nec uspiam secundo disputat Calvinus an in sensu diviso, supersit in homine potentia dissentendi Gratia morienti, cum hac quaestio sit de lana caprina & nihil faciat ad rhombum, sed loco quem notat Jansenius, videlicet lib. 2. Inst. cap. 3. §. 10. idem dicit quod ipse & Vos omnes, nempe Gratiam voluntatem movere, non qualiter multis sæculis à Scholasticis traditum est & creditum, ut nostræ postea sit electionis, motioni aut obtemperare aut refragari, sed illam efficaciter afficiendo: Quid enim hac verba aliud sonant, quam quod ipse docet Jansenius, fieri non posse ut actualis dissensus, cum actuali Dei motione jungatur? Tertiò tantum abest ut Calvinus lib. 2. cap. 3. §. 7. nolit hominem gratiæ morienti pedissequà voluntate consentire, ut ibi è contrario conceptis verbis non malè à Sancto Viro Augustino dictum asserat, epist. 106. Omne bonum opus gratiam præcedere, & id comitante non ducente, pedissequà non prævià, voluntate; Sed solum negat id ita intelligendum, ut inde statuatur præexistere Gratia bonam voluntatem, aut hanc ab illa non pendere & fieri, contra illud quod laudat ibidem Augustini, Laborant homines invenire in nostra voluntate quod nostrum sit, & non ex Deo; & quomodo inveniri possit ignoro. Quartò sic negat Calvinus lib. 2. cap. 2. §. 3. Virtutes & vitia esse in nostra potestate, ut non neget posse hominem & bonè & malè agere in sensu diviso, id est malè sibi relictum, bonè per Gratiam excitatum, liberatum & renovatum; sed tantum ut rejiciat cum Jansenio, illam indifferentiam contrarietatis in sensu composito, qua ab Augustino constantissimè negata, & à Pelagianis contentiosissimè postulata, à multis Scholasticis admissa fuit, qui quocunque modo arbitrium sive gratiæ, sive peccati delectationibus imbuatur, semper existimant, cum utraque ejus dispositione posse fieri, ut utrumlibet velit, sive bonum sive malum; pro illa sola scilicet innata indifferentia voluntatis, quæ sub quacunque dispositione actum præveniente, sese suà libertate in utramvis partem flectere potest; quā sententiā datā, nihil facilius est, inquit Jansenius lib. 8: de Grat.

Christi

A D J A N S E N I T A S.

Christi Salv. cap. 20. quam totum Pelagianam hæresim defendere, ipsumque peccatum originale de medio tollere. Etenim, ut pergit, si talis indifferentia adhuc post peccatum superest, sequitur, liberum arbitrium non esse peccati iniquitate violatum, integras adhuc persistere voluntatis vires, nullam esse contractam peccandi infirmitatem &c. Quinò denique Calvinus, Liberum arbitrium quadantenus negat nunc convenire homini, & mallet potius illâ voce abstineri quo sensu vulgò usurpatur, valdè alieno à mente Augustini, atque improbat quod arrogantiori vocabulo apud Græcos αὐτοζώνον dicatur lib. 2. Inlt. cap. 2. §. 4. & 7. non quod neget illam facultatem liberè volendi & citra coactionem quicquid volumus, naturâ omnibus inesse; Sed partim quod statuat cum Augustino hominem peccando seipsum & suum liberum arbitrium perdidisse, ita ut nunc nec à miseria, nec à servitute peccati liberum sit, sed tantum à necessitate coactionis; partim quod per hæc nomina Philosophi voluerint hominem facere independentem à Deo, saltem in agendo; Et hoc ipsum ipsemet statuit Vester Iansenius, qui passim prædicat arbitrij humani servitutem, & conceptû verbum asserit illo cap. 2. lib. 8. ante citato, neminem in Veterum monimentis versatum ignorare, quantâ orationis luce tum S. Augustinus, tum S. Bernardus, cum duobus eruditissimis amicis suis, Hugone & Richardo de S. Victore (ut nihil de intermediis dicatur) impleque adeo Magister sententiarum cum illis primis doctis ac sanctis commentatoribus suis, S O L A M coactionis necessitatem in arbitrij libertate submoverint. In hu igitur quinque capitulis, in quibus voluit videri Iansenius à Calvino dissentire, nihil reverâ est quod cum Augustini, & Iansenij ac Verbi Divini doctrina optimè non cohereat. Vt potius id dederit Vir Doctissimus importunitati Adversariorum suorum, quos pravebat, uti jam olim in D. Michaelè Bajo fuerat factum, sibi Calvinismum & Lutheranismum objecturos, quam rei ipsius veritati. Verum quum vero tantum abest ut debuerit Pontifex propter hunc Vestrorum cum vestris consensum in istis capitulis de Prædestinatione Gratia & libero arbitrio, Vos Hæreticû, Blasphemis, Impiis, Consumeliosis in Deum annumerare, ut è contrario, fuisset Patrii communis Christianorum, qualem se profiteatur, sibi gratulari de hoc consensu, atque ex illo optare, ut similiter elucidatis alris questionibus inter nos & suæ communionis Doctores agitari solitû, possent tandem partes ad pacis refarcienda in Christianismo solida Cõsilia devenire. Neque omninò id foret desperan-

P R Æ F A T I O

desperandum, si quâ fide & diligentia Jansenius ex Augustino has Controversias eruderit, alij ex eodem & aliis Veteribus cum Dei Verbo colatis, Syntagma doctrina purioris de Iustificatione, Eucharistia, Cultu Religioso, Ecclesia, &c. concinnarent. Sed hoc ipsum videmur metuisse Iesuita, quod vivant ex tristis hoc ulcere, tam inutiles futuri Pontifici, instar militum ex-auctoratorum post factam pacem, quam jamdiu graves sunt Ordini Episcoporum, si Pax Religionis unquam inter Christianos in Europa procederet: Hinc quod se necessarios magis faciant Sedi Romane; dilatant quantum possunt fossam diffensionum qua vigent inter illam & nos, & sicubi eam vident coarctari per Moderatores & Doctiores, quales estis, nihil antiquius habent quam illos perducclionis & communicatorum cum hostibus publicis Consiliorum accusare. Quod autem spectat hanc meam presentem scriptionem, eam ut aequi bonique consulatis etiam atque etiam rogo: Auxiliares copie undecumque veniant, nunquam sunt contemnenda. Ea est hujus Causa Sanctitas & Iustitia, ut hominibus tacentibus, lapides potius sint loquuturi quam omnino indefensa maneant. Esi nullus dubitem, quin accuratior multo pro Vobis Apologia ab aliquo Vestrum potuisset prodire, cum Nobis cernimus positis, circumstantia omnes Processus Papalis minus pateant, & qua ex illis possent erui contra nuperam Constitutionem argumenta nullitatis; habeatisque in Gallia & Belgio viros Eloquentissimos & Doctissimos, quos inter non sine honoris praefatione nominandi mihi veniunt, Tossanus des Mares, ex Societate Patrum Oratorij, Ludovicus de Sain& Amour, Socius Sorbonicus, Lubertus Fromondus, Ocellus Lovanij, qui si animum recolligant ab ea consternatione, in quam ex inexpectato Pontificis judicio inciderunt, minusque homines quam Deum respiciant, eas poterunt parare Vindicias Veritati, ex quibus Curia Romana, Iesuitis, ac toti orbi, facile constet, eam quidem ad tempus premi, penitus tamen opprimi non posse. Laborare potest, vinci non potest, inquit Hieronymus lib. i. advers. Pel. Et quamvis non dubitem, aliquos fore inter Vos tepidos, timidos, ac vertummos, paratiores & ad verum calorem quam verores, qui, ut à Duacenis factum, quos hodie non pudet quod olim bene fixerat sua Facultas Theologica serviliter refigere, facile patiantur os sibi occludi, vel metu excidendi suo temporali, vel spe pinguiorem aliquam offam consequendi; ea tamen erit, sic confido, Vis Veritatis & efficacia Gratia, ut plures sint utramque ex dictamine sue Conscientia omnibus humanis respectibus praelatanti: Audete modò quod est Virorum Bonorum & Honeslorum, pro tam

justa

AD JANSENITAS.

justa causa, nec deerit successus Vestris Conatibus & Consiliis; Difficilia semper qua pulchra; Veritas magis quam Aurum, per medios ire satellites, Et percurrere amat laxa, potentiùs J&u fulmineo. Nunquam ita feliciter cum illa agetur in mundo, quin pariat odium, & persecutionem patiatur: Nihil tamen, judice Paulo, debemus posse contra illam, sed tantum pro illa: Et cum nihil magis erubescat quam abcondi, videre ne eam in injustitia captivam detineatur. Gloriosum est pro illa pati, & honore tandem coronat omnes qui se constantiâ & patientiâ coronaverint in illius Defensione. Justum & tenacem propositi virum, Non civium ardor prava jubentium, Non vultus instantis tyranni, Mente quatit solidâ, neq; Aulter, Dux inquieti turbidus Adrię, Nec fulminantis magna Jovis manus; Si fractus illabatur Orbis, Impavidum ferient ruinę. Porro ad calcem hujus meę Apologia curavi recudi Vestrum Planctum Augustinianę Veritatis in Belgio patientis, ante aliquot annos editum, quod constat, Primò Romam manifestam tyrannidem exercere & proficere in pejor, ac Innocentium longè duriùs & iniquiùs in hac causa egisse quam Urbanum, multoq; acerbiorẽ Spensadię Vobis imperasse; quasi usurpatâ voce Tyrannicâ Roboami, Pater meus castigabat vos flagellis; ego autem opprimam vos in Scorpionibus. Mellea enim fuit Urbani Bulla, mellea deprehenditur quacunq; illius gratiâ passi estis, qua tamen amarum illum Planctum Vobis extorserunt, si cum hac Constitutione nupera Innocentij conferantur. Secundo nihil Vobis Vestros libellos Fidei, Justitię, Charitatis, profuisse, apud homines fide, justitiâ, charitate destitutos, & quos sola regit oculi nequam, ut ibi loquebamini, invidia in antiquam & Orthodoxam S. Augustini doctrinam à JANSENIO fidelissimè expressam. Tertiò, parum prudenter plerosq; Vestrum ab Innocentio expetiisse ut ipsas fidei quaestiones, hic controversas, decideret, justo etiam liberaliùs obtruso ei palpo prætensa sua Infallibilitatis, cùm jam tot præjudiciis Orthodoxiam gravasset Curia Romana, in qua multo pluri possunt Iesuitica artes, quam vel amor Veritatis, vel purioris Vetustatis reverentia. Denique necessitatem Vobis impositam ex vestristmet hypothësis, agnoscendi Innocentium artibus Iesuitarum illectum, nunc in Pelagianismi gratiam, paria fecisse adversus Augustinum, Iansenium & Ecclesię Catholica fidem Orthodoxam, de Prædestinatione, Gratiâ & Libero Arbitrio, cum iis qua olim fecit Constantius, impius Imperator, Arrianis impulsoribus, adversus Athanasium, & fidem Catholicam

(***)

ibolicam

PRÆFAT. AD JANSEN.

tholicam de æterna Christi Divinitate, adeoque hoc respectu Sedem Romanam, non alio loco Vobis habendam, si vestras auditis Conscientiam, quam Sedis pestilentia. Id cogitate, & Valete.

APOLO-

APOLOGIA NOVISSIMA
TRIPERTITA,
PRO
S. AUGUSTINO, IANSENIO,
ET
JANSENITIS.

Augustinus de Prædest. Sancto-
rum cap. 17.

Q*Vos prædestinavit, ipsos & vocavit, illa scilicet vocatione
secundum propositum: Non ergo alios, sed quos prædesti-
navit, ipsos & vocavit; nec alios, sed quos ita vo-
cavit, ipsos & justificavit; nec alios, sed quos præ-
destinavit, vocavit, justificavit, ipsos & glorificavit,
illo utique fine qui non habet finem.*

P A R S P R I M A;

Continens Generales quasdam

Reflectiones super motivis & successu futuro nuperæ Constitutionis Pontificiæ contra Augustinum & Jansenitas.

Non malè dictum ab Ethnico, *Quos Jupiter vult perdere dementat*: Sæpè enim videmus homines, præposteris suis consiliis, quasi justo Dei judicio excæcatos, præsens sibi exitium accersere, & cum turdis eum viscum proferre quo illaqueantur & capiuntur. Cujus rei nobile exemplû hoc tempore nobis exhibet modernus Pontifex INNOCENTIUS X. qui dum immemor illius Publij Mimi, *Ad penitendum festinat qui citò judicat*, in gratiam factionis Jesuiticæ, non tantum AVGVSTINVM Iansenij, sed in Jansenio, ipsum S. Augustinum & totam Catholicam antiquitatem, atro notat lapillo, videtur Divino scotomate percussus omnia sua consilia in Sedis Romanæ perniciem consultò destinasse, atque in nuperrima sua *Constitutione* decisoria quinque Propositionum fidei adversus Jansenitas, funestum excitasse Cometam, qui ultimam ruinam portendit suæ Babeli.

2. Jesuiticæ factionis homines, miros sibi duxerant triumphos ex mea *Synopsi vere Catholicaque doctrina de Gratia & questionibus annexis*, ante biennium edita, quâ *Catechismus Gratia* à Jansenitis Gallicè promulgatum, primùm Lutetiæ, tum Ambiani, deinde Gandavi, Latine emiseram, & *notis illustraveram*; demonstraturus Viro-

rum istorum Doctorum in communione Romana, nobiscum consensum in gravissima hac materia: Nam quidam *Valentinus Randour* Theologiæ Doctor & Professor Regius in Academia Duacena, 14. Maji anni superioris, in *Oratione* quadam Inaugurali, in speciem contra me, revera contra Jansenitas, habita, & quæ unâ constans phylirâ typis fuit vulgata & ad me missa sub involucro puro, (incertum an ab aliquo Jesuiticæ factionis, qui nollet me latere suorum de meo opusculo judicium, an ab aliquo Jansenita, qui optaret insubidam illam Orationem à me refutari) vehementer jactabat, quod inflixissem *Jansenitis* luculentius vulnus quam hætenus ab ullo alio inflictum fuerit.

3. Putarunt enim Jesuitæ fore id sibi pro aculeo erga Pontificem ad præcipitandam condemnationem Jansenitarum, quod Reformati in Belgio, de suo cum illis Syncretismo in capitibus de Prædestinatione, Gratia & Libere Arbitrio, publicè gloriarentur. Nihil enim putant se plausibilius habere quod illis objiciant quam Calvinismum: ut hîc mihi videantur boni viri inter suos, eodem esse loco cum Helizzo quondam inter Israelitas, qui illi suum exprobrabant *Calvitium* 2 Reg: 11, 23. dum eos infirmulabat Idololatriæ: His enim Jesuitæ, spiritualis Idololatriæ circa suum Liberum Arbitrium & Pelagianismum convicti, nihil præter Calvitium & Calvinismum objiciunt, ut meritò queri possint cum Tertulliano *Apolog. cap. 2.* quod nomen in se damnatur non crimen. Quin ipse Jansenius illi cavillo videbatur satisfecisse, etiam apud eos qui nos habent pro hæreticis, lib. 8. de *Grat. Christi Salv. cap. 21.* his verbis; *Non omnia quæ hæretici docent sunt hæretica: Item, Si qua in re Calvinus cum Augustino & antiquis PP. senserit, non propter Calvinum Augustino indignandum est, sed propter Augustinum Calvina potius gratulandum.*

4. Nec sanè mens mihi fuit Jansenitas gravare apud suos, odio & invidiâ Syncretismi nobiscum: nam & illi pari ac potiori jure, si præjudiciis esset agendum, possent Jesuitis objicere Syncretismum cum Arminianis & Photinianis sive Socinianis, quos habent hæc in his ipsis Controversiis: Sed potius ita volui ipsis gratulari, quod beneficio ejus Gratia quam propugnant, eousque in veritate profecissent, ut ipsis possemus dicere quod Christus Marci XII, 34

illi Scribæ qui cordatè responderat, *Non longè est à regno Dei*: Virtus & Veritas vel in hostibus laudandæ sunt: Nec quid quisque dixerit attendendum, sed quam benè.

5. Quanquam non defuerunt mihi aliæ causæ illius meæ Scripti-
onis. Primò enim censui interesse Ecclesiarum quæ Sedi Romanæ nun-
cium remiserunt, ut apud illas propalaretur magnum hoc dissidium
quod hætenus flagravat inter Theologos Pontificiæ Communionis,
sicque his eriperetur materia porrò vel de sua unitate gloriandi, vel
Protestantibus suas lites & dissensiones objiciendi; Nam omni culpâ
debet carere qui in alios dicere paratus est. Secundò ita volui inno-
tescere quibus ex lacunis sua quondam hauserint in hoc Fæderatò
Belgio, *Iacobi Arminij* Discipuli, qui sibi *Remonstrantium* nomen adop-
tarunt; nempe ex Molinæ, Lessij, Fonseca, Suarezij, similiumque
Jesuitarum doctrina, quam Augustino & Veritati Catholicæ Deiq;
Verbo contrariam esse, luculenter hucusque ostenderunt in commu-
nitione Pontificia asseclæ Jansenij, quos Jansenitas & Syranistas,
& Illuminatos, ut nos Catharos & Calvinistas, Jesuitæ appellant.

6. Tertiò speravi hac ratione cordatiores & honestiores è Papatu
mollius ac melius de nostris, tum in Belgio tum in Gallia, judicatu-
ros, ubi intelligerent, nos cum suis Jansenitis, quos maximi nec
immeritò solent facere, in Doctrina hac de Gratia consentire: Imò
ipsosmet Jansenitas ideo gavisuros: Nam esto, Simus illis Errantes
vel Hæretici in aliis capitibus, ut illi nobis; Offenderit quoque eos
durior illa quorundam è nostris sententia quæ supra lapsum ascendit
in assignando Prædestinationis Objecto, quam videbant evidenter
alienam à mente sui Augustini, & tot incommodis laborare, ut il-
lius respectu non minus istum præsensum Calvinismum, qui tamen
Calvini nunquam fuit, quam Jesuitarum Pelagianismum improba-
rent; Bonorum nihilominus est sibi gratulari de iis quos ante in er-
rore demersos putabant, quod si non ex toto, se Judicibus, saltem
ex tanto propius accedant ad Veritatem; istiusque Pauli non de-
meminisse Phil: II 1, 16. *In eo ad quod usque pervenimus, eadem inceda-
mus regulâ & idem sapiamus.*

7. Quartò id quoq; judicavi pertinere ad Reformatorum Apo-
logiam magni momenti, si constaret hodie tot in Papatu Doctos

& Celeberrimos Viros, illa ipsa capita tueri, propter quæ persecutionum tempore, multi è nostris fuerunt per ministros Tyrannidis Pontificiæ, subjecti Inquisitioni & publicè ustulati. Quin & eadem ratione volui *Vniversalistæ* nostris justum incutere pudorem, quod sanioris Theologiæ hypothesibus relictis, ea ipsa dogmata adoptarent de *Gratia & Redemptione Vniversali*, quæ in Jesuitis & Molinistis ex Paulo & Augustino, meritò Doctissimi Jansenitæ, non sine gravi odio & invidia, improbabant. Nam motus est excetricus in Reformatis Doctoribus, si tum propiùs accedant ad Jesuitas, infestissimos suos hostes, cum longiùs ab illis recedunt tot Eruditi viri in ipso Papatu.

8. Quod si tamen hoc pacto per accidens aliquid contuli ad accelerandam illam Jansenitarum condemnationem, quæ ante trimestre prodiiit, est quod mihi summoperè gratuler: Nam quod ea iniquior & turpior est, eò reverà grandius & multo *luculentius* vulnus inflixit causæ Jesuiticæ & Papisticæ, quam ferè *hactenus ab ullo alio inflictum* fuerit, ut de vulnere per me Jansenitis inflicto nugabatur inficetus, & Rastris quam Rostris aptior, Duacenus Orator: Veritatem equidem damnari Romæ & Christum isthic iterum crucifigi, novum non est: Sed eò væcordiæ processisse Innocentium in Jesuitarum gratiam, ut hic voluerit agere Palæmonem, & Gratiam Christi de ponte deicere, totq; egregios viros, inulto illis hæreseôis stigmate, ad suam Communionem descendam adigere, illud demum est lethale vulnus, & cui cicatricem obducere non ita facile erit, Bestiæ Apocalyptricæ inflixisse.

9. Ecquod enim jucundius spectaculum nobis Reformatis præbere potuisset, quam sæviendo in propria sua viscera, suum corpus cruentis manibus dilaniando, & dextram sinistrâ sibi amputando? Ludum putat esse Pontifex, Controversias tanti momenti, tribus lineis definire: Sed *anus dum ludit*, inquit Publius, *mortis delictiæ facit*. Pulvisculi jactu vespas irritatas sedari, vulgò dicitur: Sed Papa hoc suo pulvere eos crabrones irritavit quos sedare non erit facile. Et sentiet, si mens læva non sit, hanc suam *Definitionem*, plures *Divisiones* cum tempore sequuturas. Id saltem nobis summè volupe est, quod per hoc Papale iudicium, tot Eruditorum Com-

munio-

in unionis Romanæ conscientias testes habeamus, tum fallibilitatis Pontificiæ in rebus fidei, tum deserte palam ab Innocentio, Prædecessorum suorum & totius Antiquitatis Catholicæ doctrinæ, ut suo calculo comprobaret hæresim Pelagianam, ac nova *hæsternaque commenta* Ludovici Molinæ, uti dicuntur Marianæ ejusdem ordinis *cap. 4. de morbi Soc. sua*, & quæ, ipsomet Molinâ fatente, in *præf. libr. de Conc. Gr. & Arb. à nemine quem viderit hucusque tradita* fuerant: ut planè in Novatorem Veterator Papa nunc abierit. Tum demum hæc sapuisset, si tacuisset.

x. Videntur equidem duo illi fuisse primaria Motiva ad hoc Judicium. Primum est *Favor* præposterus erga Jesuitas ab una parte, & ab altera tacitum & inveteratum *Odium* eorum ex Episcopis qui suum locum utcumque tueri conantur. Sunt enim in communione Romana Episcopi trium ordinum: Alij sunt famelici clientes Curiz Romanæ & Pontificiæ libidinis vilia mancipia; ut Itali pleriq; omnes. Alij ut Germani, autoritate & redditibus Principum conspicui, majorem Regionis quam Religionis, Beneficij quam Officij, rationem habent. Tertij gaudentes sufficienti temporali ad suam dignitatem tuendam, quandoque *spiritualia*, uti dicuntur, magis curant, ægrèq; ferunt Presbyteros & Diaconos Ecclesiæ Romanæ in particulari, quos infra ultimum Episcoporum consistere oporteret, ut etiam publico scripto luculenter olim Archiepiscopus Rothomagensis comprobavit, sibi omnibus præferri superbo *Cardinalium* titulo; & præsertim indignantur sua jura quotidie imminui & lædi per Jesuitas aliosque novos *Regulares*, Curiz Rom. privilegiis specialibus instructos. Tales sunt in Gallia, Hispania, Belgio, doctiores & cordatiores Præfules, qui saltem suis Infulis contenti, ad Galeri Cardinalitij *parvæ* aspirare nolunt, & priscam cum Episcopo Romano collateralitatem, relicto ei solo *Primatu Ordinis* per antiquos Canones illi concessio, restitutam optant.

xi. Papa itaque in Jesuitas est propensior quod *immediatè* à Sa-
cramentali sua Sede pendeant, ei voverint obedientiam cœcam, ejusq; infinitam Potestatem, quo jure quâ injuriâ, acerrimè propugnent; Episcopis verò melioribus & doctioribus infensior, quod authoritatem quam putant sibi à Christo collatam studeant asserere, & dum

se aliorum Apostolorum successores statuunt, æquè ac Episcopus Romanus vult Petri & Pauli successor haberi, unicum cum B. Cypriano *de simpl. Pralat.* putant dari Episcopatum *cujus pars à singulis in solidum tenetur*, nec tantum interstitium inter Sedes suas & Romanam admittere volunt, quantum sibi imaginantur hujus Gnathones, qui in capite Pontificis foveant simul ambitionem Cæsaris & Pompei, ut nec parem, nec superiorem velit agnoscere; dixerit licet Hieronymus, in *epist. ad Euagr.* *Vbicunque fuerit Episcopus, sive Roma, sive Eugubij, sive Constantinopoli, sive Rhegij, sive Alexandria, sive Tanis, ejusdem est meriti, ejusdem & Sacerdotij. Potentia divitiarum & paupertatis humilitas, vel sublimiorem, vel inferiorem Episcopum non facit; Ceterum omnes Apostolorum successores sunt.*

12. Itaque ex aperto illo favore Papæ in Jesuitas, nec valde occulto livore in eos Episcopos, qui sui Coepiscopi utcumque haberi volunt, Gallos præsertim, qui unà cum causa *Gratiæ* tuiti sunt nuper *Petrum Aurelium*, ejusdem Opera unanimi consensu & communibus sumptibus recudi curarunt, nec libertates Ecclesiæ Gallicanæ penitus interciderè patiuntur, prodiit dubio procul hæc Jansenitarum novitia condemnatio. Etenim quamdiu inter Dominicanos tantum & Jesuitas quæstio *de Auxiliis* agitabatur, mansit indecisa Romæ, Lessique ac Molinæ erroribus parcitum est: ne dicam Becanos, Marianas, Santarellos, Regibus ominosos Scriptores è Jesuitis, censuram Pontificiam semper evasisse: Sed ubi Episcopi plures accesserunt ad sententiam Jansenij, qui & ipse celebris Episcopus fuerat, tum cœpit Pontifex sua fulmina vibrare, & decretorium stylum arripere.

13. Aliud ei Motivum fuit ad hanc sententiam pronunciandam, quod non vi deretur posse opportuniorem nancisci occasionem ostendendæ illius infallibilis Potestatis in definiendis fidei quæstionibus, quam hæcenus ei denegavit Ecclesiæ Gallicana, quæ soli Concilio Oecumenico id juris competere pertendit, nec potest concoquere quod Pontifex *solus faciat Concilium Generale*, & quæ sunt Ecclesiæ Universalis sibi uni vindicet. Etenim *Si auctoritas quaritur major*, inquit Hieronymus *ad Euagr.* *Orbis major est Urbe.*

14. Putavit autem Innocentius se id opportuniùs tentaturum
hoc

hoc tempore & in hac Controversia, quod ab una parte Belgij Hispanici Præfules & Academia, à quibus hujus dissidij initium & occasio, videantur adhuc Sedis Romane infallibilitatem admittere, ut patet ex illorum libello cui titulus *Planctus veritatis Augustiniana in Belgio patientis*; ab altera Galli credantur facile premendi authoritate Eminentissimi Cardinalis Mazarini, multifariam obnoxij Curie Romane, tum quæ Cardinalis & Romanus, tum ob dissimulata in sui gratiam, à Pontifice Cardinalis Radesiani vincula, & nuper factam reconciliationem Barbarinorum, Gallicarum quidem partium in regimine Politico, sed quoad causam *Gratia* penitus addictorum factioni Jesuiticæ, quæ per Cardinalem Franciscum Barbarinum, non solum obtinuit ab Urbano VIII. premente vestigia Pij V. & Gregorij XIII. contra Bajum, primam *Augustini* Janfeniani censuram, sed etiam Deputatis Belgis ad exposulandum de hujus Censuræ subreptione, sic occlusit omnem aditum in Curiam, ut nunquam audiri potuerint, quemadmodum liquet ex *Planctu* eodem.

15. Veruntamen neutrum horum Motivorum tanti debuisset esse Pontifici ut ad hanc definitivam Sententiam procederet, nisi iusto Dei judicio, Spiritu vertiginis percussus fuisset. Dum enim cælum ipsum petit stultitiâ, & *Gratia* Divine Giganteo conatu bellum indicit, & hæresim Pelagianam à tot ex suis Prædecessoribus olim damnatam reponit in arce, & doctrinam B. *Augustini*, quem semper Ecclesia Romana pro uno & primario ex quatuor suis Doctoribus suspexit, de ponte dejicit, nonne prætensam suam infallibilitatem, non solum nobis Protestantibus aliisque suæ Communionis qui eam nunquam admisērunt, propinat deridendam, sed etiam suspectam & dubiam reddit iis qui illam dicis causâ hæcenus videbantur admittere, & paullò magis comiter ejus colere Majestatem?

16. Valde enim infaniam qui putet tot Eruditos Viros ex Verbo Dei & Antiquitate Catholica persuasos in suis Conscientiis de hujus causæ Veritate & Bonitate, quam & pro concione inculcarunt, & scriptis publicis propugnarunt, & Plebibus suis respectivè inculcandam sanciverunt, hac Pontificis Gorgone objectâ illicò se in Angeronz Templum recepturos, in ranas Seriphias abituros, & in Pontificio autòs ipsa plusquam Pythagorico acquieturos. Arcus
si nimium

si nimium intendatur, frangitur. Perire pariter oportet Papæ potestatem, quæ in eos solum venit exercenda, qui eam ultrò & sponte, instar voluntariæ jurisdictionis, subire voluerint, dum ita vehementer & iniquè intenditur.

17. Politici id suggerunt consilij Regibus & Principibus, ut subditis in factiones abeuntibus, neutri parti se applicent; Manere poterat in salvo apud suos autoritas Pontificia, si ut tandiu factum à Papis in Controversia de Immaculata conceptione B. Virginis, Innocentius nihil hîc definivisset, sed vel utranque partem tolerasset, vel utrique silentium indixisset. Quin ut simia nimium amplectendo suos catellos, eos enecat: Ita Papa nimis arctè fovendo Jesuitas in his quæstionibus eos objicit majori invidiæ: Plus audet quam licet, què plus potest quam debet. Et quò videbuntur plus posse Romæ, eò vehementius se illis opponent ubique Ordinarij & Episcopi; ac passim notabuntur tanquam ingrati, ut S. Prosper Aquitanicus loquebatur, & Gratia ac Crucis Christi inimici.

18. Non enim agitur hîc de aliquo misero Monacho vel Doctore privato cogendo in ordinem, & ad silentium redigendo: Quamvis neq; id facillè succederet in Causa Dei: ut licuit olim exemplo *Gotteschalci*, qui in his ipsis capitibus gravia passus per Rabanum & Hincmarum, tandè Protectores reperiit, Ecclesiâ Lugdunensi ejus causam suscipiente, & Concilio Valentino rrr. confirmato etiam à Nicolao Pontifice Romano, secundum ipsum pronunciante; Ne quid dicam de *Martino Luthero* quem lenius habitum fuisse, nec tam severè damnatum à Leone x. optarunt postea, sed frustrâ, cum jam inmedicabile vulnus Sedi Romane intulisset, moderatiores ex Papatu.

19. Sed agitur de integra Facultate Theologica *Lovanensi*, quæ dignitate post Parisiensem, in Pontificia communione secunda est, (& cui olim in Belgio quoad hæc capita succinuit Duacena) quæ hæctenus declaravit publicè semper se in ea fuisse, quæ hodie damnatur, sententia. Agitur de integro *Pramonstratensium* Ordine, qui totus & palam declaravit se esse partium Jansenij. Agitur de toto ordine *Dominicanorum* penes quos est in Hispania autoritas Inquisitionis, quibuscum internecinum odium Jesuitis à longo tempore intercessit, & quos Molinæ novationibus primos se opposuisse, ac deinceps

deinceps pro *Thoma* Theologia, tanquam pro aris & focis pugnaturos, est notissimum. Agitur de *Sorbone* parte meliori & doctiori; quam veluti repagulum Reges Christianissimi semper opposuerunt Pontificum conaminibus contra Regnum Galliz & Libertates Ecclesię Gallicanę.

20. Agitur non de uno Episcopo Iprensi, Jansenio jam mortuo, qui remordere non potest, & adversus quem iisdem technis Jesuitas *παραγινώσκας* egisse hætenus, quibus Arriani B. Athanasium sunt persecuti, non ita pridem Belgę Jansenitę in suo *Planctu* lamentati sunt; sed de pluribus magne Authoritatis & Eruditionis Episcopis in Belgio & Gallia, qui hanc notam hæreseôs sibi palam inuri non ita facile patientur: Quales inter cæteros sunt in Belgio Hispanico *Gandavensis* Præsul & Archiepiscopus *Mechliniensis*: In Gallia verò præter multos alios, Episcopus *Ambianensis* & Archiepiscopus *Senonensis*, Galliarum & Germanię Primas, qui in suo *Augustino per seipsum docente Catholicos & vincente Pelagianos*, iteratâ editione recuso Lutetię cum Privilegio, à Regis Reginę & Cleri Gallicani Typographo, hæc omnia dogmata quę obelo notat Pontifex, non solum comprobavit, sed etiam suę Dioceseôs Clero tenenda & inculcanda commisit.

21. An ergo tot tantosque Viros *Gratia* Divinę Vindices, præter infinitum numerum Doctorum aliorum qui approbarunt, commendarunt & susceperunt cum ingenti ardore librum & doctrinam Jansenij, ita putavit Innocentius suo fulmine Bruto territandos, ut ad *ἐχέμβριον* redacti, illicò in Pœnitentium ordinem se recipiant ob imaginariam hæresim hætenus admissam & defensam, & ex suo pectore excutiant quicquid hucusque illi inhæserat hujus Veritatis? Forte adhuc contremiscent Itali ad fulmina Papę: Sed diu est quod Cisalpini xre lavantur, & nasum ad ista Rhinocerotis habent. Nec dubium quin larga sementis rixarum & dissensionum in Papatu, sit futura hæc Bulla novitia Innocentij verè bulla, & ad *Extravagantium* ordinem summo suo merito rejicienda.

22. Nam Jesuitę ab una parte, suorum Adversariorum, jam hæreseôs damnatorum & objectorum omnibus pœnis sancitis in hæreticos, ut sunt habiles ad succedendum, Beneficiis ac Temporalibus

ēdulō inhiabunt, & opes Præmonſtratenſium aliorumque Monachorum, qui Janſenianos ſe declararunt, conabuntur adhamare, ut pote quas Papa pertendet ob hæreſeōs crimen ad fiſcum ſuum rediiſſe. Imò cum jam antea docuerint iidem Jeſuitę ſub nominibus Nicolai Smithæ, Hermanni Leomelij & Danieli à Jeſu, ut patet ex Theologia Morali Jeſuit. S. de Episcopis, facile poſſe Galliam, Angliam & Hiſpaniam carere Episcopis, cum omnia quę pertinent ad plebis inſtitutionem & ſalutem Presbyteri Miſſionarij poſſint expedire, ſtudent Sedes Episcopales, quas hætenus minus faventes ſunt experti, hoc hæreſeōs prætextu evertere, & menſas earum ſuis Beneficiis incorporare: inſatiabilis eorum Avaritia in aliis ſive Regularibus ſive Sæcularibus exuendis, quotidie ſe exerit; quò faciunt lites quæ ipsis cum Benediſtinis & Gaſpare Scioppio non ita pridem interceſſerunt.

23. Ab altera parte Janſenitę in communi de nullitate iſtius Iudicii proteſtabuntur, Quod inauditi & indefenſi ex ſuorum adverſariorum ſufſurris & delationibus fuerint condemnati, prout jam antea in ſuo Planctu Belgæ de eo publicè queſti ſunt; Quod ad hoc iudicium non alij quam Jeſuiticę ſactionis & Kabbalę Theologi delecti & admiſſi fuerint; Quod ordo per Canones præſcriptus non fuerit in eo obſervatus: Nec enim ad ſummum plus habere poteſtatis Pontificem in alios Episcopos, quam quemlibet Episcopum in Presbyteros diœceſeōs ſuę; ergo Pontificis fuiſſe in cauſa ſpectante tot Episcopos & Archiepiscopos, ad Curiam Pariam, ut vulgò loquuntur, rem deferre, & ſtare Canonibus priſcis, quibus cavetur ut ſine Concilij examinatione Presbyter vel Diaconus non deſiciatur; quanto minus hæreſeōs damnetur Episcopus & Anathemate percutiatur? Quod ideo ſancivit Concilium Hiſpalenſe 11. cui interfuit B. Iſidorus, quoniam multi ſint qui indiſcuſſos poteſtate tyrannicà damnant (ut factum hîc à Pontifice) & ſicut nonnullos gratiã favoris ſublevant, ita quosdam odio invidiæque permoti humiliant & ad levem opinionis auram condemnant quorum crimini non approbant. Cauſa 15. q. 7. cap. 1.

24. Cui Canoni hic alter ſubjungitur tanti momenti viſus Compilatori Gratiano ut bis repetatur in Decreto. Si quid de quocunque Clerico ad aures tuas pervenerit, quod te juſtè poſſit offendere facile non credas,
nec ad

nec ad vindictam te res accendat incognita; Sed presentibus Senioribus Ecclesie tue, diligenter est veritas perscrutanda, & tunc si qualitas rei poposcerit, Canonica distinctio culpam feriat delinquentis. Adde ex eadem q. 7. cap. 6. hunc Canonem; Episcopus nullus causam audiat absque presentia suorum Clericorum, alioquin irrita erit Sententia Episcopi nisi Clericorum presentiam confirmetur. Irrita ergo pariter Innocentij sententia in Episcopos alios, quæ Episcoporum cæterorum presentiam & calculo destituta fuit.

25. Adjicient Quod in eo judicio formando & præcipitando Pontifex autoritatem totius Ecclesie Romanæ proslituerit suis Adversariis; Quod cum ex Celloti Jesuitæ sententia lib. 4. Hierarch. cap. 10. ut refertur in Theol. Mor. Jesuit. §. de Eccl. & Hierarch. eatenus demum Papa sit infallibilis, dummodo id quod determinat sit propositio vera, & verè revelata à Deo, Prophetis, Apostolis, & Scripturis Canonicis, fultaque autoritate Patrum, Conciliorum & Traditionis, nequeat infallibilis haberi hæc Constitutio, cujus definitiones cum Dei Verbo, veteribus Conciliis, & sententia Patrum, nominatim B. Augustini ac genuinorum ipsius discipulorum, ex diametro pugnant; Quod iniquum sit premere in gratiam Jesuitarum censuram & proscriptionem quinquaginta propositionum hæreticarum damnatarum in unius Molina Jesuitæ libro de Conc. lib. arb. & grat. donis, autoritate Clementis VIII. & Pauli V. quum post examen decennale in Congregatione de Auxiliis, Controversiæ istæ decisæ & compositz fuerunt ex S. Augustini sententia, ut nos docet Ampliss. Præses D. Gilbertus Mauguin in præf. tom. 1. Vindic. Prædest. & Gratiæ; & luci exponere hoc præceptum Judicium, uni Pelagianismo constabiliendo unice destinatum.

26. Denique dicent Quod multò prudentius facturus fuisset Pontifex & melius suorum tranquillitati prospecturus, si vel has Controversias Scholis reliquisset, ut tot sunt aliæ graves quæstiones inter Scotistas & Thomistas, Nominales & Realistas, Dominicanos & Minoritas, agitari solitz, in quibus cuique licet sentire & docere quod lubet; vel in illis decidendis institisset prudenti consilio Clementis VIII. qui correcturus utrunque prædecessorum suorum Pij V. & Gregorij XIII. calorem nimium quo fuerant abrepti

contra Michaelē Bajum Lovaniensem Theologum, unicum sibi proposuerat Augustinum sequendum, in iisdem quæstionibus de *Auxiliis retractandis & definiendis*.

27. Nec sanè pigebit verba illius Pontificis commemorare, prout referuntur, & à P. Gibieux in libro suo de *Libertate*, & ab Authore Anonymo *Apologia Gall. pro Iansenio contra Habertum* pag. 14. & 15. & ab ipso Archiepiscopo Senonensi D. Octavio de Bellegarde, *Augustini docentu* pag. 4. & 5. edit. 2. Ex illisenim constabit Clementem Papaliter quidem loquutum, sed multo sapientiùs quam Innocentem, sicque magis innotescet illius Sedis concordia discors, & faciliùs inter diversa horologia magnæ alicujus Urbis, quam inter Pontificias definitiones conventurum; Ut revera Romæ obtineant *annue & mensuræ* de Deo fides, fides, inquam, potiùs temporum quam Evangeliorum, ut loquebatur B. Hilarius lib. 2. ad *Constantium*. Hæc autem sunt verba Clementis.

28. *Quamvis nemini nisi Deo rationem reddere debeam mearum actionum, dicam tamen inpraesentiarum rationes propter quas astringere statui totam hanc Disputationem ad normam Doctrinae S. Augustini de gratia*. Prima est quod si teste B. Prospero ferè initio libri contra Collatorem, viginti annorum spatio acies Ecclesie ita dimicavit pro gratia contra Pelagianos ut tandem Augustino duce vicerit, oportet etiam ut in causa simili eundem ducem agnoscamus & sequamur. Secunda est quod idem Sanctus nihil videatur pratermississe eorum quæ ad præsentias Controversias pertinent: Quandoquidem si agitur de necessitate Gratiæ, eam describit dicens esse necesse ut nos præveniat, committetur & sequatur; Si de vi, asserit vires efficacissimè præbere voluntati; Si de effectu, testatur facere de nolente volentem; Si de modo, asserit Deum id facere omnipotentissimâ facilitate; Denique sic dissolvit objectiones, ut doceat liberum arbitrium non tantum benè cum illa gratia quam defendit coherere, sed etiam fieri liberius quando ab illa fuerit liberatum. Tertia tandem ratio est, quod cum multi Pontifices Prædecessores nostri doctrina S. Augustini de Gratiâ tam acres fuerint assertores ac vindices, ut quasi hæreditario jure eam in Ecclesia relinquere voluerint, æquum non est ut patiar illam hac quasi hæreditate privari.

29. His planè dissonantia nunc loquitur & facit Innocentius, ne quis Babelem extra Romam quærat. Verùm ita debuit constare

Pontifi-

Pontifices Romanos non servire veritati, sed eam sibi subicere, & pro cuiusque ex illis cerebro, Symbola & Capita doctrinæ publicæ mutari in dies, Augusta illa nomina *Patrum & Antiquitatis*, à Pontificiæ Communionis hominibus nobis tanto cum apparatu objici solita, facillimè tamen apud eos vilescere. Quem *Augustinum* Clemens sibi in normam accuratissimam proponebat, Innocentius in Jansenio & cum illo hæreseô's damnat & Anathematēferit.

30. Speciatim autem habebunt hic quod dicant & agant respectivè in grande derimentum Pontificiæ Authoritatis, illi Galliæ & Belgij Præsules ac Doctores, quos ferit hæc definitio. In Gallia non solum illi *Episcopi*, quos Innocentius dicit *apud se* instituisse ut has *Propositiones* expendere, & suum de illis promeret judicium, habebuntur ab aliis pro ordinis sui desertoribus & libertatum Ecclesiæ Gallicanæ proditoribus, quod hanc causam per saltum Romam detulerint, suis Metropolitanis, Primatibus & Archiepiscopis præteritis, contra præcorum Canonum constitutionem & veterem praxim, juxta quam hæc quæstiones fuissent in Conciliis Provincialibus & Nationalibus priùs ventilandæ; sed reliqui eò sunt processuri quò solent Galli, contra *attentata*, uti loquuntur, Pontificis & Curie Romanæ: Nam vel appellabunt à *veluti abusu* de hoc judicio Papali, & faciliè ostendent in Curia Parlamenti sive apud Magistratū Regis, non servatum fuisse in illo ordinem Canonibus præscriptum, adeoque per Brachium sæculare obtinebunt, ne hæc *Constitutio* recipiatur in Gallia; vel nixi veteri & constanti Axiomate Ecclesiæ Gallicanæ *de fallibilitate Papa*, hoc illius judicium ceu erroneum & hæreticum rejicient, & si per illud urgeantur, ab eo ad Concilium Universale, ut Gallis in more est, appellabunt; Quod si Papa insistat per Monitoria, Citationes, Excommunicationes, illi refragabuntur, & antiquæ libertatis prædecessorum suorum memores, dicent cum illis, *Si Papa nos excommunicaverit, nos eum vicissim excommunicabimus*. Ita vilescet magis Authoritas Pontificia, & cordatores mandabunt Romæ ac Papæ ut res suas sibi habeat.

31. Nec est quod Innocentius speret se Eminentissimi Cardinalis Mazarini favore & Regis Christianissimi auctoritate effecturum,

ut tot egregij tantæque dignitatis viri, qui hæcenus Janseniana castra sequuti sunt, vel pœnis hæreticorum subjaceant, vel ad palinodiam adigantur. Cum enim Vir ille Eminentiss. Papabilis non sit, ut pote Coronæ Franciæ Primarius Minister eique summo perè addictus, & diligenter ac prudentissimè caveat ne quid detrimenti Resp. Gallicana patiatur, nunquam consentiet in gratiam Papæ ut infringantur libertates Ecclesiæ Gallicanæ, quibus Regis & Regni securitas innectitur. Ac revera utriusque plurimum interest foveri, & adversus Pontificiam tyrannidem immunem præstari, illam Cleri Gallicani sanio rem partem, quæ hac *Constitutione* petitur, tribus potissimum de causis.

32. Primum ne videatur nunc admitti & agnosci id juris ac potestatis in Pontifice quoad dogmatum fidei decisionem, quod hæcenus & Curie, & Comitia Regni, & Schola Sorbonæ, & Ecclesiæ Gallicanæ propugnatores, illi constanter denegarunt, uni Concilio Oecumenico hoc judicium infallibile reservantes. Non consistunt magna exempla ubi cœperunt: Et si admittatur hæc autoritas in Pontifice Romano, circa has *quinque propositiones*, postea facile desiniet tanquam *de fide*, omnes Reges ac Principes Christianos, in spiritualibus & temporalibus, subjici Papæ, adeo ut eos excommunicare, deponere, spoliare, eorumque subditos à fidelitatis juramento absolvere possit: quod dogma à Jesuitis pari vehementiâ cum suo Pelagianismo assertum, Galli nunquam voluerunt donare Civitate, sed constanter ceu impium & peregrinum rejecerunt ac damnarunt; Et cum Gallia nunquam consenserit in ipsius Concilij Tridentini promulgationem, multò difficiliorem proculdubio se præbebit, in admittendo hoc Innocentij judicio, in quo tantum suæ causæ & libertati præjudicatur.

33. Secundò ut in condemnatis & notatis à Pontifice, & ab ipso jure merito abalienatis, remaneat aliquod corpus quod sit terrori Curie Romanæ, ut pote facile consensurum in Patriarchæ electionem, si res ea, ut tam sæpè factum in Gallia, nec ita pridem sub Cardinalis Richelij Ministerio, unquam iterum in deliberationem venerit; Hæc enim machinâ multo plura semper poterunt extorqueri Pontificibus, quam si absoluta eorum Potestas & Infallibilitas omninò admitteretur & firmaretur.

34. Tertiò

34. Tertiò ut in istis saniora sentientibus & in plurimis nobiscum consentientibus, remaneat penes Catholico-Romanos Regni quædam dispositio proximior ad eam partium in Religione dissidentium reconciliationem, quam & optarunt plurimi, & Cardinalis Richelius dum viveret non uno modo tentavit, etiam adhibito ad id inter alios multos P. Audeberto Jesuitici ordinis. Nec verosimile est id consilium omninò deponiturum Eminentiss. Mazarium, siquidem solet Cardinalis Richelij in suo regimine premere vestigia, & fundamentis ab illo positiss inædificare.

35. Quantum ad Belgas Præsules & Doctores, viderentur quidem primâ fronte vel ideo admissuri hoc in sua capita Judicium, quod hætenus rejectam à Gallis infallibilitatem Papæ, admittant ipsi, & justo liberaliùs semper se paratos ostenderint in hujus jurare verba Magistri. Sed tamen fallitur Roma, si putat eos tam faciliè capi posse. Nam primò tergiversabuntur, & renovatâ pristinâ suâ querelâ de vi & injuria, contra jura omnia & planè subrepticiè hîc actum clamitabunt; Se damnatos inauditos, oppressam factione veritatem, eosdem sibi & accusatores & judices contigisse; Eodem rem recidisse Orthodoxæ veritati Innocentij respectu, quo olim respectu Zosimi Pontificis, qui artibus Pelagij ipsius Cœlestiique deceptus ac circumventus, in eorum favorem pronunciavit; ipsos Catholicos judicavit, & Pelagij accusatores, ac præcipuè Herotem atque Lazarum, Episcopos Gallia, calumniatores & multorum criminum reos (sicut illos iidem impij heretici mendaciter depinxerant) declaravit, ut habet Baronius ad ann. 417. §. Epi. Spond. 3. Premi quidem ad tempus veritatem, sed non penitus opprimi; Sperare se idem postea eventurum Innocentio quod Zosimo, qui tandem resipuit, admissâ sententiâ Augustini & Synodorum Africanarum, & damnatis dogmatis Pelagij & Cœlestij, ut narrat idem Baronius anno sequenti; Infallibilitatem se quidem credere Papæ, sed iis in judiciis, in quibus maturè, sine præjudicio, & cum sufficienti causæ cognitione processerit; quod cum hîc factum non fuerit, non posse id iudicium haberi tanquam ex Cathedra; Appellare itaque se à Papa malè informato, ad Papam meliùs informandum, & tantisper rem in suspenso relinquendam.

36. Si obfirmatus in sua tyrannide perrexerit, & *viva vocis Oraculo*; ut amant loqui, declaraverit se ita *ex Cathedra* pronunciaſſe, velitq; valere omninò hanc ſuam *Conſtitutionem*, ut moris eſt filio perditionis dicere, *Sic volo, ſic jubeo, ſte pro ratione voluntas*; quod proculdubio urgebunt Jeſuitæ, tam ut hoc gaudium magis ſolidè gaudeant, quam ne Papæ authoritas cõtemni videatur, & apud nos, hæreticos ſcilicet, exponi ludibrio; tum Eruditi Belgæ pergent ulterius, ac proteſtabuntur ſe quidem in libello *fidei* qui extat in tuo *Planctu*, profeſſos fuiſſe *infallibilitatem Sedis Apoſtolica in rebus fidei discernendũ*, eamque nominatim ac ſpecialiter ſuſpexiſſe, in *materia Prædeſtinationis, de gratia & libero arbitrio*, ſed tamen unà declarafſe ſe *Doctrinæ deſacatiſſimæ S. Auguſtini in iſdem materiis, quam ſecundum ſummorum Pontificum decreta, nominatim Johannis 11. Romana ſervat & ſequitur Eccleſia, conformiter ad fundamenta quæ Salvator noſter in Euangelio aperuit & doctrinam quam SS. Apoſtoli Petrus & Paulus tradiderunt, inordicùs inhærere*; Quare cum inter ſacrum & laxum ſint conſtituti, ut longè difficilius ſibi ſit conciliare *Infallibilitatem Papæ cum doctrinæ S. Auguſtini condemnatione, quam ex Molinæ placitis gratiam cum libero arbitrio, malle ſe infallibilitatem Papæ abnegare & Romæ mandare ut res ſuas ſibi habeat, donec ſaltem cum Dei Verbo & Auguſtino in gratiam redierit, quam contraſuas conſcientias quas Deo debent, in Pelagianam ac Pontificiam hæreſim, & decreta Orthodoxam veritatem opprimentia, conſentire.*

37. Aut ſi adhuc velint utcunque ſuæ hypotheſi ſervire, & in ſpeciem Pontificiam *Infallibilitatem* tueri, huc ſaltem recurrent, ut non tam *infallibilitatem Papæ, quam Innocentij Papalitatem* vocent in dubium. Cùm enim ſecundum omnes Scholaſticos, ipſoſq; Jeſuitas, hæc propoſitio non ſit de fide, *Innocentius X. hodie ſedens, eſt verus Papa, & legitimus Petri Succeſſor*, quia potuit non eſſe *Papabilis*, ut vulgò Romæ loquuntur; qua de re agit Puteanus in 2. 2. *Thoma q. 1. art. 6. dubit. ultimã*; jure poterunt Innocentio, quod ipſi longè gravius foret, & alia ſecum traheret incommoda Papatui, *Controverſiam de ſtatu* movere, ac pertendere aut ipſum non eſſe legitimum Papam, aut de eo ſaltem dubitari poſſe, adeoque nullo jure ſe teneri pro *fidei concluſionibus* admittere ejus hominis deciſiones quem

Papam

Papam esse legitimum, credere nec possunt nec tenentur; Nec forte ex Conclavi in quo Innocentiùs fuit electus deessent idonea argumenta huic Exceptioni statuminanda.

38. Neque video quid aliud queant Belgæ Præsules & Doctores facere, si pro honestis & bonis viris suæque Conscientiæ studiosis, & qui Gloriam hominum Gloriæ Divinæ non præferant, velint haberi, Quùm nunc Papa tot stigmata inusserit illi libro sui Jansenij, de quo in suo altero libello *Iustitia* dicto, protestati fuerant, eum nihil aliud continere quam ex omni parte sibi consonantem S. Augustini doctrinam, S. Matris suæ, idest Ecclesiæ, in dotem relictam, seque paratos (ne temerè dictum existimeretur) id in iudicio contentioso demonstrare; Quùm Jansenij opinionibus, quæ & suæ sunt, Hæreses & Blasphemia dicam scripserit; Quùm non curarit, uti petierant, hæc propositiones doctrinales, à suis Adversariis enotatas & designatas, convocatis Episcopis & primariis Academicarum Professoribus judicialiter examinari, & factâ accuratâ & fidelicollatione S. Augustini scriptis collatione, dispici an revera ejusdem Augustini non sint; sed affectibus Adversariorum suorum velificatus, abjectâ Verbi Divini & B. Augustini reverentiâ, in damnandis his quinque Propositionibus, ceu ad Jansenij opiniones pertinentibus aut natis ex illis, Jansenium, Augustinum, Dei Verbum, Veterum Paparum fidem, pessimâ fide ex una eademque fidelia denigrarit.

39. Quâ enim conscientiam admittant pro Christi Vicario infallibili, Petri Successore, Capite & Sponso Ecclesiæ, etiam secluso Christo, ut amat loqui Bellarminus, hominem hæreticum, & eoque factioni Jesuiticæ & Pelagianæ addictum, ut Catholicas & Orthodoxas Propositiones ex Dei Verbo & Augustino desumptas, feriat anatheinate, & omnes Gratia Christi propugnatores cordatos Tartaro devoteat? Nec enim agitur nunc de facto, ut olim in Bulla Urbani VIII. quo respectu citra infallibilitatis Pontificiæ læsionem Academia Lovaniensis in suo libello supplici oblato Serenissimo Archiduci Leopoldo circa initium anni 1648. poterat ejus admissionem deprecari; sed de jure & fide, quo respectu Papam errare non posse hætenus perperam isti boni viri crediderunt.

40. Saltem vident nunc Lovanienses Theologi, vident Belgicę

Hispanicæ Episcopi, videt universus eorum Clerus, quid præmij referant suæ demissionis tam devotæ ad pedes Antichristi; quid ipsis profuerit tantus dicta Academia Zelus, ut in illo suo libello supplici loquebantur, etiam inde à prima sua erectione, tam prompta erga Sedem Apostolicam obedientia; tanta illius sedis ac Romana Doctrina adversus vicinos & domesticos penè hæreticos (ut vulgò nuncupantur) defensio & propugnatio, ut eo nomine ab ipsa S. Sede, non elogia tantum publica, sed & amplissima privilegia & liberalitatem promeruerit; quos fructus metant ex illo vehementi zelo quo flagrarunt, in præjudicium suorum concivium, erga Ecclesiam Rom. ut etiam aliquam vim faciendo suis Conscientiis parati fuerint Bullam Pij v. & Gregorij xiii. saltem sub beneficio Inventarij & benignioris interpretationis, hætenus suscipere, modò interim fas sibi esset veritatem cognitam retinere & sentire cum Augustino. Siquidem omnia cum liceant Romæ, solum ibi non licet Virtutem & Veritatem tutò sectari.

41. Vident quo sint in pretio apud Papas & Jesuitas, Patres & Doctrina Veterum, quibus in exilium probrosè missis, ut novitia nuperaque Molinistarum dogmata vigeant, illud publicè dicitur, *Veteres migrate Coloni*. Videt universum Belgium quibus gradibus & artibus progrediatur illa Sedes pestilentia in opprimenda Veritate. Nam eodem modo adversus Protestantes & Reformatos actum est, quibus inauditis & indefensis, hæreseôs crimen liberaliter impactum fuit, ex plenitudine potestatis Pontificiæ & per meras factiones, non ex autoritate vel Scripturæ vel Antiquitatis Catholicæ, quomodo nunc actum in hac causa, in qua Hæreseôs & Blasphemia & Impietatis prolixè damnantur Jansenus, Janseniani, Lovanienses Doctores, Præsules Belgij, ipse B. Augustinus.

42. Quâ ergò fronte audebunt porro isti zelotæ Papismi nobis dicam scribere hæreseôs, qui tam conceptis verbis hæreticorum Catalogo per novam Innocentij Canonizationem, inscripti sunt? Aut cur magis Leydenfis vel Groningana Academia hæreseôs accusabitur in Belgio, quam Lovaniensis, quæ hæretica declaratur & feritur Anathemate ab illo ipso suo Vajove Tarpeio, cujus infallibilitatem tam prolixè agnoscere & tueri studuerat? Quo deinceps alio loco quam Antichristi & Tyranni Ecclesiæ, possunt in suis conscientiis habere Innocen-

Innocentium Belgæ Præsules & Doctores; quem vident tam apertè *διωμαχεῖν*, ac veritatem & gratiam Christi pedibus conculcare?

43. Ita discant oportet, ab ipsomet Papa edocti, non ex *personis* probandam fidem, sed ex fide personas, ut dicit Tertullianus de *prescript.* nec habere *authoritatem Petri* qui *Petri fidem non habent*, quemadmodum docet Ambrosius lib. 1. de *Panit. cap. 1.* Ita malent in posterum, sic ominor, Christiani esse quam Pontificij, & resecti à communione Pontificia, ex veritatis quam sectantur odio, seipsos in veram asserent libertatem, & Papâ, Papismo, ac Jesuitis cum suo Pelagianismo ingrato valere jussis, non minùs in Papatus abdicatione, quam in Gratiæ Christi defensione nobiscum sentient. Nec in eo Schismatis poterunt accusari: cum erroneæ ac hæreticæ P. R. doctrinæ consentire per conscientias suas nequeant, & is Schismatis sit reus, qui Orthodoxos, ut hic Papa, pronunciat hæreticos, & sic eos à sua Communione resecat, & illis per vim, falsam & hæreticam doctrinam studet obtrudere.

44. Id nempe debet consequi Innocentius, tam gravi abusu suæ Authoritatis apud eos qui illam comiter colebant ex avita superstitione, ut illâ sensim excidat, donec tandem intra fines solius Italiæ, aut forte etiam solius Romanicæ & patrimonij S. Petri, ut vulgò dicitur, Ecclesiæ *suburbicaria*, quarum mentio in 6. *Can. Concilij Nicæni*, juxta Ruffinum, contineantur: adeo ut nequiverint Jesuitæ, vel rem jucundiores nobis procurare, vel periculosius infligere vulnus Sedi Romanæ, quam Innocentium ad hanc sententiam ferendam & istam *Constitutionem* sanciendam impellendo.

45. Fortè hac spe sectant Jesuitæ, facile compesci posse Præsules & Doctores Belgij autoritate publicâ Regis Hispaniæ, ut nihil aliud ipsis restet quam navigare in Morboniam, & hanc injuriam mussare, silenter acquiescendo Papali definitioni, eumque Senem aulicum imitando, qui prostebatur se in Aula hac arte perennasse, quod potuerit multas ferre contumelias, & inferentibus gratias agere. Sed primò non est verosimile tot egregios viros hic tacituros, & præpostero silentio cum canibus Capitolij veritatis arcem ejus hostibus prodituros. Memores erunt sui officij suarumq; conscientiarum: Nec patientur, imò non patietur Gratia Dei pro qua steterunt hætenus, ut de Arca fœderis triumphent Philistæi,

aut Dei veritas detineatur captiva in vinculis iniquitatis. *Credidi & propterea loquutus sum* Psal: cxvi, 10.

46. Secundò nec tuti forent ab Inquisitione hæreticæ pravitatis, etsi mandrent suas linguas & digitos sibi amputarent animo nihil unquam dicendi vel scribendi in defensionem bonæ causæ, & talentum sibi concreditum pusillanimitè defodiendi. Si enim post primam Bullam Urbani viri. suppressuam æqualiter & Janseniani operis & Thesium Jesuiticarum in illud, voluerat nuncius Apostolicus Abbas S. Anastasie, ut omnes sub juramento solemni se obligarent ad eam Bullam acceptandam *in qua prohibetur liber CORNELII IANSENII cui titulus AVGVSTINVS*, quanto probabilius est exactum iri Jesuitarum arte Juramentum in nuperam Innocentij Constitutionem, ut ad has Zelotypie aquas Janseniano-hæretici detegantur, quò possint sua illis Beneficia auferri, & in Sedes vacuas eorum ejectione, boni Molinistæ & Pelagiani intrudi. Ut enim boni Viri jurent in hanc Constitutionem, suis conscientijs reclamantibus, & cum non nesciant satius esse obedire Deo quam hominibus, eumque abnegandum à Christo coram Angelis, qui illum abnegaverit coram hominibus, expectandum non est. *Nihil possumus contra veritatem sed pro veritate*, inquit Pzulus 2 Cor: xiii, 8.

47. Tertiò non est verosimile Regem Catholicum in hac causa Præfules & Doctores sui Belgij deserturum in gratiam Pontificis: *Piscator jesus sapit*, ut est in Adagio: Et cum exciderit omni illo jure quod olim habuerat in Belgium Fœderatum, dum voluit vim inferre Conscientijs, & Papæ Potestatem ac dogmata tueri, non facile ad talia consilia in residua sua Belgica redibit; ne dum peregrinam & Italiam Authoritatem Papæ tueretur, suam ipsius novo periculo objiceret per populorum motus, qui agrè patientur Gratia Divinæ Doctores & Præcones sibi eripi: Imò putabit potius è re sua fore & ad Catholicum suum axioma pertinere Academiam Lovaniensem tueri, quam habuit hætenus pro Catholica Veritatis columine: eoque instius consentiet ut Præfules & Doctores sui Belgij, sepositâ authoritate Pontificis, quâ uti debuisset ad ædificationem non ad destructionem, remaneant suo loco & ordine, posthabito hoc Judicio, donec saltem ipse Papa crapulam Jesuiticam ebiberit, & ad

sanio-


laniorem mentem reversus Palinodiam cecinerit. Quidni enim aliquod INTERIM in Belgio, Rex prudentissimus constitueret hoc casu, ei haud dissimile quod in Germania olim valere jussit Carolus V. Cæsar, suus Abavus?


48. Cùm enim prohibuerit, ut constat ex *Planctu* sæpiùs citato, ne juraretur in formulam ab Apostolico Nuncio præscriptam pro Bulla Urbani VIII. multo minus pateretur vigere inter suos hanc nuperam *Constitutionem* Innocentij X. ac notam publicam inuri hæreseos suis Præfultibus & Doctoribus, ac toti Scholæ Lovapiensi, eamque illi publico exponi opprobrio sub oculis Fœderati Belgij & Ecclesiarum Reformatarum quæ florent & vigent in illo. Quin ed minus videtur Rex Hispaniæ curaturus Pontificis decreta, quo magis videt eum in partes Galliæ per Barbarinos ipsi reconciliatos propendere: Et quam aliàs parum curet Sedeni Rom. patet liquidò ex diuturna incarceratione Cardinalis cujusdam Ecclesiæ Rom. quem captivum Neapoli nondum potuit Papa vinculis suis exsoluere; patet quoq; ex eo quod nuper Vice-rex Neapolitanus, voluit in carcerem conjicere Nuncium Pontificium, qui fugâ sibi consuluit, & quod eidem Vice-regi ex Hispania mandatum, ut Pontifice admittente Legatum Lusitanum, excursionibus hostilibus agros Pontificios populetur.

49. Quid si Rex ipse in suo Belgio, occasione hujus dissensionis, non minus quam in Siculo Regno se caput Ecclesiæ constituat, & hanc capiet occasionem ampliandæ suæ autoritatis ex ruinis Papatus, quod Papa hac nuperâ *Constitutione* cogat Præsules & Doctores Belgij suæ Potestati & Communioni renunciare? Habent Regum Consilia multos occultos recessus, & Reges magni semper tendunt *Plus ultra*, suæque Potestatis & Majestatis ampliandæ occasionibus prudenter invigilant. Adeo nihil utilitatis redit ad Pontificem ex isto judicio, & multa habet ideo metuenda.

50. Verum esto; ut solent Reges & Principes terræ vires & auctoritatem suam tradere Bestiæ ad pugnandum contra Sanctos Apoc: XVI 1, 12. 13. 14. obtineat Papa vi suæ *Constitutionis* ut in Gallia & Belgio sæviatur adversus eos qui Jansenij & Augustini doctrinæ hætenus adhæserunt, nec illis liceat tutò & in pace suarum Conscientiarum libertatem retinere, & Pontificiæ Tyrannidi refragari;

nihil aliud inde eveniet quam quod boni & eruditi Viri suis locis moti, suoque temporali privati vel mox privandi, se ad nos recipiant, & plures unâ ex suis auditoribus & fautoribus adducant, & securitatem nacti inter Protestantes & Reformatos, ferventiùs, cordatiùs & tutius bonam causam defendant, & proscriptionibus Papalibus solidas atatemque laturas scriptiones, ubique disseminandas opponant. Ea sanè est utriusque Belgij vicinia & mutua necessitudo, ut Jansenitè non minus possint ex Fœderato Belgio, in quo Hospitium humanum essent proculdubiò consequuturi, Romam, Jesuitas ac Molinismum impugnare, quam ex Flandria aut Brabantia; Et tum demum illud Themistoclis possent jure merito usurpare, Perieramus, nisi periissemus.





P A R S S E C U N D A ;

23

*In qua sigillatim Ordo, Stylus, Forma & Partes, nuperæ
Constitutionis Pontificiæ expenduntur.*

1. **H**Actenus proposuimus nostras Considerationes generali-
 ores ad *Constitutionem Pontificiam* : nunc ipsa venit
 cominùs examinanda; quod ubi præstitum fuerit, ipsius
 Veritatis breves vindicias in quinque propositionibus
 damnatis suo loco subjiciemus. *Ipsam itaque Bestiam*, ut phrasi
 Hieronymianâ utar, *sua verba resonantem* audiamus. Ejus *ὄργανον*
 talis est;

S.^{MI} IN CHRISTO PATRIS, ac
 D. N. D.

INNOCENTII DIVINA PROVIDENTIA
 PAPÆ X. CONSTITUTIO,

Quâ declarantur & definiuntur quinq; Propositiones in
 materia fidei.

R O M Æ,

Ex Typographia Never. Camera Apostol. 1653.

2. Titulus iste *SANCTISSIMI* est oppidò superbus, & quem
 solus Antichristus queat sibi tribuere; Ipsemet enim Deus nonnisi
Sanctus dicitur in Scripturis, nec sub alio nomine à Seraphinis & An-
 gelis adoratur: Sed hic filius perditionis, cui non satis est *supremum*
in terrâ Numen haberi, ut olim Thomas Stapletonus Lovanio com-
 pellabat Gregorium xiiii. & cui illud dicatur ut quondam Sixto iv.

Oraclo vocû mundi moderari habenas,

Et meriti in terrâ crederi esse Deum;

ipso Deo major cenferi vult & in superlativo gradu *Sanctissimus* ap-
 pellari; Verùm ut ille Rex Ethnicus, cùm à nonnullis per adula-
 tionem *Deus* salutaretur, ajebat eum qui matulam suam purgabat
 quotidie satis nosse quod homo esset; ita se hominem esse, à quo

D

nihil

nihil humani sit alienum, intelligeret Innocentius, si reflecteret ad *sellam* illam *Sacerdotariam* Pontificibus specialem, cujus meminit Platina in *Iohan. 7.* Eique meritò dixerit quilibet de hoc titulo, quod habet Gregorius I. & ipse Papa, *Epist. 34. lib. 4. Vestra Sanctitas* agnoscat, quantum apud se tumeat, qui illo nomine vocari appetit, quo vocari nullus *presumpsit* qui veraciter sanctus fuit.

3. *Æquè* insanit dum Sanctissimus in Christo PATER vult appellari, cum nemo sit Christianorum hodie quem Christo genuerit Euangelij præconio & administratione Sacramentorum; Hæc enim sunt infra supercilium sue Sanctitatis, nec solet Prætor Romanus minima curare: ut nec curat vel quod dixit Christus *Matt. xxii. 9. Patrem vestrum ne quenquam vocate in terra: Unus est enim Pater vester qui in cælis est;* vel quod scripsit Gregorius I. qui Sanctus & Magnus vulgò nuncupatur; eadem illà epistolâ quam modò citavi. *Patrem nolite vocare vobis super terram, unus enim est Pater vester. Quid ergo, frater Charissime, in illo terribili examine venientis iudicii dicaturus es, qui non solum Pater, sed etiam generalis Pater in mundo vocari appetit?*

4. Idem statuendum de DOMINI NOSTRI nomenclatura hîc appositâ. Satis fuit Apostolis esse Ministris Christi & Dispensatoribus mysteriorum Dei *1 Cor. iii. 5. iv. 1.* cum unicum Dominum agnoscerent Jesum Christum *1 Cor. viii. 9.* & nollent Christianorum fidei dominari *2 Cor. i. 24.* Is verò demum audent Dominum Ecclesiæ dici, qui vult κατὰ τοὺς εἰρηνικοὺς λόγους contra mandatum Petri *1 Pet. v. 3.* & Christi *Luc. xxi. 25. 26.* & dememinit ejus quod Eugenio IV. inculcabat olim Bernardus *lib. 2. Consid. ad Eugen. cap. 6.* *Planum est Apostoli interdiciunt dominatum; I ergo tu, & tibi usurpare aude, aut dominans Apostolatium, aut Apostolicum dominatum; Plane ab alterutro prohiberis. Si utrumque similiter habere voles, perdes utrumque.*

5. Jure autem summo debuit potius dici Innocentius Divinâ Providentiâ Papa, quam Dei gratiâ; cum Gratiam Dei in Christo tam superciliosè impugnet. Nec aliter Divinâ Providentiâ sedet, quam olim regnavit Nero, aut Mahumetes Orientem universum misit sub jugum. Hic agnoscenda est Divina Providentia, non ea quidem quæ est κατ' ἐνδοξίαν, sed ea quæ est κατὰ συνήθειαν, juxta distinctionem Damasceni *lib. 2. Orth. fidei cap. 29.* Illa enim in bonis tantum

tantum constituendis & efficiendis, hæc vero in malis permittendis, dispensandis, & præter eorum naturam, ad finem bonum ordinandis, sita est.

6. Debuisset verò hæc *Constitutio* dici non tantum quâ declarantur & definiuntur quinq; propositiones in materia fidei, sed etiâ quâ hæreseôs damnantur præter B. Augustinum Hipponensem, Augustinus Cornelij Jansenij Iprensis quondam Episcopi, & quotquot vel suo calculo hunc librum comprobarunt, vel eandem cum ipso doctrinam tuiti sunt. Approbarunt autem hunc librû, adeoq; judice Papâ hæreses & blasphemias, Archiepiscopus Philippenſium, qui se vicarium proficitur Papæ in Foederato Belgio; Sex doctores Facultatis Parisiensis; quatuordecim Facultatum Lovaniensis, Coloniensis & Duacenæ; aliquot Abbates celebres; quidam Decani Ecclesiarum Cathedralium; Pastores varij & Doctissimi ex Clero Belgij; Superior Patrum Oratorij in Flandria nomine Theologorum luę congregationis; Professores Seniores ex ordine Benedictinorum, Præmonstratensium, Augustinianorum, Franciscanorum, Capucinatorum, Carmelitarum, Carthusianorum; quibus addi possent approbatores libri Francisci Contij Archiepiscopi Hibernensis, & tot Episcopi passim qui hanc Jansenianam doctrinam utroque pollice laudarunt & publicè per Eloquentissimos Concionatores ad populum proponi voluerunt; ut pro eo quod dixit Mantuanus de Urbe Roma, *1 pudor in villas, Vrbs est jam tota lupanar*, meritò dici possit hodie de Communionem Romanam, eam, vel Papâ judice, hæreticis plenam esse, ut sani ab infectis, Galaaditæ ab Ephraimitis, absque Schibboleth Jesuitico dignosci nequeant.

7. Id verò summopere mirum, hîc proponi nobis definitiones & decisiones in materia fidei, in quibus tamen nullus profertur Scripturæ locus, nulla Verbi Divini autoritas, quâ muniantur; dixerit licet Paulus Rom: x, 17. fidem esse ex auditu, auditum autem Verbi Divini; & Petrus ipse apud Clementem Alexandrinum dicatur hoc frequenter usus Apophthegmate, *ὡς ἐκ ἀποφθέγματος*. Ut vel ideo minoris sint faciendæ; Quod enim de Scripturæ autoritatem non habet, eadem facilitate contemnitur quâ probatur, inquit Hieronymus ad 23. *Mass.* Et Augustinus lib. 3. contra Iulianum Petil. cap. 6. *Sive de Christo, sive*

de ejus Ecclesia, sive de quacunque alia re qua pertinet ad fidem vitamque nostram, non dicam Nos, nec quicquam comparandi ei qui dixit, licet si nos, sed omnino quod secutus adjecit, Si Angelus de cælo nobis annuntiaverit, præterquam quod in Scripturis Legalibus & Evangelicis accepisset, anathema sit.

8. Verum ab inscriptione pixidis, ad unguentum quod continet transeamus; Ita autem incipit.

INNOCENTIUS PAPA Servus Servorum Dei,
*Universis Christi fidelibus, Salutem & Apostolicam
Benedictionem.*

Quantum ad Papæ titulum, ex Hieronymo, Sidonio Apollinari, & aliis passim liquet, eum communem fuisse omnibus Episcopis. Inò Filescus Sorbonista de *Sacra Episc. auctor. cap. 10. §. 5.* multis docet quod circa tempora B. Gregorij P. R. Episcopi adhuc salutabantur titulis Papæ & summi Pontificis, ac nuncupabantur PAPÆ, APOSTOLICI PATRES, APOSTOLICA SEDE dignissimi. Verum ex quo Pontifex Romanus aliorum Episcoporum jura & Authoritatem cœpit pedibus suis insolenter conculcare, etiam omnes honoris titulos quos habebant cum ipso communes, sibi uni rapuit; Et ut loquitur de Donato Optatus Milevitanus lib. 3. adv. Parmen. dum Episcopus inter Coepiscopos suos non fuit, nec homo inter homines esse voluit, constat quod extulit cor suum & Deus sibi fuisse videbatur.

9. Quod aliud nomen Servi Servorum spectat, ut fatemur non sine Numine eum assumptum à filio perditionis, cui Canaan jam olim præluserat, ex maledictione Noë futurus servus servorum fratribus suis Gen: ix, 25. ita nequimus concipere rationem illum conciliandi, cum eo fastuoso Dominatu quem exercet Papa in omnia & omnes. Assumpsit illud nomen primus omnium Gregorius 1. illud oppositurus humilitatis studio titulo Episcopi Oecumenici sive Universalis, quem sibi arrogabat Patriarcha Constantinopolitanus; Sed ex quo Bonifacius 111. à Phoca, Mauritiij parricida, consecutus est hoc Nomen blasphemæ, uti dicitur Gregorio lib. 4. Epist. 32. potuerunt Pontifices Romani τὰ ἀσυνέτως αὐτοκράτορι: Et jure hîc dixerint Innocentio Jansenitæ omnes, quod olim Nicolao 1. Præsul Colonienfis & Treverensis apud Aventinum lib. 4. Tu Pontificis quidem personam

pra se fers, at tyrannidem agitas: Sub habitu & cultu Pastoris lupum sentimus; Titulum parentem mentitur, iute factis Iovem ostentas: Cùm sis Servus Servorum, Dominus Dominorum esse contendis. Iuxta disciplinam Christi Servatoris nostri, infimus es omnium Ministrorum Templi Dei; Tu vero libidine dominandi in Principem abis. Quicquid tibi libet licet: Fucus factus es Christianis.

IO. Nec capio quã vel Vniuersis Christi fidelibus, suas decisiones inscribat Pontifex, cui nihil juris in ipsos; vel Salutem iis precetur, evertendo Gratiã Christi Salutarem, & cui omnis nostra Salus debet inniti; aut Benedictionem Apostolicam, cùm nec ipse quicquam habeat magis Apostolicum, quam olim vel Manes vel Mahumetes, qui etiam se Christi & Dei Apostolos respectivè vocitarunt; nec Benedictiones in hac sua Constitutione pronunciet, sed dira & maledicta, quibus sui terrorem Gratia Divinae patronis & sanioris sententia seſſatoribus tyrannicè studet incutere; Annuìt & nutu totum tremefecit Olympum. Viri tamen cordati tam parum erunt solliciti de ipsius Benedictione consequenda, quam illius Maledictiones & Excommunicationes fortiter contemnent ceu Bruta fulmina, de quibus ita loquitur Erasmus in Adagiis; Hodie fulmina bruta metaphorice accipiuntur, & ad interdicta Pontificia referuntur, qua contra jus fasque esse censentur, ideoque contemnenda. Bruta autem fulmina olim dicebantur quae nihil portendere videbantur, quasi inania & nulla ratione natura venientia, inquit Plinius.

II. Præmissa autem hac salutatione Pontificiã, Innocentius, Celsior ipse losceptroque innixus eburno, Talibus inde modis ora indignantiã soluit.

Cùm occasione Impressionis libri, cui Titulus Augustinus Cornelij Jansenij Episcopi Iprensis, inter alias ejus opiniones orta fuerit, præsertim in Galliis, controversia super quinque ex illis deductis Propositionibus: Complures Galliarum Episcopi apud Nos interfuerunt

stiterunt ut easdem Propositiones Nobis oblatas expenderemus, ac de unaquaque earum certam & perspicuam ferremus sententiam.

At qui certum & sanum sensum ex istis verbis possit exsculpere, erit mihi magnus Apollo. Quid enim absurdius quam queri potius de *impressione libri* istius, quam de ejus *scriptione*? Quid iniquius quam Gallias commemorare super *occasione libri*, qui in Belgio & scriptus & editus est? Quid stolidius quam post illam clausulam, *inter alias ejus opiniones*, meminisse *Controversia super quinque ex illis deductis propositionibus*? Vel enim hæ quinque Propositiones, pertinent ad *ejus opiniones*, & sic non debent statui simpliciter *deductæ ex illis*; vel si tantum *ex illis deductæ sunt*, non potest hæc *Controversia* de his quinque propositionibus dici, absque sensu & contra sensum communem, nata *inter alias ejus opiniones*. Nam propositiones deductæ ex alicujus opinionibus, non debent statim revocari ad illius opiniones, vel illis accenseri. Potest enim ex alicujus opinione evidens deduci absurdum, quod ipse ex imbecillitate mentis non animadvertit, quodque revera improbet & detestetur. Neque *Controversia* hæc orta est *inter alias opiniones Jansenij*, sed de his ipsis propositionibus & propter illas.

12. Quid quod nescias an illud relativum, *EIVS*, ad librum cui titulus est *Augustinus Cornelij Jansenij*, an ad libri Authorem spectet: Æquitas quidem videretur exigere ut ad librum referretur, quo Authorem memoriæ & honori parceretur, dum liber prohibetur & damnatur. Sed ratio Grammatices postulat ut potius Authorem respiciat; cum *opiniones* non tam sint librorum quam Authorum à quibus scripti sunt. Videtur autem ex professo hic Apollo Loquax ita loquutus, ut nescias ad quam *Classem*, primam-ne an secundam, *Librorum prohibitorum*, quorum *Index* solet excudi ad calcem Concilij Tridentini, *Augustinus Jansenij* sit referendus. Si pronomen *EIVS* de Authore intelligatur, ad primam pertinebit, de qua ita habet *Prefatio illius Inducis*. *In prima non tam libri quam librorum Scriptores continentur qui aut heretici aut notâ hæresis suspecti fuerunt*. Si ad librum restringatur, debet pertinere tantum ad secundam, in quam, ut habet

habet eadem *Præfatio*, non auctores sed libri sunt relati, qui propter doctrinam quam continent non sanam aut suspectam, aut quæ offensionem, etiam in moribus tantum, fidelibus adferre potest, rejiciuntur, etiamsi auctores à quibus prodire nunquam ab Ecclesia desciverunt.

13. Interea tamen dum Augustino Jansenij movebitur in Curia Romana Controversia de statu, eveniet ut harum Classium neutram subeat, sed è contrario in Arce, cum ipso met Augustino, ex quo desumptus est, reponatur; aut saltem ideo majori pretio sit futurus apud omnes, quod Romæ displicuerit, cum nihil isthæc displiceat nisi quod verum & bonum est. Et quamvis ita loquutus ambiguè videatur Innocentius, ne crederetur vel Jansenium, vel ejus librum, hæreseôs insimulare, sed tantum *Propositiones* quasdam ex illo perperam in Galliis deductas, revera tamen hæc omnis faba in Jansenium ejusque librum cuditur. Nam sic præsertim Galliarum meminit, ut non excludat, sed potius includat Belgium, in quo hæc Controversia cœpit agitari. Et cum non dicat Propositiones illas vitiosè deduci ex Jansenio, cujus aliàs innocentiam Innocentius protegere debuisset, non possunt Conclusiones proscribi quin unà damnentur Principia ex quibus legitimè deducuntur, falsumque esse oportet ex quo falsum benè & ordine legitimo colligitur.

14. Ideo, licet non satis Grammaticè, hæ propositiones quinque ad alias Jansenij opiniones referuntur, & post illas damnatas sub finem, negat Innocentius se per illarum condemnationem approbare ullatenus ALIAS Opiniones quæ continentur in prædicto libro. Fraudis itaque & artis est Romanæ quod ita ambiguè & timide loquitur ab initio Constitutio Papalis, quasi non tam opiniones Jansenij, quam propositiones quinque ex illis, fortè vitiosè, deductas, insimulet hæreseôs, quò Belgis potissimum occasionem aliquam suggerat assentiendi suæ Bullæ, & equum istum Trojanum admittendi. *Fistula dulce canit volucrem dum decipit auceps.* Sed hæ fraudes vitreæ sunt, ut Ethnicorum virtutes, & dum pellucet franguntur: Nemo enim prudens Jansenium & Jansenitas extra hanc censuram quæ siverit.

15. Quin debuisset Innocentius adjicere huic suę bellulę Præfationi hunc librum Cornelij Jansenij ideo Augustinum appellari, quod putam putam B. Augustini de Gratia Doctrinam accuratè & methodicè completæ-

complectatur, nihilque contineat quod cum magni illius Doctoris mente & scriptis non exactè concordet, uti Belgæ in suo *Planctu* se id judicialiter demonstrare paratos professi sunt. Imò unà debuissent addere hunc eundem *Augustinum* Jansenij cum esse librum quem tot Episcopi susceperunt, quem tot Docti Doctores & Monachi in Patu suis Elogiis ornarunt, & Approbationibus muniverunt, ac Subscriptionibus receperunt; quò facilius toti Europæ constaret Catholicam B. Augustini & tot Catholicorum in sinu Ecclesiæ Romanæ hodie viventium doctrinam, Romæ condemnari, ut Pelagianismus & Molinismus publicè de Gratia Christi triumphet. Et quidni ex Orthodoxa sententia hæresim faciat Pontifex, qui ex non peccato peccatum, ex non Canonico libro, Canonicum & viceversa, juxta Canonistas facere potest?

16. Astutia verò est Pontificia, quod *Galliarum* præsertim meminit Innocentius, quasi ibi magis sua Autoritas & Infallibilitas suspiciatur, ubi magis nutat & contemnitur. Et *μὲν πολλὰς φαντασίας*, complures *Galliarum* Episcopos apud se instituisse pro hac decisione obtinenda fabulatur; cum revera, si qui *Galliarum* Episcopi hoc fecerunt, illi comparatè ad alios longè melioris commatis, oppido pauci fuerint, Fratrum suorum accusatores, vilia Jesuiticæ libidinis principia, qui ex Jesuitarum Pædagogia & Pæderastia recens egressi, & solâ ignaviâ atque ignorantia celebres, hanc suis Pædagogis & Socratibus rependerunt gratiam, ut Episcopatus dignitatem & Canonum Autoritatem pedibus conculcarent, Ecclesiæ Gallicanæ Libertates & Jura proderent, receptioribus & sanioribus in Patria sua Axiomatis renunciarent, & hæreseôs Pelagianæ procuratores se Romæ constituerent, (ne Massiliensium & Gallorum *παραγίαι-ζουλον* stirps penitus extincta videretur) cum eam domi per seipso nequirent defendere. Ita debuerunt isti degeneres Galli illud infringere B. Hieronymi *adversus Vigilant.* *Sola Gallia monstra non habuit, sed viris semper fortissimis & eloquentissimis abundavit:* Imò proh dolor, nobis suppeditare materiam querendi cum eodem *ibid.* quod in horum unoquoque *Gallia vernaculum hostem sustineant; & hominem motum capitis atque Hippocratis unculis alligandum, sedentem cernant in Ecclesia.*

17. Neque prætereundum quod dicat quidem Innocentius hos
nothos

nothos Gallos & Galliçi nominis opprobria apud se instituisse, pro harum propositionum decifione, sed tamen infinuet eas sibi oblatas aliunde fuisse: quò magis constet, hos Pseud. Episcopos & Jesuitas, cum Pontificiis Ministris hanc rem omnem ex compaſſo agere, quasi in velabro olearios, ut Plautus loquitur. Nec dubium quin Jesuitæ has propositiones ex Jansenio collegerint & Papæ definiendas obtulerint: Cùm enim se impares sentirent honesto congressui cum Jansenitis, in quo *res cum re, causa cum causa, ratio cum ratione concertaret*, ut loquitur Augustinus lib. 3. cont. Maxim. cap. 14. nihil antiquius habuerunt, quam ad suam sacram anchoram, idest Pontificiam auctoritatem, confugere, & ab ea Sede & Urbe Pelagianismo suo patrocini-um quæ-
rere, quæ Petrarchæ jam olim dicta fuit,

Fontana di dolore, Albergo d'ira,

Schuola d'errori è Tiempio d'heresia.

Gia Roma, hor Babylonias falsa è ria.

Per cui tanto si piagne è si sospira.

Officina d'inganni è pregion dira,

Ove l'ben muore e l'mal si nutre è cria.

Idest Fons dolorum, hospitium ira; Schola errorum & templum hæreseos: olim Roma, nunc Babylon mendax & nequam; cujus causa tantum ploratur & suspiratur; Officina fraudum & carcer dirum, ubi bonum moritur, malum alitur & creatur.

18. Nequis autem putet suam Sanctitatem temerè & re non expensâ hîc judicasse, ante omnia recenset has Propositiones sibi oblatas, hoc præfixo lemmate, aliis characteribus:

Tenor verò præfatarum propositionum est prout sequitur.

In his propositionibus colligendis solitâ suâ versutiâ sunt usi Jesuitæ. Nec enim id ausi sunt Jansenio aut Jansenianis vertere vitio, quod Prædestinationem æternam ad salutem asserant factam ex mero Dei beneplacito, non ex intuitu aut prævisione fidei vel operum; quod Gratiæ sufficientis universalitatem rejiciant; quod Gratiæ efficaciam ex libero arbitrio suspendi nolint; quod statuam Deum non alios velle servare quam Electos qui de facto servantur; quod homines in statu naturæ lapsæ, ante Gratiæ medicinalis communi-

E

cationem,

cationem, faciant ineptos ad omne bonum, proclives ad omne malum; quod Pelagianam ἀναμαρτυρίαν & ἀπαθείαν, rejectam ab Hieronymo ad Ctesiphontem, & ipsi rejiciant: Sed prout impij in circuitu ambulant, maluerunt per cuniculos agere, easque propositiones damnandas seligere, quæ primo obtutu magis odiosæ viderentur, ut super earum ruinis facilius suum Pelagianismum extruerent.

19. Est enim ea Veritatum in his Controversiis connexio ut, unâ luxatâ cæteras corruiere necesse sit: Si enim, verbi gratiâ, interiori gratiæ in statu naturæ lapsæ aliquando resistitur, nec illa fluet ex certa & immutabili Prædestinatione Dei, & agnoscenda erit distributio Jesuitica Gratiæ in *sufficientem* & *efficacem* quam rejiciunt Jansenitæ. Nec erit arbitrium *servum peccati*, in statu naturæ lapsæ ut ipsi docent cum Augustino, si in eo statu ad demerendum libertas ab omni necessitate, non tantum à coactione requiratur. Excidet quoque sua efficacitate Gratia Christi, quam propugnant ex Scripturis, si Deo per illam volenti convertere queat humanum resistere arbitrium; Nec potest redemptionis per Christum universalitas adstrui, quin propugnetur vniuersalitas Gratiæ sufficientis, ejus efficacia ex arbitrio humano suspendatur, & subruatur absoluta & immutabilis Prædestinatio & Reprobatio hominum, in massa peccati jacentium.

20. Operæ autem pretium facturus sum, si singulas hæc Propositiones, ut à Pontifice recensentur, non Jansenianas modò, sed Augustinianas esse, paucis demonstravero, quòd magis constet, non solum Jansenium & Jansenitas, ne se hic extra quærant, sed ipsummet quoque B. Augustinum, ejusque omnes genuinos Discipulos, Hæreseos & Blasphemias ab Innocentio reos peragi; Ejus ergo *Constitutionem* τῆς πρός α sequamur.

Prima: Aliqua Dei Præcepta Hominibus iustis volentibus & conantibus, secundum præsentēs quas habent vires, sunt impossibilia; deest quoque illis Gratia quâ possibilia fiant.

Hanc propositionem esse Jansenij patet ex lib. 3. de grat. serv. cap. 13. cujus hoc est leima, Proponuntur duo argumenta pro asserenda gratia sufficiente:

sufficiente : Differitur suse de possibilitate & impossibilitate præceptorum Dei ;
Esse quandam voluntatis infirmitatem, quâ non patet certas tentationes superare, nec adest gratia quâ superentur, nec spiritus orationis quo vires impetrentur. Ibi autem hæc confectaria ex Augustino deducuntur : Primum quidem, esse quadam homini præcepta secundum statum & vires in quibus constitutus est, impossibilia. Secundum, non adesse semper gratiam, quâ illa eadem præcepta implere sufficiamus. Tertium, hanc impotentiam reperiri non solum in excæcatis & obduratis & infidelibus, de quibus nunquam vel Augustinus, vel Ecclesia, sed solum Scholastici nonnulli ex humanis rationibus dubitarunt, sed etiam fideles & iusti, qui & fidem Christi & charitatem iustitia susceperunt. Quartum, hanc impossibilitatem fidelibus accidere, non tantum quando nolunt præcepta facere, sed etiam quando volunt.

21. Et ut mittam quæ ed spectant hypotheses plurimas Jansenitarum, quibus statuunt Concupiscentiam remanentem in fidelibus post baptismum ac Legi Dei adversantem non posse totaliter destrui in hac vita, in Catechismo Gratiz Erot. 17. & Concupiscentiæ illius motus, etiam indeliberatos & qui rationem antevertunt, esse vitiosos & peccaminosos, ut docet Jansenius lib. 2. de st. pura nat. cap. 14. Catechesis Janseniana Erot. 38. sic loquitur ; *Habent ne semper iusti Auxilia necessaria, ad superandas omnes tentationes ?* R. Non : Nam Deus ad sanctos humiliandos non semper illis dat, vel illuminatam cognitionem, vel delectationem victricem ; quo agnoscant lucem quâ illuminantur & suavitatem per quam agunt, à seipsis non esse ; sed à Deo ; Quapropter eorum differt sanationem, adeo ut bonum sufficiens non ipsos alliciat ad iustitiam omnimodè complendam, sive id bonum ipsis opertum, sive apertum fuerit : ne facilitatem in omnibus reperientes, sibi tribuant quod soli Deo tribui debet. Hac autem ratione non vult eos perdere, sed per humilitatem servare.

22. Loca varia Augustini, quibus hæc Jansenij & Jansenitarum Propositio asseritur, possunt ex Jansenio repeti, qui in illis condensandis & inculcandis totus est : Sufficiat pro meo instituto nonnulla breviter enotasse, quæ maximè ad rem faciunt. Augustinus ergo lib. 2. de peccat. merit. & rem. cap. 17. ita loquitur ; *Ideo quisq; nostrum bonum opus suscipere, agere, implere, nunc scit, nunc nescit, nunc delectatur, nunc non delectatur, ut noveris non sue facultatis, sed divini muneris esse, vel quod scit vel quod delectatur, &c.* Et cap. 19. Idcirco etiam sanctos

& fideles suos in aliquibus vitiis tardius sanat, ut in his eos minus quam implenda ex omni parte iustitia sufficit deleat bonum, sive cum lateat, sive cum etiam manifestum est, ut quantum pertinet ad integerrimam regulam veritatis ejus, non iustificetur in conspectu ejus omnis vivens.

23. Præsertim verò Augustinus duo commemorat Præcepta, quæ à nemine quantumlibet sancto in hac vita impleri possunt, quorum primum est de Deo ex toto corde diligendo, alterum de non concupiscendo: De utroque conjunctum ita loquitur lib. de Sp. & litera cap. ult. Ad illam vitam jam immortalem pertinet, Diliges Dominum Deum tuum ex toto corde tuo, & ex tota anima tua, & ex tota virtute tua; Ad hanc autem, Non regnet peccatum in vestro mortali corpore ad obediendum desideriis ejus. Ad illam, Non concupisces; Ad istam, Post concupiscentias tuas non eas.

24. De primo nominatim ita habet lib. de Pers. Inst. contra Cælest. ressp. 16. In qua plenitudine Charitatis (videlicet in cælo) præceptum illud implebitur, Diliges Dominum Deum tuum ex toto corde tuo, & ex tota anima tua, & ex tota mente tua. Nam cum est adhuc aliquid carnalis concupiscentia quod vel continendo franetur, non omnino ex tota anima diligitur Deus: Non enim caro sine anima concupiscit, quamvis caro concupiscere dicatur, quia carnaliter anima concupiscit. Tunc erit justus sine ullo omnino peccato, quia nulla lex erit in membris ejus repugnans legi mentis ejus, sed prorsus toto corde, tota anima, tota mente diliget Deum, quod est primum summumque præceptum. Cur ergo non præciperetur homini ista perfectio, quamvis eam in hac vita nemo habeat? Non enim rectè curritur, si quod currendum est nesciatur. Quomodo autem sciretur si nullis præceptis ostenderetur?

25. De secundo idem docet epist. 200. ad Afellicum. Hoc Lex posuit dicendo, Non concupisces; non quod hic valeamus, sed ad quod proficiendo tendamus: Et distinctius lib. 1. de Nuptiis & Concupis. cap. 29. Multum boni facit qui facit quod scriptum est, Post concupiscentias tuas non eas; sed non perficit, quia non implet quod scriptum est, Non concupisças. Ad hoc ergo dicit Lex, Non concupisces, ut nos in hoc morbo jacere invenientes, medicinam gratia quæteremus, & in eo præcepto sciremus, & quo debeamus in hac mortalitate proficiendo conari, & quod possit à nobis in illa immortalitate perveniri. Nisi enim quandoque perficiendum esset, nunquam jubendum esset.

26. Quod autem nugatur Becanus *Manu. lib. 1. cap. 17. quæst. 1.*
 & 2. Augustinum docere tantum de duobus istis Præceptis quod non
 possint à quoquam observari in hac vita, *quoad verba* quibus propo-
 nuntur, non verò *quoad sensum & obligationem* quam inducunt, in-
 dignum est refutatione; cum de sensu & obligatione Præcepti, non
 aliunde quam ex illius verbis possit constare; adeoque velle ipsi
 alium assignere sensum quam ipsa præ se ferunt, est *sophisticè legem*
interpretari & cavillari, ut loquitur Imperator *l. 12. §. 3. C. de Edif. privat.*
 Officij nostri mensura, non ex viribus nostris per peccatum collap-
 sis, necdum plenè in hac vita restitutis, est æstimanda, sed ex Dei
 legibus & mandatis, ex quibus intelligimus non tam quid possimus
 in hoc imperfectionis statu, quam quid teneamur præstare, & quid
 sumus consequuturi perfectionis in cœlo.

17. Sed pergamus ulterius.

Secunda: Interiori gratiæ in statu naturæ lapsæ nunquam resistitur.

Et hæc est quoque assertio Janseniana. Nam Jansenius *lib. 2. de gratia*
Serv. cap. 24. docet quod Gratia Christi simulac pulsat fores, rumpit ostia,
 repugnantemq; domat voluntatem, tollit omnem resistantiam, rapit eam secum,
 & ex invita volentem ac se determinantem ineffabili suavitate facit; hinc mo-
 net illam Gratiam victricem ab Aug. appellari & cui homo non possit re-
 sistere: Et *cap. 25.* sumit probandū, quod prorsus effectu non careat, sed eum
 in omnibus quibus datur infallibiliter opèretur. Sic in Catechismo Gratia
 Erot. 13. & 14. docetur quod semper producat effectum, quem Deus per illam
 vult producere, & quod cum victrix sit, tandem nostram resistantiam superet.
 Eò quoque pertinet caput 6. Augustini docentis Archiepiscopi Senonen-
 sis, quod inscribitur *de gratia Christi semper efficaci.*

28. Hanc doctrinam ex Augustino depromi, est notius quam
 ut multis debeat demonstrari: Notum enim illum passim distinguere
 inter Adjutorium naturæ integræ, quod appellat *sine quo non*, & meræ
 possibilitatis fuit; & Adjutorium medicinale Christi in natura lapsa,
 quod dicit adjutorium *quo & voluntatis*. Prima gratia est quæ fit ut habeat
 homo justitiam si velit; secunda plus potest, quæ etiam fit ut velit; de *Corr. &*
grat. cap. 11. & cap. 12. Subventum est igitur infirmitati voluntatis humane,

nempe per auxilium quo, ut divinâ gratiâ indeclinabiliter & insuperabiliter ageretur. Et cap. 14. sic loquitur; Volentis salvum facere nullum hominum resistit arbitrium. Sic enim velle aut nolle in volentis aut nolentis est potestate, ut divinam voluntatem non impediat, nec superet potestatem. Et lib. 1. ad Simpl. q. 2. Non potest effectus misericordia Dei esse in hominis potestate, ut frustra ille misereatur si homo nolit. Et lib. 1. contra duas epist. Pelagij, cap. 19. Trahitur miris modis ut velit, ab illo qui novit intus in ipsis hominum cordibus operari, non ut homines quod fieri non potest nolentes credant, sed ut volentes ex nolentibus fiant.

29. Sequitur porro;

Tertia: Ad merendum & de merendum in statû naturæ lapsæ non requiritur in Homine libertas à necessitate, sed sufficit libertas à coactione.

Hæc tertia propositio necessario nexu cohzret cum præcedenti. Nam posita Gratiæ irresistibilitate, quâ ex nolentibus fiamus volentes, ita libera à coactione agnosci debet nostra conversio, ut tamen non sit libera ab omni necessitate. Jansenius multis in locis probat amissam per peccatum boni faciendi & à malo abstinendi libertatem, peccandique necessitatem invecctam, adeo ut arbitrio humano ante fidem non sit liberum à peccato dum hic & nunc agere meditatur, abstinere, sed quocunque se verterit, quadam humanis vtribus insolubili peccandi necessitate teneatur, ut expressè loquitur lib. 3. de statu nat. lap. cap. 14. quod toto eo libro, & 4. seq. fusè demonstrat. Et lib. 6. de Grat. Christi Servat. cap. 6. hoc habet lemma; Duplex necessitas Augustino, coactionis & simplex seu voluntaria; illa non hæc repugnat libertati; quod deinceps fusè & operosè demonstrat.

30. Eadem habet passim Augustinus. Nam sæpè tribuit arbitrio humano servitutem peccati: Nominatim Enchirid. cap. 30. A quo quis devictus est huic & servus additus est: Petri certè Apostoli est ista sententia, quæ cum vera sit, qualis quæso potest servi addicti esse libertas, nisi quando eum peccare delectat? Liberaliter enim servit, qui domini sui voluntatem libenter facit: ac per hoc ad peccandum liber est, qui peccati servus est: Vnde ad justè facien-

faciendum liber non erit, nisi à peccato liberatus esse iustitia caperit servus: Et lib. 1. Retract. cap. 9. Voluntas ipsa nisi Dei gratiâ liberetur à servitute quâ facta est serva peccati, & ut vitia superes adjuvetur, rectè pieque vivi à mortali bus non potest. Bellarminus equidem lib. 4. de grat. & lib. arbit. cap. 6. id sumit sibi probandum, Non posse ab insigni temeritate defendi modum loquendi Protestantium, qui nomen liberi arbitrij in nomen servi arbitrij mutarunt; sed ideo vapulat Jansenio lib. 3. de st. nat. lap. cap. 5.

31. Sed præsertim pro conciliatione alicujus, necessitatis cum libertate arbitrij, ita loquitur Augustinus *Enchirid. cap. 105. Sic oportebat prius hominem fieri ut & benè velle posset & malè; postea vero sic erit ut malè velle non possit, nec ideo libero carebit arbitrio. Multo quippe liberius erit arbitrium quod omnino non poterit servire peccato. Neque enim culpanda est voluntas, aut voluntas non est, aut libera dicenda non est, quâ beati esse sic volumus, ut esse miseri non solum nolimus sed nequaquam prorsus velle possimus; Sicut ergo nunc etiam anima nostra habet nolle infelicitatem, ita tunc nolle iniquitatem semper habitura est: quod insuper probat exemplo Dei lib. 22. de Civit. Dei cap. ult. Certè Deus ipse nunquid quia peccare non potest, ideo liberum arbitrium habere negandus est? Et ejusdem operis lib. 5. cap. 10. cujus lemma, An voluntatibus hominum aliqua dominetur necessitas, inter alia sic loquitur; Si illa definitur esse necessitas, secundum quam dicimus necesse esse ut ita sit aliquid, vel ita fiat, nescio cur eam timeamus ne nobis libertatem auferat voluntatis.*

32. Quantum ad voces *merendi & demerendi* sive malè merendi, quæ in hac extant Propositione, aliàs observavi, nempe ad *Eros. 54. Catech. Gratia*, parum admodum Jansenitas meritis propriè dictis tribuere, quod evidenter liquet ex Jansenio ipso *de Grat. primi hom. cap. 16.* Itaque nec frequens apud Jansenium occurrit usus istius verbi *merendi*, ubi necessitatem aliquam studet conciliare cum libertate requisita ad benè vel malè agendum, nec sequitur necessariò homines benè agendo mereri apud Deum, eo quod demereantur, id est pœnam mereantur ex Iustitia & Lege Dei, malè agendo. Nam quod homines malè agunt, simpliciter suum est, & habet malitiam adæquatam pœnæ quam merentur; sed quod benè agunt Gratia Divinæ est, & cum sui respectu multis adhuc nãvis laboret, longè subfidit infra præmium gratuitum & indebitum quod consequuntur

Rom: VIII, 18. Hinc dicit Augustinus, *Dona sua coronat Deus, non merita tua; de grat. & lib. arb. cap. 6.* Sed non est locus ut his in præsentiarum insistamus.

33. Pergendum itaque in illis Propositionibus expendendis; quæ Pontificiam censuram subierunt.

Quarta: Semipelagiani admittebant prævenientis Gratiæ interioris necessitatem ad singulos actus, etiam ad initium fidei, & in hoc erant Hæretici quod vellent eam Gratiā talem esse cui posset Humana voluntas resistere vel obtemperare.

Hæc propositio desumpta videtur ex *Parallelo* Janseij, quod extat ad *Augustini* sui calcem, inter *Errores Massiliensium & Molinistica* dogmata Jesuitarum, quæ docet hos non tantum paria facere cum Semipelagianis, sed eos in nonnullis, quoad *ingrati* animi vitium multum superare; Nam illius *Paralleli cap. 2. Nota 42. & seqq.* nec non de *Hæresi Pelag. lib. 3. cap. 6. & seqq.* multis docet eam fuisse Semipelagianorum mentem quæ hîc illis tribuitur, exceptâ clausulâ illâ (*etiam ad initium fidei*), nempe quod etiam *Gratiā actualem internam* admitterent, sed quæ quantum ad operandi modum esset tantum *adiutoriam sine quo non*, conferens homini posse si velit, non ut velit, & quam *liberum arbitrium efficacem vel inefficacem seu cassam reddere possit.*

34. In eo autem Semipelagianos hæreticos fuisse oportuit ex mente Augustini, quod gratiam quam verbotenus propugnabant, subicerent voluntati humanæ, cum in Augustini schola is sit character hæreseôs Pelagianæ de hæres. ad *QuodvultDeum*, cap. 88. quod *Gratiā Dei libero arbitrio non praponeret, sed infideli calliditate supponeret;* Et supponunt merito Jansejani id in his materiis hæreticum esse dicendum, quod constanter legimus vel rejectum ab Augustino contra Pelagium, vel in Pelagij reliquiis ex Augustini mente, à Prospero, Fulgentio & aliis genuinis ejus Discipulis, improbatum & censoriâ virgulâ notatum. Quid autem senserit Augustinus de Gratiæ Dei irresisti-

irresistibilitate & efficacia, (ad quam demum, ut & ad ipsius doctrinam de Prædestinatione, impigisse Massilienses, ex epistolis Prosperi & Hilarij ad Augustinum, satis liquet) ex iis quæ suprà ad propositionem 2. enotavimus, in comperto est.

35. Interea tamen non video, quâ fide huic Propositioni ceu Jansenianæ, sive ex Jansenij libro deductæ, illa particula, *etiam ad initium fidei*, inserta sit: Nam Jansenius è contrariò disertè docet tum lib. 8. de heresi Pelag. cap. 11. & 12. tum Parall. cap. 2. nota 54. Semipelagianos sibi tribuisse *initium fidei*; quò facit illud Cassiani statuentis homini *semina virtutum naturaliter inserta*, Collat. 13. quod Jansenius cribrat de her. Pel. lib. 8. cap. 13. Inde moveor, ut assentiar eidem Jansenio asserenti librum de Ecclesiast. dogmatibus, qualis nunc extat & solet circumferri in *tomo 3. operum Augustini*, non esse omni ex parte genuinum opus Gennadij Massiliensis, sed ei inserta per modum correctorij vel alexipharmacij, à quodam Catholico, capita xxxi. à vigesimo primo ad quinquagesimum secundum; nam cap. 42. non *solum augmentum*, sed *etiam initium fidei, gratia donum* asserit; quod & amplius explicatur cap. 43. & seqq. Et præterea quod Semipelagianis hac in parte quoad *initium fidei*, non modò æquales, sed multo deteriores Jesuitas ostendit Jansenius notâ 55. & seqq. nescio cui bono in Propositione hæreseòs damnanda ob resistibilitatem gratiæ negatam, illud de *initio fidei* quod in controversiam, saltem quoad Semipelagianos, non veniebat, inspersum fuerit.

36. Superest Propositionum Jansenianarum ultima, quæ sic effertur;

Quinta: Semipelagianum est dicere Christum pro omnibus omninò hominibus mortuum esse, aut sanguinem fudisse.

Jansenius Paralleli cap. 1. nota 14. monet in eo Molinistas cum Semipelagianis paria facere, quod impugnent Prædestinationem gratuitam, ut traditur ab Augustino ex Scripturis, hoc argumento, quoniam inde sequatur Christum non pro omnibus esse mortuum nec omnium Redemptorem esse. Et lib. 3. de grat. Chr. Serv. cap. 20. ex professo rejicit illam universalitatem mortis Christi pro omnibus & singulis, ac nominatim

ita loquitur; *Nec enim juxta doctrinam Antiquorum pro omnibus omnino Christus passus aut mortuus est, aut pro omnibus omnino tam generaliter sanguinem sudis; cum hoc potius tanquam errorem à fide Catholica abhorrenter doceant esse respuendum. Videatur quoque Catechismus Gratię Erol. 65. & quę extant in Apologia Gall. pro Iansenio contra Habertum, ad Conc. 3. art. 17. & seqq. & caput 9. Augustini docentis Archiepiscopi Senonensis, cujus lemma, Quomodo Christus sit redemptor omnium, pro omnibus crucifixus & mortuus.*

37. In eo autem loquuntur Iansenitę cum Augustino: Nam ita ipse habet ad articulos sibi falsò impos. art. 1. *Quod ad magnitudinem & potentiam precij & quod ad unam pertinet causa generis humani, sanguis Christi redemptor est totius mundi: Sed qui hoc seculum sine fide Christi & sine regenerationis Sacramento pertranscunt, redemptionis alieni sunt: unde colligit, quod non omnes captivitate sunt eruti, & quod redemptionis proprietates haud dubium penes illos sit de quibus Princeps hujus mundi missus est foras, & jam non vasa sunt diaboli sed membra sunt Christi: Cujus mors non impensa est humano generi, ut ad redemptionem ejus etiam qui regenerandi non erant pertinerent. Hinc negat Ench. cap. 103. universaliter intelligendum de omnibus & singulis hominibus illud Apostoli, Qui vult omnes homines salvos fieri, sed perinde ac si diceretur vel nullum hominem fieri salvum nisi quem salvum fieri ipse voluerit, vel omne hominum genus velle salvum, ut omnes homines omne genus hominum intelligamus per quascurq; differentias distributum; ita ut homines omnes sumantur non de singulis generum, sed de generibus singulorum; ut cum dicitur omne animal fuisse in Arca Noe, vel dicuntur Pharisei in Evangelio, quod notat ibid. Augustinus, omne olus decimasse, idest omne olerum genus; Neque enim Pharisei quacunque aliena & omnium per omnes terras alienigenarum omnia olera decimabant.*

38. Hinc quoque Augustinus nomen mundi pro quo Christus dicitur mortuus, ad Ecclesiam restringit tract. 87. in Iob. & tract. 5. in Iob. Sed imprimis verba sunt expressa lib. contra Donatist. post Collat. cap. 8. *Deus erat in Christo mundum reconcilians sibi, qui utique non sibi reconciliat nisi Ecclesiam: Neq; enim reconciliari Deo & salvari per ipsum mundus potest, nisi mundi nomine intelligatur Ecclesia, qua sola per eum Deo reconciliata servatur. Hinc illud habet de adul. conjug. cap. 15. Omnis*
qui

qui Christi sanguine redemptus est, homo est: sed non tamen omnis qui homo est, etiam sanguine Christi redemptus est. Hinc denique docet Epist. 102. quæ est ad Evodium, quod non perit unus ex illis pro quibus Christus mortuus est. Quis enim inde non colligat ex mente Augustini, vel neminem mortalium periturum unquam, quod nemo sanæ mentis dixerit, vel Christum non mortuum esse pro omnibus omnino hominibus, ex quibus tot pereant quotidie, cum tamen nemo pereat ex illis pro quibus mortuus est?

39. Ubi autem has quinque Propositiones Jansenio-Augustinianas ordine recensuit Innocentius in sua *Constitutione*, se accingit cum grandiloquio ad earum condemnationem & censuram, sequentibus verbis;

Nos quibus inter multiplices curas quæ animum nostrum assidue pulsant, illa inprimis cordi est, ut Ecclesia Dei Nobis ex Alto commissa, purgatis pravarum Opinionum erroribus, tuto militare & tanquam Navis in tranquillo Mari, sedatis omnium tempestatum fluctibus ac procellis, securè navigare & ad optatum Salutis portum pervenire possit.

Sanè quamvis Innocentius sit *καλῶς* B. Irenæi, qui in illa voce nomen & numerum Bestiæ reperiit *lib. 5. adversus hæ.* videtur tamen suæ Latinitatis oblitus: Nam in sesqui pedalibus his verbis, nequidem mica falis vel sensus potest reperiri.

40. Quid enim sunt *errores pravarum opinionum*, à quibus hæ debent repurgari, quasi pravis opinionibus insuper acciderent errores à quibus sunt repurgandæ, aut aliquid esset discriminis ruspandum inter errores & opiniones pravas? Digna certè Pontifice ter Maximo sollicitudo, ut *prava opinioniones* à suis *erroribus* repurgatæ nitidiori cultu per forum Romanum deinceps ambulent. Quæ item censeretur potest Ecclesia Dei purgatis *pravarum opinionum erroribus* tuto militare, cum Ecclesia erroribus omnibus repurgata, non militet amplius

pius, sed ovet atque triumphet, omnilque ejus militia in erroribus & vitiis expugnandis sita sit? Quid etiam fiet de Infallibilitate Ecclesiæ, quam ad ravini usque crepant homines communionis Pontificiæ, si sapone & lixivio Inquisitionis Jesuitico-Papalis, diligenter est repurganda à *pravatum opinionum erroribus*, quò *tandè militare* & in portu, quod ajunt, *navigare possit*? ô miseram Ecclesiam Romanam, cui per tot annos *pravatum opinionum* errores Augustiniani potuerunt adhærere, donec tandem Divæ Cloacinæ beneficio, per sacrum hunc sellæ stercoreariæ Præsidem, *ὡς δὲ πὸ μηχανῆς* ab illis repurgata fuit, ut novis hisce tum legibus Pontificiis armata, tum armis Pelagianismi decorata, togatam suam & militiam & malitiam tutiùs deinceps queat exercere, ac superato periculo submersionis, quod suæ cimbe imminebat à Veritatis doctrina per Jansenitas cœlitus revocata, suos præcipuos Vectores, Jesuiticis remis & contis, in portum non Gratiæ posterioris Adami, sed naturæ prioris subducere.

41. Est quoque valde absurdum quod à *tuta Ecclesiæ militia* transit Papa ad *Navem in tranquillo mari*, idest à castris ad classem, à militia ad malaciam: Item quod commemorat *tempestatum fluctus ac procellas*. Nam procellæ & tempestates accedunt fluctibus, non verò tempestatibus procellæ vel fluctus: Ut nunquam salebrosius ipse salebrosus Santra vel scripserit vel loquutus fuerit: Hæ enim grandiloquæ metaphoriæ tam malè cohærentes, satis indicant quam nesciat Innocentius, aut qui illi fuit à Secretis, illud Horatianum, *Humano capiti cervicem pector equinam* &c. Interim moneo Ecclesiæ vel militanti, vel naviganti, meliori Ductore & peritiori Naclero opus esse Innocentio, qui hostilem illi erigit vexillum Pelagianismi, & ejus scapham, relicta Gratiæ Divinæ Cynosurâ, ad Pharon Naupactæam Liberi arbitrij dirigit, ibi scopulos & Cyaneas ac naufragium certum reperturus, ubi *optatum salutis portum*, se consequuturum, stolidè sibi imaginatur.

42. Mittimus quod ineptè velit Innocentius procurare Ecclesiæ ut *securè militare* & *ad optatum salutis portam navigare possit*, cum ex suæ Synagogæ placitis, nemo fidelium in Ecclesia de sua salute securus & certus esse possit aut debeat certitudine fidei. *Mittimus quoque quod*

quod hic tam ambitiosè suas jactet *multiplices curas*. Hæ sunt *Iliades cura quæ mala corde ferunt*, & Promethei Romani exedunt viscera: quarum objectum haud ultimum est *La Doma Olympia*, & familię Pontificię ad summos honores per fas & nefas exaltatio: Has *multiplices curas* Marthæ deponere ac Deo committere, fuisset fastigij Pontificij, atque *unum illud necessarium* curare quod Maria elegerat Luc: x, 42. Saltem dum eam curam sibi *inprimis cordi* esse jactat ut Ecclesię Dei benè sit, id illi queam reponere quod habet Virgilius *Æneid. 4.*

Scilicet in superis labor est, ea cura quietos

Sollicitat; & Pontifex has versat sub pectore curas: *Ego ne credito Teueri.* Aut hæc cura eum parum tenet sollicitum, aut in curis suis expediendis parum fœlix est, ut nempe si quid pessimè curatum velis, ejus curę omninò committendum videatur.

43. Verum id planè insolens est, quod sibi universam Ecclesiam Dei *ex Alto* commissam mentitur. Non supernè est à Deo illa quam usurpat potestas Tyrannica, sed infernè à Diabolo; Non ab eo qui dixit Petro, *Tibi dabo claves Regni Cælorum;* sed ab eo qui dixit Christo, *Tibi dabo hæc omnia si procidens adoraveris me.* Hac enim superbiã injurius est in omnes alios Episcopos, & ut loquitur Gregorius 1. *Epist. 34. lib. 4.* illum imitatur qui spretis in sociali gaudio Angelorum legionibus, ad culmen conatus est singularitatis erumpere. Audiat ergo quod idem Gregorius dicebat Iohanni Constantinopolitano *ibid. epist. 38.* Certè Paulus Apostolus cùm audiret quosdam dicere, *Ego sum Pauli, Ego Apollos, Ego vero Cepha,* hanc dilacerationem corporis Dominici, per quam membra ejus aliis quodammodo se capitibus sociabant, vehementissimè perhorrescens exclamavit, dicens, *Nunquid Paulus pro vobis crucifixus est, aut in nomine Pauli baptizati estis?* Sic ergo ille membra Dominici corporis certis extra Christum capitibus, & ipsis quidem Apostolis, subjeci particulariter evitavit. Tu quid Christo, universalis scilicet Ecclesia capiti, in extremi judicii es dicturus examine, qui cuncta ejus membra tibi-met conari Vniversalis appellatione supponere? Quis rogo in hoc tam perverso vocabulo, nisi ille ad imitandum proponitur, qui despectis Angelorum legionibus secum socialiter constitutis, ad culmen conatus est singularitatis erumpere, ut & nulli subesse, & solus omnibus præesse videretur? Qui etiam dixit, *In cælum conscendam, supra*

astra cæli exaltabo solium meum: Sedebo in monte Testamenti, in lateribus Aquilonis; Ascendam super altitudinem nubium, similis ero Altissimo. Quid enim fratres tui omnes universalis Ecclesiæ Episcopi, nisi astra cæli sunt, quorum vita simul & lingua inter peccata erroresque hominum, quasi inter noctis tenebras lucent? Quibus dum cupis temetipsum vocabulo elationis praponere, eorumque nomen tui comparatione calcare, quid aliud dicis nisi, In cælum conscendam & supra astra cæli exaltabo solium meum?

44. Pergit porro Pontifex his verbis;

Pro rei gravitate, coram aliquibus S. R. E. Cardinalibus ad id specialiter sæpiùs congregatis, à pluribus in Sacra Theologia Magistris, easdem Quinque Propositiones ut suprà Nobis oblatas, fecimus singillatim diligenter examinari, eorumq; suffragia, tum voce, tum scripto relata maturè consideravimus, eosdemq; Magistros, variis coram Nobis actis Congregationibus, prolixè super eisdem, ac super earum qualibet differentes audivimus.

Hæc autem omnia præter votum & petitionem Belgarum in suo Planctu venerunt; nam in libello justitia, à Papa petierant ut evocatis Episcopis & primariis Academicarum Professoribus, propositiones excerptæ vel excerptæ ex Augustino Iansenij, judicialiter examinarentur & factâ accuratâ & fidelicū S. Augustini scriptis collatione, dispiceretur an revera ejusdem Augustini non sint. Quibus verbis reverâ Synodi alicujus con-vocationem urgebant; prout receptum fuit olim, in veteri Ecclesiâ. Sic enim Constantinus Magnus apud Eusebium lib. 2. de vita ipsius cap. 16. sentiebat non posse Orthodoxiam in tuto collocari nisi vel omnes Episcopi, vel maxima eorum pars in unum convenissent, singulique sententiam de rebus ad sanctissimam religionem pertinentibus dixissent. Ita Augustinus lib. 1. de Bapt. contra Donatistas, cap. 7. Quæstionis hujus (de Baptismo scilicet) obscuritas, inquit, prioribus Ecclesiâ temporibus ante schisma

Donati

Donati, magnos viros & magna charitate præditos Patres & Episcopos, ita inter se compulsi, salvâ pace, disceptare & fluctuare, ut diu Conciliorum in suis quibusque regionibus diversa statuta nuñcerint, donec plenario totius orbis Concilio, quod saluberrimum sentiebatur etiam remotis dubitationibus firmaretur.

45. Sed quia, Paulo Iovio Episcopo Italò teste in vita Leonis X. nihil est magis invisum, aut suspectum, aut periculosum, aut formidabile Pontifici Romano quam nomen Concilij, (unde quotannis per Ballam in Cena Domini, excommunicantur solemniter omnes à Papa appellantes ad futurum Concilium) maluit Innocentius solus facere Concilium generale, & pro suo arbitrio has decidere Controversias, nullo advocato Episcopo, ne collateralitatem secum admittere videretur, sed tantum assumptis aliquot Ecclesiæ Romanæ Cardinalibus carnalibus, melius in Macchiavello quam in Evangelio versatis, ac nonnullis Theologis Romanis, æstivè admodum ad graves has quæstiones viaticatis, & quibus pro solida eruditione est sacculus araneus plenus: Nec proculdubio hi ex alio grege fuere quam Jesuitico, vel formaliter, vel eminenter, cum Pontifex jam fascinat & præoccupatus per factionem Jesuiticam, nulla hic Oracula voluerit consulere, quam quæ possent egregiè φιλιππίζειν; ut nusquam magis quam Romæ, Jesuitæ Numen suum tutelare, quod quale sit atrum an album nunc non dico, propitium sibi experiantur; quia nempe Phantasma Ignatio apparens, & mentiens figuram Christi, ut Angelus tenebrarum solet se transformare in Angelum lucis, ei dixerat, *Ego Vobis Roma propitius ero*, apud Massecium in Ignatio lib. 2. cap. 5.

46. At verò, nec Cardinales Ecclesiæ Romanæ, in causa hac Episcopali idonei iudices esse potuerunt; cum hoc respectu illi nihil aliud sint quam Presbyteri & Diaconi Urbis Romæ in particulari, nemoque dubitare queat, quin etiamnum hodie, si rectè calculus ponitur, Presbyter quilibet gregarius, ratione characteris Cardinali Diacono præferatur, (ut loquitur Bartholomæus Gramondus Senator Burdigalensis vehementer Pontificius Hist. Gall. lib. 2.) adeoque ipsi Cardinales Presbyteri infra quoslibet Episcopos subsidere debeant; nec solis Theologis Italis ista ventilatio debuit committi; cum negotium

gotium ad Gallos & Belgas spectans, Gallis & Belgis Theologis inauditis, canonicè terminari non potuerit.

47. Quanquam non video, quid opus fuerit Pontifici hoc diligenti examine factò à pluribus in *Sacra Theologia Magistru*, aut quid debuerit eorum suffragia tum voce, tum scripto relata, colligere & expendere, cum ipse ex Infallibilitatis suæ plenitudine & potestate, potuerit de plano hanc tulisse sententiam. Si enim in scrinio sui pectoris omnia jura divina & humana conclusa tenet; Si Deus censeretur deficere Ecclesiæ suæ in necessariis, nisi ei adesset immediatâ & infallibili assistentiâ Spiritus Sancti, in decidendis Controversiis fidei; Si ipse solus sapit & reliqui volitant sicut umbræ; tam absurdè fecit, ita prolixè consulendo alios Doctores errori obnoxios, ac perperam faceret Pictor accuratus, diu disceptans cum cæcis de coloribus in suo opere adhibendis; Cur non elegit potius illicò se imponi illi Cathedræ, ex qua, ut Pythia quondam ex Apollinis tripode, mera crepat vel eructat Oracula, quam uti tam prolixâ ac inutili circumtione, cum frustra fiat per plura, quod citius, certius & commodius potest fieri per pauciora? An ergo ejus indolis est illius Infallibilitas, ut proluxa velitatione Theologastrorum Romanensium, debeat excitari, atque educi in actum ex potentia materiæ, ut chalybis attritu opus est in silice, ad latentes in ejus sinu scintillas ignis excutiendas? Sed tantæ molis erat Pelagianam condere gentem.

48. Quis autem exitus fuit totius istius scenæ *μὴ πολλῆς παντοίας* instructæ, ab homine magis sollicito de suis formulis, quam de Fide & Veritate? Docet id ipsemet verbis sequentibus;

Cùm autem ab initio hujuscemodi discussionis ad Divinum implorandum auxilium, multorum Christi fidelium preces, tum privatim, tum publicè indixissemus, postmodum, iteratis eisdem ferventiùs, ac per Nos sollicitè implorata Sancti Spiritus Assistencia, tandem Divino

vino Numine Favente, ad infrascriptam devenimus Declarationem & Definitionem.

Hic verò multa sunt quæ scrupulum gravem moveant Jansenitis de Papæ Infallibilitate, quam plerique ex illis hæctenus nimîa facilitate admiserunt. Nam solent ex isto fundamento Gratiâ sufficientē quâ possint homines si velint, impugnare, quod frustra aliàs forent fidelium orationes, quibus precantur sive pro aliis ut convertantur, sive pro seipsis ut benè vivendo proficiant. *Nam quid stultius, inquit Augustinus lib. de nat. & gr. cap. 18. quam orare ut facias quod habes in potestate?* hoc est quod potes facere si velis: quod ipse Jansenius ex Augustino inculcat sæpius, ut *lib. 3. de gr. Christi Serv. cap. 1. 3. 13.* Imò & ipse Hieronymus *ad Ctesiph.* docet non opus esse illius clementiam precibus flectere ut accipiamus quotidie, quod semel acceptum in nostra est potestate. Quidni enim pariter colligent non adesse certò & perpetuò Pontifici Romano infallibilem assistentiam Spiritus Sancti, siquidem eam tanto precum & alienarum & suarum molimine hîc studuit implorare?

49. Mirabuntur quoque viri prudentes, quî debuerit aliorum multorum Christi fidelium preces tum privatim, tum publicè, indicare Sanctissimus Innocentius, & suas insuper adjicere ad extorquendam Deo assistentiam Spiritus Sancti, cùm eam Deus teneatur illi omni jure suppeditare in decidendis fidei quæstionibus, etiamsi profanitate & impietate ipsum Caiapham superaret, quoniam est summus Sacerdos istius anni? Aut cùm ipse *per se* hanc assistentiam implorare multo efficacius potuerit, eò quod habeat claves Regni cælorum, & tantum possit in Aula cælesti, ac possunt in sua Curia Cardinalis Præfectus & Barbarini, cur gregiorum fidelium preces & suffragia imploraverit pro se, qui per modum *Iurisdictionis*, vel *Suffragij*, in reliquos omnes, etiam in eos quibus Purgatorio laborant, plenissimas Indulgentias prout vult effundere potest? Imò id mirabuntur cordatiores, Pontificem tam sollicitè invigilasse *ad Divinum implorandum Auxilium*. in eo judicio, quod Divini Auxilij necessitatem & efficaciam penitus evertit: quodque ab ipso *tandem* latum est, non ut gloriatur *Divino Numine favente*, sed Deo potius irato, & anni-

tente Satanâ; Veritatis; Gratix & Crucis Christi inimico.

50. Quid quod Jesuitæ impugnaturi certitudinem perseverantiæ & salutis, quam propugnanti Reformati, hoc inter alia utuntur argumento, quod perseverantiæ donum sit jugiter petendum à Deo piis precibus. Videant ergo num hæ præsentis preces Papales, quibus voluit Innocentius se accingere ad istud judicium, vehementer obstant illius Infallibilitati. Ne dicam quod incertò valde jactiter preces illas à se indictas, *postmodum* iteratas fuisse *serventiùs*. Unde enim ipsi constabit de illo fervore vel intensiori vel remissiori precantium, qui soli Deo notus est? Imò si preces tum suæ tum alienæ eæque ferventes requirebantur ad obtinendam immediatam assistentiam Spiritus Sancti, absque qua potuerit errare in hoc judicio, unde vel ipsi vel nobis constabit, illas satis fervidas fuisse ut à Deo exaudirentur? Cùm nec ipse Innocentius certus esse possit se habere Spiritum precum & esse filium Dei, nec de ipso & aliis certi possimus esse eos esse verè fideles, & in quos illud non cadat Joh: 1x, 31. *Scimus quod Deus peccatores non audiat?* Et quam sine Deo, ad *infra scriptam* devenerit *Declarationem & Definitionem*, vel ex eo liquet quod nullo muniatur testimonio Verbi Dei; proculdubio ex prisca declaratione Ipsiusmet, *Io non so Theologo*. Attamen erubescimus sine lege loqui; Et Petrus de cujus successione Pontifex perperam gloriatur, volebat loquentem in Ecclesia loqui *ὡς λόγία θεοῦ* 1 Pet: 1v, 11.

51. Ipsam verò *Definitionem*, si perpendamus, videbimus mon-
tes parturivisse ut ridiculus mus nasceretur: Ea sic procedit.

Primam prædictarum Propositionum: Aliqua Dei præcepta Hominibus Justis volentibus & conantibus, secundum præsentem, quas habent vires, sunt impossibilia, deest quoq; illis Gratia quâ possibilia fiant; Temerariam, Impiam, Blasphemam, Anathemate damnatam & Hæreticam declaramus.

Ad sequentem Diatribam reservamus quæssiones juris, & refutationem ex

nem ex Dei Verbo & Antiquitate Catholica; hujusce definitionis Pontificiæ; nonnulla tamen ad singulas has censuras breviter annotabimus: Hic itaque mirum non est hanc Jansenij & Augustini doctrinam tam atrociter damnari, cum intersit plurimum Synagoge Romanæ & Theologiæ Jesuiticæ eam non retineri ab iis qui docent, 1°. *Posse hominem solis NATVRÆ viribus implere SINGVLA seorsim PRÆcepta naturalia & moralia*, posse etiam uno altero-ve actu amoris naturalis Deum ut auctorem naturæ DILIGERE SVPER OMNIA, ut habet Tiranus *Conti. 14. n. 7.* Videatur & Bellarminus *lib. 5. de gr. & lib. arb. cap. 5.* 2°. Homines justificari coram Deo justificatione primâ & secundâ suis operibus, eaque esse simpliciter *de condigno* meritoria vitæ æternæ; Videbis Lorinum *ad 2. Jac. versu 21.* & Bellarminum *lib. 5. de iustif. cap. 16.* Nec enim posset justificari homo Legis operibus, & illis *ex condigno* simpliciter mereri vitam æternam, nisi Legem perfectè posset implere; Non enim, inquit Paulus *Rom: 11, 15.* qui audiunt Legem, sed qui Legem præstant justificabuntur, supple ex Lege; Aliàs qui vel in uno ex mandatis Legis impeerit, damnus est omnium *Jac: 11, 10.* Adeque boni Augustiniani & Jansenitæ, sibi benè conscij suorum defectuum & peccatorum, malunt cum B. Augustino omnem suam iustitiam potius in peccatorum suorum remissione, quam in perfectione virtutum suarum collocare, *lib. 19. de Civit. Dei cap. 27.* 3°. Posse homines per opera supererogationis, non solum præcepta sed etiam consilia adimplere & plus facere quam Deus præcepit, ut loquitur Bellarminus *præf. ad libr. de Monachis* & probare conatur ejus *lib. cap. 9. & seqq.* 4°. Concupiscentiam quæ remanet in baptizatis, & quam aliquando Apostolus peccatum appellat, verè & propriè peccatum non esse, ut loquitur Concilium Tridentinum *sess. 5. can. 5.* 5°. Actum internum Amoris Dei esse Consilij tantum non Præcepti, nec tam præcipere Deum sui amorem, quam prohibere sui odium, & posse hominem servari qui nunquam Deum dilexerit; sufficere enim illius præcepta servare, sine intentione ad ipsum velejus dilectione; quæ impietates tribuuntur Antonio Symondo Jesuitæ, in libro quem inscripsit *Defensionem virtutis*, ab Authore Sorbonista *Theologiæ Moralis Iesuitarum pag. 7. & 8. edit. Gall. anno 1644.* 6°. Gratiam sufficientem ad salutem dari omnibus & singulis, etiam maximis peccatoribus *excocatis*, & *induratis*, quâ possint si velint Deo obedire

obedire & fervari, ut eam propugnant Tirinus *Cont. 14. n. 11. & 12.* & Bellarminus *lib. 1. de Grat. & lib. arb. cap. 11. & lib. 2. cap. 5. & 7.*

52. Præsertim hic venit observanda atrocitas Censuræ Pontificiæ; quod non tantum erronea, aut falsa, aut temeraria, aut scandalosa, pronuncietur hæc assertio, sed *Temeraria, Impia, Blasphema, Anathemate damnata & Hæretica*. Ubi quis merito quærat cui bono hic athroismus; & quid mysterij lateat in ista varietate, quâ sit ut *secunda & tertia* propositio nonnisi hæreticæ dicantur, *tertia* falsitatis insuper arguatur, sed *prima & quinta, Impietatis & Blasphemie*, per modum superpondij, notam incurrant: Etenim propositio quæ *hæretica* est, eo ipso blasphema, impia, falsa, temeraria dici potest. Quoad me mihi videtur eâ vehementiâ speciatim usus Pontifex in primam & ultimam, quod evidentioris & manifestioris sint veritatis, ut solent meretrices honestam matronam diffamantes, eò plura in illam convicia aggerere, quò ejus probitas & castitas magis est conspicua. Sed præterea cum honestioribus jamdiu persuasum sit crimen *Hæresis* hodie Romæ, ut olim *Majestatis* sub prima Bestia, esse eorum qui sine crimine vivunt, miseri Jansenitæ damnandi fuerunt insuper *Impietatis, Blasphemie, Contumeliæ in Deum &c.* quo citius invidiæ, execrationi & odio omnium exponerentur, & equulei ac rotæ illis apud Magistratum Zelotam, (quod jam ante hanc *Constitutionem* tentatum à Jesuitis, refert in *prologo ad Lectorem* Author Apologiæ Gall. pro Jansenio editæ anno 1644.) faciliùs compararentur: *Blasphemia* enim *gravior est per jurio & homicidio*, inquit Emanuel Sà in *Aphor.* & ex legibus capitali supplicio punienda, ut est in *Armilla aurea* ad vocem *Blasphemia n. 3.* Sed viri cordati & veritatis tanti momenti studiosi, istis parum moventur, & dicunt cum B. Cypriano ad *Cornelium lib. 1. epist. 3.* Convicia eorum quibus se & vitam suam quotidie lacerant non timeamus; *Fustes & Lapides & Gladios* quos verbis patricidalibus jactitant, non perhorrescimus. Quod in illis est, homicida sunt apud Deum tales, necare tamen non possumus nisi Dominus permiserit. Sed non ideo relinquienda est nobis *Ecclesiastica disciplina, aut Sacerdotalis solvenda censura, quoniam conviciis infestamur aut terroribus quatimur*; &c.

53. Huic etiam Censuræ primæ speciale est, quod propositio Janseniana *Anathemate damnata* pronuncietur, non quod aliæ ceu hæreticæ,

reticæ, non sint coipso *anathemate* percussæ, sed forte quod jam auctoritate Concilij Tridentini *sess. 6. can. 18.* his verbis condemnata sit: *Si quis dixerit Dei præcepta homini etiam justificato, & sub gratia constituto, esse ad observandum impossibilia; anathema sit.* Sed si Jansenitz audiant Protestantes, non facilè larvâ & *μορμολυκειω* hujus Concilii buli se terreri patientur: Scatet enim erroribus & contradictionibus affectatis, ex eodem fonte profectis ex quo erupit quondam illa vox, *Aio te facidam Romanos vincere posse.* Et manet Gallis sua generalis exceptio, illius Canones & Decreta non obligare in Gallia: Nec enim solum anno 1615. in Regni Comitiiis, cùm ejus promulgatio urgeretur à Papæ iranciipiis, tertius Ordo intercessit, sed etiam anno 1616. Edicto Regio, Principibus annitentibus, cautum fuit *art. 6.* in hæc verba: *Concilium Tridentinum ut apud Gallos non valeat, pristinoque ut restituantur statui, qua Clerus super ea questione præter Regis mentem & privilegia Regni novavit, ut Gramondus refert Histor. Gallie lib. 1. & 2.*

54. Sed & cæteri possint dicere hoc *Anathemate* Tridentino, se non peti, quia 1. Concilium non habet syncategorema *Omnia*, ejusque propositio non est universalis; 2. Non debet intelligi de possibilitate absoluta & simplici, sed tantum limitata & secundum quid, qualis potest cadere in viatores, quibus jugiter pugnandum cum carnis & peccati reliquiis. Patet id ex ejusdem Concilij *sess. 2.* ubi fideles Tridenti congregatos hortatur ut studeant se à malis & peccatis hætenus commissis emendare, ac de cætero in timore Domini ambulare; & desideria carnis non perficere, orationibus instare, sapiùs confiteri, Eucharistia Sacramentum sumere, Ecclesias frequentare, præcepta deniq; Dominica, *QUANTUM QVISQUE POTERIT* adimplere; Quæ quidem modificatio foret impia, si justificatus posset absolute & perfecte omnia servare. Id ipsum explicat Concilium ejusd. *sess. 6. c. 11.* ubi dicit quod Deus jubendo monet & facere quod possis & petere quod NON POSSIS: & agnoscit justos & sanctos in hac mortali vita, in levia saltem & quotidiana, qua etiam venialia dicuntur, peccata incidere, esseque justorum illam vocem & humilem & veracem, *Dimitte nobis debita nostra.* Et *can. 23.* *anathemate* percellit eum qui dixerit, hominem semel justificatum amplius peccare non posse, aut contra posse in tota vita peccata omnia, etiam venialia, vitare.

55. Procedit porrò ulterius Censura Pontificia;

Secundam: Interiori Gratię in statu naturę lapsę nunquam resistitur; Hæreticam declaramus & uti talem damnamus.

Ut in præcedenti Censura Pelagiano-Jesuitarum *αὐθάεια & ἀνυπακούσιμα* qualis describitur & refutatur Hieronymo *ad Ctesiph.* ne iterum Augustinum in scenam revocem, constabiebat, sic in hac, Gratia divina, juxta specialem Pelagianismi characterein apud Augustinum passim, nominatim *de hæres. ad QuodvultDeum cap. 88.* voluntati humanę quam sibi subjicere deberet subjicitur; Adstruit Gratia sufficiens Semipelagianorum inventum; & omnis efficacia Gratię divinę ex arbitrio humano suspenditur; juxta hoc Tirini Jesuitę axioma *Cont. 14. n. 4.* *Excitari, trahi, inuitari à Deo, non est mihi liberum: Liberum tamen mihi consentire, vel non consentire, excitanti; & trahentem suadentem, invitantem, sequi vel non sequi:* Subruitur certitudo & infallibilitas Prædestinationis divinę, quę definitur Augustino *de præd. Sanct. cap. 10.* & Lombardo ex ipso *lib. 1. disp. 40.* Gratia præparatio, si Gratia hæc infallibiliter & insuperabiliter non operatur; Et denique in Canonem recipitur illa Liberi Arbitrij definitio falsa, erronea, certitudinis præscientię & decretorum Dei everfiva, & ex qua homo constituitur in agendo independens à Deo, quam neque apud Aristotelem, neque apud Magistrum sententiarum, neque apud Thomam, sed tantum apud aliquos Nominales inveniri, testatur Didacus Alvarez *disp. 115. de Aux. §. 1.* quã statuitur Liberum arbitrium id esse, quod positum ad agendum præquisitis potest agere vel non agere.

59. Non minus continet Mysteriorum iniquitatis quod sequitur;

Tertiam: Ad merendum & demerendum in statu naturę lapsę non requiritur in Homine libertas à necessitate, sed sufficit libertas à coactione; Hæreticam declaramus & uti talem damnamus.

Eodem enim collimat Censura hæc quod præcedentes, ut subjiciatur voluntati humanę Gratia divina, & Jesuitarum Theologia magis consta-

constabiliatur; Nam Bellarminus hanc libertatem à necessitate multis conatur adstruere *lib. 3. de grat. & lib. arb. cap. 4. 5. 6.* Id verò speciatim hic est *μυστηριώδης*, quod Papa non ausus est libertatem *ab omni necessitate* universaliter Arbitrio humano assignare, sed tantum indefinite à necessitate; quæ & qualis illa sit non explicando; Nam si dixisset universaliter *ab omni*, tum nimis apertè independentiam Arbitrij humani à Deo proposuisset; Si adjecisset notam particularitatis *ab aliqua*, consentientes habuisset Jansenitas, qui ultrò sint admissuri in libero agente, libertatem à necessitate physica & naturali, quæ est agentium cognitione destitutorum, & ex sua intrinseca constitutione ad unum specificè determinatorum. Nisi dixeris eum hanc libertatem à necessitate, proponere per antithesim ad Jansenitarum doctrinam, eamque demum necessitatem intelligere quam illi propugnant vel ex Gratix Efficacia, vel ex status nostri sub peccato lege & conditione.

57. In quarta adhuc multo plus est ambiguitatis & vitij;

Quartam: Semipelagiani admittebant prævenientis Gratix Interioris necessitatem ad singulos actus, etiam ad initium Fidei, & in hoc erant Hæretici quod vellent eam Gratiam talem esse, cui posset humana Voluntas resistere vel obtemperare; Falsam & Hæreticam declaramus, & uti talem damnamus.

Hic Oedipo aut Sphyngæ opus foret ad mentem Innocentij percipiendam: Nescias enim an illud *Falsum & Hæreticum*, debeat sumi conjunctim de tota Propositione hac, an divisim, ut *τὸ Falsum* respiciat id quod est facti, *τὸ Hæreticum* quod juris est. Nescias quo jure ad propositiones *in materia fidei*, ut istæ dicuntur, ea referatur quæ tota facti esse videtur, quid videlicet senserint *Semipelagiani*, & in quo hæreseôs fuerint insimulati à suis oppugnatoribus. Meritò quoque dubites an Papæ infallibilitas, huc possit extendi, cum in facti quæstione errare possit: Et num ille sit hæreseôs accersendus, qui

qui hæreticis aliâs notoriis aliquid forte impegerit quod non crediderint, aut eorum hæresim in eo collocaverit, in quo revera sita non fuerit.

58. Id equidem falsum esse ultrò largientur Jansenitæ, quod etiam ad initium fidei, Semipelagiani gratiæ interioris necessitatem urgent. Nam Jansenius ipse hoc ultrò agnovit & docuit, ut suprâ ostendi; adeoque hujus particulæ respectu falsò dicitur hæc propositio esse Jansenij, aut deducta ex illius opinionibus; Et fortè Deus permisit ut in hoc mendacio *ἐπ' αὐτοφώρῳ* deprehenderentur Papa & Jesuite, quò magis toti Orbi constaret quam cæco affectu & impetu hic egerint, atque de illis posse dici *Et crimine ab uno Disce omnes.* Sed quoad cætera falsum non est, Semipelagianos *Gratiæ interioris necessitatem ad singulos actus bonos*, si fidem exceperimus, admisisse: Id liquet ex tota *Collatione 13. Cassiani*; Liquet ex verbis *Fausti Rhegiensis ad Lucidum*, quod cum gratia Domini operatio famuli baptizati semper sit adjungenda; eique dicendum anathema qui hominem sine gratia Dei liberari posse crediderit; unde paulò post subjungit; Nos ergo per medium Christo duce gradientes, post gratiam, sine qua nihil sumus, laborem officiosa servitutis asserimus; Liquet ex ipsius *Lucidi Palinodia*; Ita assero gratiam Dei, ut annisum hominis & conatum gratia SEMPER adjungam, & libertatem voluntatis humane non extinctam, sed attenuatam & infirmatam esse pronunciem. Liquet ex *Gennadio de Viris Illust.* in *Fausto*, ubi de eo sic loquitur; Edidit quoque opus egregium de gratia Dei quâ salvamur, & libero humane mentis arbitrio in quo servamur; In quo opere docet gratiam Dei semper & invitare & precedere & juvare voluntatem nostram; & quicquid ipsa libertas arbitrij pro labore pia mercedis acquirerit, non esse proprium meritum, sed gratia donum. Unde autem melius constabit de Semipelagianorum sententia, quam ex *Cassiano*, *Fausto*, *Gennadio*, qui eorum, ut omnes fatentur, primipili fuêre? Si tamen hi non sufficiant in propria causa, de illis *Hilarius Arelatensis in Epist. ad August. de reliq. Pelagij*, testatur quod consentiant ad nullum opus vel incipiendum nedum perficiendum quinquam sibi sufficere posse.

59. Falsum item non est Semipelagianos *Gratiam talem prædicasse cui posset humana voluntas resistere, vel obtemperare.* Nam *Faustus V.S. anathema ei denunciat qui dixerit illum qui perit non accepisse ut saluum esse posset*

posset: & Hilarins in Epist. ad August. de reliquiis Pelagij, jam citatus, testatur hos Augustini censores, liberum arbitrium ad hoc tantum liberum affirmasse, ut velit vel nolit admittere medicinam; & contendisse, quicquid libet donatum sit predestinatus, id posse eos & amittere & retinere propriâ voluntate, & quod persistendi ac desistendi habeant liberam voluntatem; Quapropter etiam nullum aliud Gratiz adjutorium, eodem teste, admittebant quam illud sine quo non velimus, non illud verò quo velimus: In quo certum est eos hærese ôs fuisse insinulatos à Prospero, Fulgentio, & aliis; Imo Concilium Arausicanum II. quod fatentur omnes propter errores Semipelagianorum fuisse habitum, ubi can. 5. definivit ac probavit quod initium fidei non ex nobis sed ex gratia Dei sit, docet can. 6. per gratiam in nobis fieri ut credamus & velimus, adeoque irresistibilitatem gratiz, etiam post fidem, non minùs quam illius necessitatem conceptis verbis adstruit. Et si hæc non fuit hæresis objecta Semipelagianis, debuisset Nocentius Romanus verbo dicere quid ergo, præterea quod fidei initium sibi non gratiz deputabant, perperam docuerint, & in quo cardine eorum hæresis insuper versaretur.

60. Igitur in eo demum censura Pontificia consistit, ut eos hærese ôs insinulet qui hæreticum statuerint eam duntaxat Gratiam proponere cui possit humana voluntas resistere vel obtemperare: Adeoque uni resistibilitati Gratiz asserendæ hîc collimat Innocentius, & nihil quantum ad juris quæstionem improbat, nisi quod jam ante in secunda Propositione atro calculo notaverat. Sed hac arte debuit primò Parallelum Jansenij, ex quo maxima sui parte hæc Propositio desumpta est, quo jure quâ injuriâ notari in gratiam Jesuitarum, quibus ista comparatio proluxa & eruditè proposita à Jansenio inter ipsos & Massilienses sive Semipelagianos, valde odiosa est, quia Veritas odium parit; Deinde de Semipelagianis negandum fuit eos fuisse hæreticos in illo capite in quo potissimum adversabantur S. Augustino, quod paria cum illis facere Jesuitas sit in comperto. Equis ergo non videat in sensum reprobum actum Innocentium, qui eo procedit vesanie ut malit notorios hæreticos, nempe Semipelagianos, absolvere, propter Jesuitas in quibus largiter renascuntur, quam Jansenitas iteratò non condemnare?

61. Superest Censuræ istius caput quintum, quod ita habet;

Quintam; Semipelagianum est dicere Christum pro omnibus omninò hominibus mortuum esse, aut sanguinem fudisse; Falsam, Temerariam, Scandalosam; & intellectam eo sensu, ut Christus pro salute duntaxat Prædestinatorum mortuus sit; Impiam, Blasphemam, Contumeliosam, Divine Pictati derogantem, & Hæreticam declaramus, & uti talem damnamus.

Verùm & hic multa occurrunt observanda: Nam primò falsum non est Semipelagianos, illam universalitatem Redemptionis Christi propugnasse; cùm revera nihil aliud habuerint odiosius quo gravarent sententiam Augustini, quod patet ex ipsomet Augustino *ad artic. sibi falso impositos*, Prosperi & Hilarij *epistolâ ad ipsum*, Ipsomet Prospero *in resp. ad Obj. 1. Vinc. & 6. Gall.* Et potuisset Innocentius in hac censura, non minùs quam in prima, istam assertionem quæ negat Christum pro omnibus omninò hominibus mortuum esse, jam olim *Anathemate damnatam* pronunciare, nempe à Fausto Rhegiensi, Semipelagianorum primipilo, & suo proselyto Lucido, qui *Anathema* denunciant dicenti quod *Christus non pro omnibus mortuus sit, nec omnes salvos esse velit.* Sed fortè pudit Innocentium tales Patriarchas suæ sententiæ ita palam agnoscere, quamvis tam facilè possit ex hæresi non hæresim, ac ex non hæresi hæresim, & ex non peccato peccatum fabricari.

62. Secundò, cum Judicis sententia debeat semper Actoris libello respondere, ut non plus sit in conclusione quam in præmissis, mirum est aut Propositionem damnandam non fuisse conceptam his verbis, *Semipelagianum est dicere Christum pro omnibus omninò hominibus mortuum esse aut sanguinem fudisse*, cùm revera pro salute duntaxat Prædestinatorum mortuus sit; aut cùm in ea nulla fieret restrictio mortis Christi ad Prædestinatorum salutem, Pontificem eousque voluisse

luisse extendere suam censuram : Sed videtur hoc ex professo adjecisse, quò non Jansenitis modò, sed etiam S. Augustino & omnibus Augustinianæ veritatis Sèctatoribus atrociorè notam inureret Impietatis, Blasphemix, Contumeliæ, injuriæ in Divinam pietatem, Hæreseôs. Verè enim monet Jansenius, *lib. 3. de grat. Christ. Servat. cap. ult. proprietatem Redemptionis & propitiationis Electi & reipsâ salvandis maxime competere*, esseque id adeo in doctrina B. Augustini verum, ut passim omnes locutiones sacrarum literarum quæ quandam universalem effectum passionis, aut mortis, aut redemptionis, aut divinæ gratiæ insinuant, ad solos Predestinatos revocet & restringat; quod plurimis Augustini testimoniis luce meridianâ clarioribus *ibid.* comprobatur.

63. Tertio id subitè mirari cur Propositionem Jansenianam ut jacebat, duntaxat falsam, temerariam & scandalosam pronunciet Papa, non verò hæreticam; Videtur enim eatenus largiri Jansenio, eum non fore hæreticum qui negaverit Christum universaliter mortuum pro omnibus; cùm tamen si debeat omninò universaliter sumi & de singulis generum, syncategorema Omnes, quo utitur quandoque hac in re Sacra Scriptura, is impietatis & hæreseôs notam in re tam gravi nequeat evadere, qui illud limitare & restringere ausus fuerit: Nam ubi lex non distinguit aut limitat, distinguere vel limitare non licet. Nec sanè erat cur Innocentius suam Censuram bimembrem faceret; cùm ideo Jansenitæ negent Christum pro omnibus omninò hominibus mortuum esse, quod statuunt eum pro solorum suorum Electorum SALUTE acquirenda & consocienda passum fuisse. Neq; enim Christus in illorum Schola pro aliorum Salute mortuus est, quam eorum quos ad Salutè per ipsum Deus volebat adducere; Hinc in Catechismo Gratiæ. Erot. 66. huic quæstioni, Num alios quam suos Electos Deus vult servare? Respondetur, Non: Solos eos vult servare, quos prædestinavit; Prædestinavit autem solos suos Electos. Si singulos homines vellet servare, eum faciat quicquid vult in cælo & in terra, de facto omnes eos servaret; Et ideo hac sententiâ Apostoli, Deus vult omnes servari, non est intelligenda de singulis hominibus nullo excepto; sed de omnibus Electis & prædestinatis qui sunt ex omni ordine, etate, sexu, natione & conditione. Quæ est ipsissima Augustini doctrina Enchir. ad Latr. cap. 103. eo quod Omnipotens velle inaniter non potest, quodcumq; voluerit, & facere noluit quodcumq; non fecit.

64. Intererat autem plurimum Jesuitico-Pelagianę causę, damnari hæreseôs, qui statuunt *Christum pro Salute duntaxat prædestinatorum mortuum esse*, quod hac eversâ capitali veritate, positâque universalis Redemptione omnium & singulorum si voluerint in Christum credere eumque sibi applicare, debeat i. Concedi Gratia Universalis Sufficiens quâ homines credere possint si velint, etsi nemo unquam per illam aut crediderit, aut credere voluerit, aut servari potuerit; nec aliò inserviat in Schola Jesuitica, quam ut homines justius damnari possint. ii. Præcurrisse in signo rationis decreto Prædestinationis æternę, decretum Redemptionis per Christum, cum tamen simus electi *in Christo* Eph: 1, 4. idest ad salutem eam consequendam quam Christus, nobis illo ipso Electionis nostrę decreto in Redemptorem destinatus, suâ passione & morte erat consecutus; sitque Prædestinatio facta hominum jacentium, non in *massa* Redemptionis, sic enim nullus justè reprobabilis fuisset, sed in *massa* perditionis & peccati, ut universa docet Scriptura & centies inculcat Augustinus. iii. Admitti inficeta distinctio Voluntatis Divinę in *Antecedentem & Consequentem*, ut illâ voluerit Salutem omnium & singulorum in Christo, velleitate inutili & inefficaci, hac eorum demum salutem velit qui servari voluerint; ut cum non potuerit evenire quod priori voluisset, posteriori cogatur id demum velle quod potuit evenire. iv. Statui facta Prædestinatio æterna, non juxta Paulum & Augustinum, ex liberrimo Dei beneplacito, quo ex duobus æquę perditis in Adamo & æquę dignis morte æternâ, unum assumpsit misericorditer liberandum & servandum per Christum, alterum præteriit & justè reprobavit, sed juxta Pelagium, ex prævisione meritorum & operum nostrorum & boni usus liberi arbitrij, quo ipsi Deum elegerimus non Deus nos, contra dictum Servatoris Joh: xv, 16. & Paulo petenti 1 Cor: iv, 7. *Quis enim te discernit?* Jesuita quilibet possit audaçter respondere, Ego: nam quisque suę fortunę sibi faber est.

65. Sed nec illud prætereundum, tanto furoris cęstro in damnandis Jansenitis Innocentium agitatam fuisse, ut impietatis, hæreseôs, blasphemię, damnet Propositiones Theologicas, quę etiam uti jacent, in ipsorum Jesuitarum Schola, & ex eorum Confessione

sessione verum & Catholicum sensum possint recipere. Nam cum fateantur comprehensores perfectius diligere Deum quam viatores, ut habet expressè Becanus *Man. lib. 1. cap. 17. q. 2.* & neminem hunc mundum transigere absque peccatis quotidianis & venialibus, de quibus sit dicendum quotidie *Dimitte nobis debita nostra*, unde statuit Bellarminus *lib. 4. de Justif. cap. 10.* non posse legem impleri ita perfecte ut *justi in tota vita non admisceant operibus bonis ulla peccata venialia*, quod probat ex Concilio Tridentino *sess. 6. cap. 11.* eo ipso fateri debent *Aliqua Dei precepta hominibus justis volentibus & conantibus non esse absolute & perfecte possibilis*, ita ut illis possibile sit in hac via carere omni peccato etiam veniali; quod non minus esse contra Dei Legem quam mortale, asserunt Durandus in *2. dist. 34. q. 6.* Vega *lib. 14. super Concil. Trid. cap. 13.* Vasquez *disp. 143. cap. 3.* ut agnoscat Becanus *de mort. & ven. q. 7.* ne solus Jansenius id statuisse videatur.

66. Cum item distinguant Jesuitę inter Gratiā Sufficientem & Efficacem, & hanc dicunt eam esse quā Deus ita hominem vocat & excitat, ut INFALLIBILITER reipsā velit ille qui sic excitatur & vocatur & reipsā credat, convertatur, bonum faciat, finitore Bellarmino *lib. 1. de grat. & lib. arb. cap. 2.* qui *cap. 11.* probat variè ex Scripturis eam dari, eique convenire illud Augustini *de Predest. Sanct. cap. 12.* (debuisse dicere *cap. 8.*) *Hac gratia à nullo duro corde respuitur*, (mala manus in quibusdam Codicibus, pro respuitur, posuit recipitur, contra mentem & scopum authoris) ideo quippe tribuitur, ut cordis duritia primitus auferatur; Annon saltem in eorum Schola verum erit quod *Gratia interiori efficaci*, (nec aliam intelligunt in sua thesi Jansenitæ) in statu natura lapsa nunquam resistitur; adeoque hæreticum esse & Semipelagianum gratiā hanc talem statuere, cui possit humana voluntas resistere vel obtemperare?

67. Cum etiam concedant, necessitatem non peccandi in Christo, non obfuisse ejus vel merito vel libertati, apud Bellarminum *lib. 5. de justif. cap. 11.* & multiplicem nobis proponant necessitatem quæ libertati non repugnat, apud eundem *lib. 5. de grat. & lib. arb. cap. ult.* ac doceant per necessitatem non peccandi non tolli liberum arbitrium beatorum *lib. 3. de grat. & lib. arb. cap. 6.* adeoque nec everti libertatem demonum per necessitatem peccandi, & fateantur necessi-

tatem hypotheticam & infallibilitatis eventus ex suppositione decreti & præscientiæ Dei optimè conciliari cum libertate Creaturæ, debent ex consequenti admittere hoc verè & citra hæresim posse dici, quod *ad merendum & demerendum in statu natura lapsa, non requiritur in homine libertas ab omni necessitate, sed tantum ab aliqua, quod & Jansenitæ haud gravatim sunt concessuri.* Sed Innocentio x. hanc assertionem in Jansenio damnanti, posset opponi Innocentius i. ejusdem Sedis, sed alterius sententiæ Episcopus: Is enim ita loquitur in *epist. ad Concilium Chartag. apud Aug. ep. 91. Quotidiana ille præstat remedia quibus nisi freti confisq̃, nitamur, nullatenus vincere humanos poterimus errores. NECESSE est enim ut quo auxiliante vincimus, eodem rursus non adjuvante vincamur: & in epist. ad Conc. Milevis. apud Aug. 93. Gratiâ privatus NECESSE est in diaboli laqueis irretitus occumbat.*

68. Denique cum ipsimet statuunt Christum *sufficienter* quidem esse mortuum pro omnibus hominibus, sed *efficienter* pro solis Electis, quæ est constans doctrina non tantum omnium Scholasticorum, post Lombardum *lib. 3. sentent. dist. 20.* sed etiam ipsiusmet Innocentij *III. P. R. ut & hunc Innocentio x. opponam, qui lib. 2. cap. 41. de Myst. Missæ sic loquitur, Pro solis Prædestinatis effusus est sanguis Christi, quantum ad efficaciam; sed pro omnibus hominibus effusus est quantum ad sufficientiam: Annon debent admittere quodam sensu ceu veram & Catholicam hanc ipsam Propositionem, quæ non Temeraria modò & Falsa pronuntiatur, sed Impia, Blasphema, Contumeliosa, Divinæ pietati derogans & hæretica, quod Christus non pro omnibus omninò hominibus, sed pro salute duntaxat Prædestinatorum mortuus sit? Quid autem vel stultius, vel iniquius quam eas Propositiones uti jacent Hæreseòs Blasphemiarumque damnare absque limitatione, distinctione & explicatione, quæ aliquo saltem sensu veræ & Catholicæ sunt agnoscendæ?*

69. Quod si dixeris eas ab Innocentio non damnari nisi in sensu Janseniano, nihil dixeris. Nam hæc illius condemnatio & censura est omninò absoluta & universalis; ac si eam voluisset ad aliquem sensum sequiorem restringi, illum enucleatiùs debuisset proponere ac secernere à sensu vero & orthodoxo quem censeret retinendum: *Qui bene distinguat, bene docet. Sed iusto Dei judicio debuit evenire huic*

huic Herculi furenti vel Rolando furioso, ut dum Andabatarum more micat in tenebris, amicorum copias ab hostilibus non discerneret, & ita posset manifestius convinci, etiam in Jesuitarum conscientis, veritatis rejectæ atque condemnatæ. Hæc enim quædixi radio Solis descripta sunt, ita ut nullus Jesuita aut Anti-Jansenita, quantumlibet vehementissimus, queat unquam, si modò in suorum Theologia planè hospes non fuerit, hanc Innocentij *Constitutionem* uti jacet, & absque ullis restrictionibus, limitationibus & distinctionibus, admittere; debetque brevi consuli iterum Apollo Romanus ut novis Oraculis, horum caliginem & amphibologiam discutat.

70. Verùm non solum hîc Innocentius damnat atrociter *Propositiones* quas vel ipsimet Jesuitæ, uti jacent, certo sensu veras esse debent confiteri, sed etiam earum condemnatione & censurâ arctat alia suæ Doctrinæ capita, ut nusquam veriùs appareat Papatus errores, instar fratrum Cadmeorum, se mutuò evertere & confodere. Innocentius vult *Omnia Dei Præcepta hominibus justis volentibus & conantibus, secundum presentes quas habent vires esse possibilia*: Ergo non fuit *Privilegium speciale & singulare B. Virginis*, ut vulgò docetur, quod absque peccato vitam transegerit; cum in eo nihil habuerit quod cuilibet fidei justo convenire non possit. Item poterit quilibet esse absq; speciali revelatione certus suæ salutis certitudine fidei, cum hanc secum trahat necessariò omnium Dei mandatorum exacta præstatio. Item poterunt dari fideles & justi in hac vita qui nec debeant confiteri sua peccata, quibus carebunt, maximè cum *jure divino* nemo teneatur ad venialium confessionem, ut etiam ex Concilio Tridentino *sess. 14. c. 5.* docet Becanus *cap. 36. de Sac. q. 6.* nec possint communicare Eucharistiæ, cum prævia Confessio ad Communionem de jure & praxi Ecclesiæ Romanæ requiratur.

71. Innocentius vult *Gratia Divinæ in statu natura lapsa posse resisti*; Ergo Sacramenta, uti vulgò docetur, non agunt infallibiliter & ex opere operato, ad suos effectus producendos. Vult libertatem à necessitate requiri ad merendum & demerendum; Ergo non ita fuerit confirmata B. Virgo, quin potuerit peccare, & ad essentiam ac perfectionem liberi arbitrij pertinebit facilitas & facultas peccandi. Vult
Christum.

Christum pro omnibus omnino hominibus esse mortuum; Ergo Sacrificium Missæ deberet quoque offerri universaliter pro omnibus hominibus, cum tamen id nefas sit fieri pro hæreticis & excommunicatis, iudicibus Becano *cap. 25. de Sac. q. 15.* & Bellarmino *lib. 2. de Missa cap. 6.* qui etiam agnoscit quod tota Liturgia Ecclesiæ Latine, ut nunc est in usu, refertur & restringitur ad solos fideles, ut patet ex precibus oblationis tum extra tum intra Canonem. Sed dum expectamus novas Jesuitarum ferruminationes ad hæc ἀσύγκλωστα concilianda, audiamus porro quomodo absolvetur Constitutio Innocentij.

72. Ut in condemnanda atrox & immanis fuit, ita in concludendo ferox est & Tyrannus sequentibus verbis;

Mandamus igitur omnibus Christi fidelibus utriusque sexus, ne de dictis Propositionibus sentire, docere, prædicare aliter præsumant, quam in hac præsentī nostra Declaratione & Definitione continetur, sub censuris & pœnis contra Hæreticos & eorum fautores in jure expressis.

Satis sanè pro imperio; Nec potuit luculentius personam Antichristi agere Pontifex, quam se & suam insubidam Constitutionem in normam indeclinabilem fidei in Ecclesia constituendo, & Hæreses suas Pelagianas pro certis & indubitatis Religionis Christianæ articulis tanta cum impudentia & protervitate in hac Evangelij luce orbi terrarum obtrudendo. Minas quas hic intentat parum curabunt cordati Jansenitæ, apud quos prævalebunt causa Gratix, Verbi Divini reverentia & amor Veritatis. Olim id obtinuit axioma inter Canonistas, *De occultis non judicat Ecclesia.* Sed Papa vult hodie suam jurisdictionem extendere in ipsas fidelium conscientias & eorum fidei dominari, (quod nec ipsi Apostoli Christi voluerunt unquam sibi arrogare 2 Cor: 1, 24.) dum illis prohibet non tantum docere & predicare, sed etiam sentire, aliter quam ipsi visum fuit.

73. Id quoque valde absurdum quod hoc mandat omnibus Christi fidelibus

fidelibus utriusq; sexus, quasi solos Hermaphroditos, hi enim soli sunt *utriusq; sexus*, veller hac suâ definitione constringere: Nec tamen id tam malè, cum non nesciat verè Viros nunquã hoc capistrum suscepturos. Si tamen id debeat intelligi discretè de fidelibus non *utriusq;*, sed cujuscunq; *sexus*, etiam supponit Innocentius fas esse sequiori sexui *docere & prædicare*, ruore hodiernorum Fanaticorum in Anglia & contra expressum Pauli testimonium 1 Cor: xiv, 34. 35. 1 Tim: 11, 11. 12. Nam dum prohibet fidelibus cujuscunq; sexus ne aliter doceant ac prædicent, sive mandat ne *sentire, docere, prædicare aliter præsumant*, quam in hac præsentis sua Declaratione & Definitione continetur, censet illis licitum esse juxta eam docere & prædicare. Frustrà eum prohibeas *aliter docere & prædicare* quam ex hac formula, cui omnimodo docere & prædicare nefas fuerit.

74. Neque contentus Papa hoc generali mandato prohibitivo, (quod pertinet ad stylum ridiculum Curia Romanæ, cum Latiniùs dixeris, te prohibere omnibus ne id faciant, quam te mandare omnibus ne id præsumant facere; nam qui mandat, vult rem fieri, qui prohibet, vult eam non fieri;) addit ad ista Præceptionem adhuc insolentiorè, & cui si quæ similis mihi ostendatur per mille annos purioris Christianismi in Ecclesia, agnoscam me justo liberaliùs loquutum dum pertendo eam evidentem characterismum Antichristianismi continere. Sic verò illa habet;

Præcipimus pariter omnibus Patriarchis, Archiepiscopis, Episcopis, aliisque locorum Ordinariis, necnon Hæreticæ pravitatis Inquisitoribus, ut Contradictores & Rebelles quoscunq;, per censuras & pœnas prædictas, cœteraque juris & facti remedia opportuna, invocato etiam ad hoc (si opus fuerit) Auxilio Brachij Sæcularis, omninò coerceant & compescant.

75. Igitur ex Innocentij imaginatione, reliqui omnes Patriarches Archiepiscopi, Episcopi &c. debent esse pecora sequacia, & libidinis ac tyrannidis Pontificiæ vilia mancipia, quibus nihil supersit in Regimine Ecclesiæ & iudicio Controversiarum fidei præter obsequij gloriam. Reverâ non sic fuit ab initio: Annon summæ est impudentiæ, quod nequidem dignatur Patriarchas, Archiepiscopos & Episcopos reliquos titulo *fratrum*, aut *consacerdotum*, aut *coepiscoporum* suorum, ut olim obtinebat etiam cum ultra modum crevisset supercilium Papale? An aliis posset censeretur relinquere suam dignitatem illibatam, qui illis tam imperiosè præcipit, ut nemo mortalium unquam aggressus sit tam insolenter κατὰ τοὺς νόμους τοῦ Θεοῦ, contra præscriptum illiusmet Apostoli cuius se falsò & mendaciter jactitat successorem? 1 Pet. v, 3. ô quam Innocentius dememinit ejus quod dicebat Gregorius 1. *epist. 36. lib. 4.* scribens ad Episcopos Alexandrinum & Antiochenum! Nullus unquam decessorum meorum hoc tam profano vocabulo, (Episcopi Universalis & Episcoporum) ui consensit: quia videlicet si unus Patriarcha Vniuersalis dicitur, Patriarcharum nomen cæteris derogatur. Sed absit hoc, absit à Christiana mente, id sibi velle quempiam arripere unde fratrum suorum honorem imminuere ex quacunque parte videatur. Sed Gregorius erat Augustinianus & moderatus, Innocens Pelagianus & inflatus.

76. Interim tamen ut nemo erit verorum Patriarcharum quales supersunt in Oriente, Constantinopolitanus, Alexandrinus, Antiochenus, Hierosolymitanus, qui multum curabit hoc Edictam Pontificale, sic plures Archiepiscopi, Episcopi, aliique Ordinarii, qui hucusque manserunt in communionem Romanæ Sedis, meritò indignabuntur se tam serviliter haberi, nec putabunt suâ interesse ut executioni curent mandari decretum de fide, aut potius contra fidem, quod sine se, imò & contra se vel suos consacerdotes, tam iniquè & violenter promulgatum fuerit. Quoad ordinarios Carnifices & Tortores Pontificis, *Hæretica pravitate Inquisitores*, ut appellantur, nihil habent juris in Gallia aut Belgio: In Hispania sunt Dominicani ac Thomistæ, adeoque non mali Janseniani, quos contra seipsum facerrimum hoc officium exercituros, non est verosimile: Igitur Italici solis esset metuendum ab Inquisitione in hac causa; Sed parum illi

tum illi superest virium apud Neapolitanos, Mediolanenses, Venetos, Florentinos, Genuenses, cæterasque Potestates Italicas, ex quo Lucenses potuerunt susque deque habere Urbani VIII. interdictum, cui eos subijcere voluerat. Est Inquisitionis & Papæ potestas similis novacula, quæ mollia & cedentia faciliè secat; sed ubi minimùm resistantiæ reperit obtunditur.

77. Reperiet ergo proculdubio hæc Innocentij *Constitutio*, *Contradiçtores & Rebelles*, non tantum inter Protestantes & Reformatos, qui eam publicè mecum execrantur, sed etiam inter ipsos Catholico-Romanos, qui fidem norunt esse persuadendam non imperandam: nemoque erit eorum, qui hætenus fuerunt persuasi de veritate Doctrinæ Paulinæ & Augustinianæ, qui Innocentio non dicat in os quod olim scribebat Augustinus *contra Epist. Fund. cap. 14.* *Si fides mihi imperanda est, magis me teneret illa Scriptura, ubi lego venisse Spiritum Sanctum & Apostolos inspirasse, quibus eum Dominus se missurum promiserat. Quapropter aut ea qua dicis proba mihi vera esse, ut ostendas qua non possum credere; aut eum qui dicit proba mihi Spiritum Sanctum esse, ut credam qua non potes ostendere. Ego namque Catholicam fidem profiteor, & per illam me ad certam scientiam perventurum presumo: Tu verò qui fidem meam labefactare conaris, certam scientiam trade si potes, ut id quod credidi, temerè me credidisse convincas.*

78. Et quamvis Papa velit *Contradiçtores & Rebelles QVOSCVNQVE*, cujuscunque dignitatis & autoritatis fuerint, (vult enim sibi omnia & in omnes licere,) coerceri & compesci, viâ juris & facti, ad hanc posteriorem eò proclivior, quod priorèm jamdiu calcare desierit, invocato etiam ad hoc *Auxilio Brachij Secularis*, (ex Ithacianorum praxi, quam melioribus & ipsi S. Martino displicuisse, auctor est Sulpitius Severus *lib. 2. Hist. Eccl.*) quasi Principes & Magistratus debeant esse Tortores & Liçtores Pontificis, qui in suos subditos ad illius nutum sæviant, & omnia cædibus & sanguine misceant ad ejus decreta, ut ut iniquissima, constabilienda; Attamen juxta nostras in priori parte Conjecturas, non videmus Jansenitis multum esse metuendum à Brachio sæculari, modò viros se præstent & Romanas *censuras* ac comminationes cordatè floccifaciant, illud reputantes, *Vana sine viribus ira.* Diu quidem est quod tentarunt Jesuitæ

gladios Regum in eorum cervices acuere, & optarunt conjungi posse fulmina suo tonitruui, & enses carnificum censuris Papalibus; Sed non ita proclives sunt hodie Principes Christiani ad sanguinis effusionem propter quæstiones & controversias Theologicas, ut quicquam gratificaturi hac in parte videantur hostibus professis Gratiæ divinæ.

79. Tandem concludit his verbis Innocentius, quæ facile est agnoscere ex postfacto inserta, ad majorem contumeliam Janseniani Augustini;

Non intendentes tamen per hanc declarationem & definitionem super prædictis quinque Propositionibus factam, approbare ullatenus alias opiniones quæ continentur in prædicto libro Cornelij Jansenij.

At si nullatenus *alias opiniones* illius libri vult approbare, cur non rotundo ore profitetur se illas damnare & improbare? An quemadmodum Bellarminus præter Concilia *reprobata* & *approbata*, media quædam facit neutrius ordinis; ita inter *opiniones* Jansenij, præter quinque superius enotatas, quæ omnino sunt reprobata, reliquæ debent manere *æstimari*, & mediæ conditionis ac veluti in Purgatorio laborantes inter Paradisum & Infernum, ut nec *ullatenus approbata* à sua Sanctitate, nec formaliter reprobata, ut quinque priores censeantur? An etiam ita vitiosæ aut scabrosæ sunt Innocentio *alias opiniones* Jansenij, ut in illis *æstimari* reperiatur, quod suo calculo approbare possit?

80. Sed dicam quod res est: Intererat causæ Jesuitico-Pelagianæ illum librum quo jure quâ injuriâ suppressi. Omnia tamen sigillatim enotare quæ in eo odissent Jesuitæ, nimis in se periculosum, & Silicernio Innocentio, qui Theologus non est, nimis tædiosum fuisset. Igitur Speciminis ergo illas quinque Propositiones selegunt, quâ fide visum antea, quæ expressè damnarentur, & ut Scorpionum venenum dicitur esse in illius cauda, ita voluerunt ut in cauda hujus *Constitutionis* maximè se exereret Pelagianum virus, uni-

versali

Verſali condemnatione totius libri optimi & ſolidè conſcripti, quod illum *et* *proſa* refutare nemo poſſet Moliniſtarum, quin aperto Marte in ipſum S. Auguſtinū ac multos Papas celebriores inſurgeret. Nam omninò improbat Pontifex quod non *intendit ullatenus approbare*; Dam-natus eſt, quem non abſoluit. Quanquam certum ſit adhuc neſcire Innocentium quænam ſint illæ *alia opiniones qua continentur in prædicto libro Cornelij Janſenij*, quas non vult *ullatenus approbare*. Sed idem facit cum eo Parocho qui cum plures accepiſſet ſchedas continentes varia nomina ab Epifcopo ſubmiſſa publicè Excommunicandorum, & eas inſeruiſſet rimulæ quæ erat ad ſuum ſuggeſtum unde non va-luit poſtea illas extrahere, contentus fuit dicere in communi, ſe eos omnes excommunicare qui erant in illo foramine.

81. Aliàs ſane hominis illius, cui tantopere *cordi eſt Salus Eccleſiæ & Errorum periculorum repurgatio*, fuiſſet illas *ALIAS opiniones Janſenij præcavendas*, ſigillatim commemorare, quomodo ſignan-tur infames ſcopuli in mari, ne nautæ per imprudentiam in illos im-pingant. Et quò credamus id omne *Datum* per ſuos *Datarios* ab Inno-centio non Pietati & Veritati, ſed ſuorum Jeſuitarum favori, imò ſurori, ita clauditur bellula hæc Conſtitutio;

Datum Romæ apud Sanctam Mariam Majorem,
anno Incarnationis Dominicę Milleſimo ſex-
centefimo quinquageſimo tertio, pridie Kal.
Junij, Pontificatus Noſtri Anno Nono. Hi.
Datarius. G. Gualterius. P. Ciampinus.


Additurque actus Publicationis in hæc verba;

Anno à Nativitate D.N. JESU Chriſti Milleſimo ſexcentefimo
tertio, Indiſtione ſexta, Pontificatus Sanctiſſimi in Chriſto
Patris & D.N.D. INNOCENTII Divina Providentia Papæ x.
Anno ejus Nono, die verò nona menſis Junij, ſupradicta Con-
ſtitutio affixa & publicata fuit in Eccleſia Lateran. ac Baſilicæ
Principis Apoſolorum de Vrbe, necnon Cancellariæ Apoſtolice

valuis, ac in acie Campi Floræ, per me Hieronymum Mascellam, Sanctissimæ D. N. Pape-Cursorem.

• *Pro D. Mag. Cursorum. P. Paulus Desiderius Cursor.*

82. Quænam sit illa *Sancta Maria Major*, apud quam Innocentius hanc fabam cudit in Jansenitas, nolumus inquirere: Illa videtur summo opere promovisse causam Jesuitarum, qui Mariani imò Mariani malunt esse quam Christiani: Sed tamen contra mentem illius minoris Mariæ quæ sibi gratulabatur Luc: 1, 48. quod Deus respexisset *ἐν τῷ ἀπειρώσει τῆς δούλης αὐτῆς*. Non debuit quoque fieri mentio anni *Incarnationis Dominicæ*, in ea *Constitutione* quæ penitus evertit & gratiam Domini, & finem propter quem in carnem venerisse dicitur, ut vocaret, non justos, Pelagianos ac Phariseos surgentes opinione suæ perfectionis & justitiæ, sed peccatores ad resipiscentiam. Quid porro sit *acies Campi Floræ*, ubi affixa & publicata fuit *supradicta Constitutio*, nisi quod æquum sit in campo Floræ quondam Romæ nobilis & florentis scorti, ut pueris notum, explicari *aciem* Veneris Romanæ, sive potius Babylonicæ Meretricis; Cujum pecus sit Hi. *Datarium*, quem potius Accipitrem dixeris ex usu Romano; vel *Hieronymus Mascella*, sanè à Stridonensi Hieronymo planè diversus; Quodnam munus sit in Ecclesia Christi & ubi institutum & ad quam Hierarchiæ partem spectans officium istud vel *Datarij* vel *Cursoris Sanctissimæ D. N. Pape*, cum Apostoli olim nec Apostolos, nec multo minus *Cursores* habuerint; Quid discriminis sit inter Principem Apostolorum *de Urbe & de campis*, nisi illius fiat hic mentio quod omnis ille imaginarius Principatus Pape intra Urbis Romæ pomeria debeat porro contineri; nam *Si auctoritas quaritur, Orbis major est Urbe*, inquit Hieronymus; Illi possunt explicare qui *ἔγνω τὰ βιβλία τῆς Γραφῆς* Apoc: 11, 24. Hæc Mysteria Mysterij Iniquitatis tam parum capio, aut cupio scire, quam penitus intelligo hac Innocentij *Constitutione*, Hæresim Pelagianam constabili, & Orthodoxam veritatem Pauli, Augustini, Jansenij, tyrannicè, nequiter, scycophanticè, juxta ordinarium agendi modum Antichristi Romani, rejici & condemnari.





P A R S T E R T I A;

Quâ doctrinæ Iansenianæ in Propositionibus damnatis à Pontifice Orthodoxia & Veritas demonstratur.

Villum antea quid damnaverit Pontifex in Janzenio, & quomodo in illa damnatione processerit; Superest, quò fidem exsolvamus, ut paucis Veritatem & Orthodoxiam damnatarum Propositionum, ex Dei Verbo & Catholica Antiquitate adstruamus, quò sic *Impietatis & Hæresis* Crimen omne ab Innocentio impactum Innocentibus Viris, in Judicis istius iniqui caput recidat. Primum itaque quæritur, *An aliqua Dei præcepta, hominibus justis, volentibus & conantibus, secundum præsentem quas habent vires, sint impossibilia, ac desit quoque illis Gratia quâ possibilia fiant?* Negant Pontifex & Jesuitæ; Affirmant Augustinus, Jansenius & Jansenitæ, firmissimis nixi argumentis.

2. Nam si omnia Dei mandata essent fidelibus & justis *possibilia*, esset quoque illis possibile carere in hac vita omni peccato; cùm in illum nulla cadat *divitiâ*, id est nullum peccatum, qui Legi in singulis satisfecerit; Jam verò nullus viator tam justus in hac vita dari potest, qui careat omni peccato, nec quotidie debeat dicere, non *humiliter* tantum, sed etiam *veraciter*, ut post Concilium dictum *Milevitanum can.7. & 8.* agnoscit Tridentinum *sess.6. de Justif. cap.11.* *Dimitte nobis debita nostra.* Et ita densa sunt Scripturæ Sacre testimonia quæ probant neminem absque peccato vivere, ut id nec ipsa impudentia negare ausit. *Non est enim homo qui non peccet*, inquit Salomon 1 Reg: viii, 46. Et Christus ad Judæos, *Nonne Moses dedit vobis Legem, & tamen nemo ex vobis præstat Legem* Joh: vii, 19. Et Jacobus iii, 2. *In multis impingimus omnes; Qui autem impegerit in uno damnus est omnium* Jac: ii, 10. Quare si dixerimus nos peccatum non habere nos ipsos fallimus & veritas non est in nobis 1 Joh: i, 8.

3. Ex illo autem ultimo loco, jam olim contra Pelagium conclusit

clusit Concilium vulgò Milevitanum dictum, *can. 6.* ut habet lemma illi Canoni præfixum à Carranza in *summa Concil.* Quod juxta sententiam Iohannii Evangelistæ nemo sit qui esse possit sine peccato. Dico id Concilium vulgò Milevitanum dici, cum potius Carthaginense dicendum esse contra Baronium demonstraverit satis accuratè Jansenius de *Hæresi Pelagiana*, lib. 1. Favet verò illi Jansenianæ crisi, quod in *Codice Canonum Ecclesiæ Africana*, quem Latino-Græcum edidit Justellus Lutetiæ anno 1615. *Canon 108.* hæc verba præfigantur illis contra Pelagianos octo Canonibus, qui vulgo Milevitani dicuntur, *Concilium contra hæresim Pelagij & Cælestij. Gloriosissimū Imperatoribus, Honorio xii. & Theodosio Coss. Kalend. Majas, Cartagine in Secretario Basilica Faustī, cum Aureliū Episcopum in Vniversali Concilio consedisset*, (Milevitanum autem fuit particulare Numidiæ) *adstantibus Diaconū, placuit omnibus Episcopis, quorum nomina & subscriptiones indita sunt, in sancta Synodo Cartaginensis Ecclesiæ constitutū, Vt quicumque dixerit Adam primum hominem mortalem factum &c.* Videantur quoque ejusdem Justellitum *Præfatio pag. 31.* tum *Nota pag. 84. & 115.* Hujus etiam Concilij Carthaginensis, contra Pelagium & Cælestium habiti Cartagine, Aurelio & Dotiano præsidibus, οἱ ἑκκλησιαστικοὶ ἐκ διαφόρων ἐπαρχιστῶν ἀνδρες διακονήσαντες ἱερωςὺνη τὸν ἀεθμὸν Χρῆ, quibus assederunt variis è Provinciis Sacerdotio Præstantes Viri, numero CCXXV. meminit Photius in *Myriobiblo cap. 52.* & refert breviter illa ipsa capita octo, quæ vulgò Milevitana statuuntur.

4. Sed præterea, si quis posset in statu hoc imperfectionis 1 Cor: xii, 9. 10. 11. 12. perfectè & accuratè implere omnia Dei mandata, is nec mortem quæ *stipendium est peccati* Rom: v 1, 23. amplius subire teneretur, & ex operibus Legis deberet justificari: *Non enim qui audiunt Legem justi sunt apud Deum, sed qui præstant Legem justificabuntur* Rom: 11, 13. At verò ut omnibus hominibus constitutum est semel mori Heb: ix, 27. ita certum est neminem unquam posse ex Lege justificari, ut dictum à Davide Psal: cxi, 11, 2. *Non justificabitur coram te ullus vivens. Quin remanent sub execratione Legis* Gal: 111, 10. quotquot ex illa justificari volunt: Et si per Legem est justitia, Christus sine causa mortuus est Gal: 11, 21. Imò τὸ ἀδυνατεῖν Legis hac in parte, quod infirma sit in carne, conceptis verbis docet Apostolus Rom: vii, 3.

Act: xii.

Act. xxi, 38. 39. Et quis Pharisaicè gloriabitur se in illud Dei mandatum, *Non concupiscet*, nunquam impingere, aut Deum ex toto suo corde diligere, quin ab illo suo corde clanculum mendacij redarguatur? Quanto melius ipse David, Vir aliàs secundum cor Dei, Psal. xix, 13. *Delicta quis intelligit? Ab oculis meis munda me. Quasi dicas*, (inquit ad eum Psal. ipse Bellarminus) *Servus tuus cavet à peccatis, Legem tuam servando, non omnino, sed quantum patitur humana fragilitas.*

5. Nullus sanè actus perfectior Charitatis in hac vita potest elici eo quem Martyres testantur: Attamen, ut nihil de eo dicam quod etiam tum suos patiuntur manes & cum propriæ suæ carnis infirmitate debent luctari, unde Petro prædicit Christus Joh. xxi, 18. 19. eum cingendum *ab alio* & ducendum *quo nolle*, significando *quâ morte esset glorificaturus Deum*, ipse Toletus Jesuitici ordinis & Cardinalis E. R. ad cap. 10. Iob. comparisonem instituens inter mortem Christi & Martyrum, notat quod *homines*, etiam Martyres, *potius pro se moriuntur quam pro aliis, quia plus sibi pro sunt quam aliis*; eoq; refert quod *Aristoteles Gentilis docuit*, qui pro amico moritur, *plus amare se quam amicum, quia sibi bonum honestum comparat, amico autem vitam temporalem pro cuius defensione vitam exponit.* Unde sequeretur nequidem martyres ipsos moriendo actum elicere perfectæ charitatis erga suos proximos, siquidem seipfos magis quam illos diligunt contra Dei Legem.

6. Quod si justis volentibus & conantibus esse absque peccato, Gratia adest quâ *possibilia sunt illis omnia Dei mandata*, alterutrum erit ponendum; aut neminem esse justorum qui velit & conetur; aut dari aliquem ex volentibus & conantibus, qui sit absque peccato; aut nemini mortalium in hac vita dari gratiam ad eam perfectionis mensuram, ut possit, etiam ubi vult & conatur, omnia Dei mandata *servare & implere*: Prius dici non potest: *Quis enim Christianorum*, inquit Hieronymus ad Cresiph. *non vult esse sine peccato? Aut qui perfectionem recusat si sufficit ei velle?* Secundum quoque asseri non debet ab homine qui homines noverit. *Quamobrem*, inquit idem Hieronymus ibid. & gravissimus Poeta Flaccus scripsit in Satyra, *Nam vitiis nemo sine nascitur, optimus ille est Qui minimis urgetur.* Quare tertium omnino est retinendum; Deo sic dispensante nobis suam gratiam, ut nemo

nostrorum sit qui ex peccatorum suorum quotidianorum conscientia, non debeat dicere cum Bernardo *serm. 23. in Cant. Non peccare Deiest; Hominis vero iustitia, Indulgentia Dei.*

7. Ut quid possibilis fingetur hæc iustorum volentium & conantium *ἀναμαρτυρία* Pelagiana, cum Apostolus doceat Gal. v. 17. ex pugna & oppositione carnis & Spiritus in illis evenire, ut non quicumque velint, faciant? Ad quem locum habet Cornelius à Lapide Jesuita, id ipsum quod Innocentius hic damnat in Jansenitis. *Velle enim, inquit, non concupiscere, non sentire motum ira, gula, libidinis, iis non impediri à prompta & perfecta charitate, temperantia, castitate, oratione; & tamen hoc non facitis, nec facere in hac vita potestis. Rursum multa heroica virtutum opera servidè & alacriter facere velletis, sed sapè non potestis, quia resistit nimis & reluctatur caro. Pulchrè Anselm. Concupiscentia non permittunt vos implere quod vultis, nolite & vos eis permittere implere quod ipsa volunt, & ita nec vos nec illa facietis quod vultis. Quamvis ergo concupiscentia fiant in vobis, non tamen perficiuntur, quia eis non consentitis, sic & quamvis bona spiritus opera fiant non perficiuntur, quia sine dolore, luctu & resistentia concupiscentia, plenè, biliter & perfectè, ea facere non potestis. Hæc & plura Ansel.*

8. Nec est quod extra ipsummet Paulum Apostolum, hujus veritatis illustre & irrefragabile quæramus testimonium. Dubium non est quin is inter iustos volentes & conantes, eà Gratia mensurâ præditus fuerit, quâ major in neminem alium queat cadere: Nequæ tamen ei possibile fuit in hac vita mortali, omnia Dei præcepta penitus explere, eamque assequi perfectionem quam anhelabat. Non proferam nunc illum in carne sua *σολότης* cujus meminit 2 Cor. xi. 1, 7. 8. 9. de quo *ter Dominum rogavit ut discederet à se; idque solum responsum tulit, Sufficit tibi gratia mea, nam virtus mea in infirmitate perficitur*; quod Bellarminus *lib. de Monach. cap. 30.* motus autoritatis Theophylacti & aliorum, refert ad *Veneris incitamenta* quibus Apostolus maximè urgebatur: eaque enata, ut placet Hugoni Cardinali, ex familiaritate pulchræ Virginis Sanctæ Theclæ quam à se baptizatam circumducebat: Nolim enim cum Joanne à Gorcum Breviatore Commentariorum Eslij & Cornelij in Pauli Epistolas, hos *surpes ac bestiales motus libidinis*, à quibus se expedire non potuerit, tribuere

tribuere tanto Apostolo, quem continentia dono præditum constat ex 1 Cor: vii, 7. Et omnino putem istum Pauli Palum, de quo legenda proluxa Diatriba D. Vechneri, esse restringendum ad aliquam vexam forinsecus sibi illatam, Deo sic dispensante ad humilitatis exercitium, ex sensu propriæ infirmitatis.

9. Sed ex Apostolo proferam ipsiusmet de seipso querelam, ut legitur Rom: vii, passim, sed præsertim ad hanc rem com. 15. 16. 18. 19. ubi suse profitetur, se non id agere quod vult, sed quod odit & non vult id facere; *velle* adesse sibi, sed *ut quod bonum est efficiat* non assequi; non se facere *bonum* quod vult, sed *malum* quod non vult: Et postea com. 21. & seqq. ita loquitur; *Invenio igitur volentem mihi facere bonum hanc legem impositam esse quod mihi malum adjaceat; Delector enim lege Dei quod ad interiorem hominem, sed cerno aliam legem in membris meis, beligerantem adversus legem mentis meæ & captivum reddentem me legi peccati quæ est in membris meis. ærumnosus ego homo qui me eripiet ex isto corpore mortui? Annon hinc satis Apostolus prodit suam impotentiam ad id bonum præstandum, quod tamen & volebat & conabatur facere? Vidit ante nos contra Pelagianos hoc argumentum, ipse Hieronymus ad Cresiph. Quid gloriatur terra & cinis? Præsertim cum de iisdem Apostolus dicat, Video aliam legem in membris meis, repugnantem legi mentis meæ & ducentem me in captivitatem: Et iterum, Non enim quod volo hoc ago, sed quod nolo id operor: Si quod non vult operatur, quomodo stare potest, hoc quod dicitur, Possesse hominem sine peccato esse si velit? Quæ ratione potest esse quod velis, cum Apostolus asserat, se quod cupiat implere non posse?*

10. Imò quo magis hinc Jesuitas cum suo Hyperaspista Pontifice suffundam pudore, haud pigebit referre, quod habet Tiranus Jesuita ad 7. Rom. Augustinus & Hieronymus, cum S. Hilario, Nazianzeno, Ambrosio, (quos citat Augustinus) dicit S. Paulum de seipso loqui, & in persona hominis iusti, q. d. Ego jam liber à lege & sub gratia constitutus, & tot privilegiis à Deo dotatus, tantos tamen Concupiscentia stimulos atque incitamenta in malum sentio, ut instar servi emptitij sapius COGAR illi parere, illiusq. motus & impetus velim nolim sustinere. Ita etiam explicant S. Gregorius, Anselmus, Primasius, S. Thomas, Sabbon, Peterius, à Lapide, Menochius & plures alij. Negare vero peccatum esse, illam concupis-
centiam,

centiam, & peccaminosos, culpabiles ac vitiosos Legique Dei contrarios, ejus impetus & motus quoscunq; , quid aliud est quam in os obloqui ipsi Paulo dicenti ibidem, com.9. *Nesciebam Concupiscentiam esse peccatum nisi lex dixisset, Non concupisces?*

11. Et quis nisi ipsâ Impudentiâ impudentior, dixerit non esse peccatum, quod Paulus tam expresse *peccatum & malum* vocat, & dicit esse *legem membrorum* oppositam Legi Dei, & ostendit ipso Dei Præcepto expresso conceptis verbis prohibutum esse & damnatum? Quis nisi ipsâ stultitiâ stultior asseruerit, id non esse turpe & vitiosum ac legi æternæ contrarium, quod & *esse ex peccato & in peccatum inclinare* ipsummet fatetur Concilium Tridentinum? Et cum in confesso sit apud Adversarios, omnes Concupiscentiæ motus, etiam primo primos, damnabiles ac vitiosos esse & Legi Divinæ contrarios in Catechumenis, quo jure tales ex rei natura negabuntur esse in baptizatis, ut sit à Becano q.3. de Pecc. Orig. cum Baptisma non possit facere ex peccato non peccatum, neq; rerum mutet essentias? Quanto satius fuisset agnovisse cum Augustino lib.1. de nupr. & concup. cap.25. concupiscentiam carnis remitti in Baptismo non ut non sit, sed ut non imputetur in peccatum, eamque transire reatu sed manere actu, esseque ex rei natura exosam ipsi Deo, qui nihil odit præter peccatum, ut fatente eodem Becano *ibid.* docet idem Augustinus lib.6. in Jul. cap.3. & 8. & in Psal.35.

12. Necquicquam verò dixeris illos Concupiscentiæ motus & impetus peccatis non esse annumerandos, ideo quod *involuntarij* statuuntur; Nam neque *plenè voluntarium & deliberatum*, est de essentia peccati, ut patet in peccato originali, cui infantes sunt obnoxij ab utero, & quod Pelagiani non alio impugnabant ariete, quam quod voluntarium non esset: Multa peccare homines ex infirmitate, ignorantia & subreptione, nec ipsi Jesuitę debent inficiari: Et ad peccati constitutionem, sola sufficit *avopula* finitore Johanne 1 Joh: III, 4. idest Legis transgressio, sive carentia rectitudinis debitæ inesse ex Legis præscripto. Neque omni modo sunt *involuntarij* illi Concupiscentiæ motus inordinati; Sunt enim quædam appetitiones & volitiones mentis humanæ, quæ saltem aliqua delectatione titillant voluntatem, ac *velleitatum* nomine possunt exprimi, & tamdiu sunt

voluntariæ; quamdiu per Spiritus resistantiam melioremque voluntatis sanctificatæ motum non coercentur & supprimuntur. Quapropter etiam Jacobus 1, 14. 15. Concupiscentiam trahentem, infenscentem, concipientem, non opponit simpliciter peccato, quasi illa peccatum non foret, sed ei duntaxat opponit ut peccatum intus cœptum, peccato quod opere externo consummatur, quodq; mali corvi malum ovum, ut est in Adagio, dici potest. Quare Bellarminus ipse, quamvis hîc non per omnia rectè sentiat, *lib. 1. de amiss. gr. & statu pecc. cap. 9.* ex ista oppositione Concupiscentiæ ad peccatum colligere conatur distinctionem peccati venialis & mortalis; quod argumentum non procederet, nisi etiam Concupiscentia ipsa peccatum foret, saltem veniale.

13. Sed quid opus pluribus? Cùm enim neminem nobis possint dare Jesuitæ, qui non impeggerit in plurimis, quamdiu hanc vitam mortalem & ærumnosam vixit, adeoque qui omnia Dei mandata citra lapsum servaverit, quid ineptius quam id fingere omnibus fidelibus & iustis possibile, quod ab ullo unquam præstitum fuisse nequeant ostendere, imò quod à nemine unquam præstitum fuisse debent agnoscere? Annon in eos quadrat Censura quam in ipsorum Patriarchas, scilicet Pelagianos, strinxit olim Hieronymus *in epist. ad Ctesiph.* Egregij Doctores, dicunt esse posse, quod nunquam fuisse demonstrant: Item, *Quæ est ista argumentatio, posse esse quod nunquam fuerit? Posse fieri, quod nullum fecisse testetur? Id cuilibet tribuere, qui an futurus sit ignores, & dare nescio cui quod in Patriarchis & Apostolis fuisse nequeas approbare? Item, Facilia dicis Dei esse mandata, & tamen nullum proferre potes, qui universa compleverit.*

14. Sanè ipsimet Judæi, ut-ut Pharisaico typho turgidi, hîc possint ipsos Jesuitas dare in ruborem. Nam Menassêh Ben Israel *in tract. de frag. hum.* statim ab initio 9. 1. sumit sibi demonstrandum, auctoritate sacrarum literarum, quod proprium sit homini peccare, quodque nemo sit qui non peccet: Citat ad eam rem loca sequentia, Psal: 11, 7. *CXLIII, 2.* Eccl: vi 1, 20. Prov: xx, 9. Job: xiv, 1. xv, 15. Profert inter alia ex R. Aha, *Eriam pii & virtute excellentibus, impossibile esse, nunquam in aliquod peccatum incurrisse;* Ex Aben Ezra, *Non potest fieri quin peccet homo nonnunquam, vel mente, vel verbis, vel factis.* Ex R. Levi Ben

Ben Gerson; Certe impossibile est ut homo per suam imperfectionem, sit innocens & justus. Et tandem concludit, quod non solum nemo sit qui non peccat, verum etiam quod impossibile sit non incidere in peccatum per errorem aut sponte. Et §. 2. vult probare ex S. literis & Veteribus Sapientibus esse peccatum quod committitur per errorem, licet non sit spontaneum. Et §. 8. ostendit etiam illos peccasse de quorum perfectione loquitur Scriptura.

16. Quod si iustis conantibus & volentibus possibilia sunt omnia Dei mandata, cur quælo Bellarminus lib. 5. de Iustis. cap. 7. inquirens quatenus fiducia in meritis collocari possit, hoc nobis, imò sibi, fixit axioma, propositione 3. Propter incertitudinem propria iustitia & periculum inanis gloria, tutissimum est fiduciam totam in sola Dei misericordia & benignitate reponere; quo etiam respectu hanc ipse clausulam adhibuit in suo Testamento; Et precor me inter Sanctos & Electos suos, non ut estimator meriti, sed ut venia largitor admittat. An illi incerta foret propria sua iustitia, qui secundum præsentem quas habet vires omnia Dei mandata servasset, & impigisset in nullo? Non subscriberet censuræ Innocentij, Bernardus qui lib. de grat. & lib. arb. dicit, necesse habere etiam qui perfectiores in hac mortalitate videntur, confiteri & dicere, In multis offendimus omnes, & Si dixerimus quia peccatum non habemus, nos ipsos seducimus & veritas in nobis non est. Non subscriberet Petrus de Alliaco Cameracensis Episcopus, & suo tempore Cardinalis Ecclesiæ Romanæ, qui in libro de septem grad. Scale Penit. quem habeo manuscriptum, ita loquitur; Intrent in iudicium cum Domino, qui iustitiam suam jactantes de ea præsumunt; quibus per Prophetam dicit Dominus, Quid vultis mecum iudicio contendere, omnes dereliquistis me: Non sic ego, sed iustitiam meam coram te nullam esse reputo; nam non justificabitur in conspectu tuo omnis vivens; Quia est apud te quis suo justificetur iudicio, tamen omnis homo in hoc corpore mortali vivens non justificabitur in conspectu tuo, quoniam occulta & interiora hominis vides, in quibus nemo plane justus aut mundus est tuo iudicio, quantumlibet Sanctus hominibus videatur: Ideo ait Paulus, Nihil mihi conscius sum, sed non in hoc justificatus sum. Non subscriberet Adrianus de Traiecto, postea Pontifex Maximus, cujus verba in 4. sent. ita refert Cassander in Consult. art. 6. Sunt merita nostra veluti baculus arundineus, cui dum quis innixto fuerit confringit, perforat manum, & quasi pannus menstruatus sunt

sunt omnes iustitia nostra : Iugiter igitur super pannum bona vita quem iustitia operibus teximus , stillamus saniem diversorum criminum. Quæ igitur ex eis poterit esse fiducia ad Deum ?

16. Nec dubium potest esse cuiquam tantisper versato in historia veteri, hanc ipsam Innocentianam & Jesuiticam assertionem, de omnium Dei mandatorum possibili præstatione in hac vita, purum putum Pelagianisimum continere. Possem id mille testimoniis ex Augustino desumptis comprobare. Sed quia B. Augustinus, Sedi Romanæ meritò exosus, ut pote Afer, qui ei interfuit & subscripsit Concilio quo *transmarina* appellationes sunt prohibitæ, ut videre est in *Cod. Can. Eccl. Afr. can. 125.* in hac insuper causa Janseniana reus est & damnatus, uno nitar Hieronymo qui fuit Presbyter Ecclesiæ Romanæ, ex cujus una *epistola ad Ctesiph.* ne quid dicam de *libris* tribus ejusdem contra Pelag. hæc veritas liquidò potest demonstrari: Nam primò dicit Pelagium cum suis *ἀναθεματίζαντες* & *ἀναιμάρτυροι* docuisse, idest posse hominem in hac vita eò pervenire, ut nec affectuum motus vitiosos patiatur, nec peccati ullius reatum contrahat: quam sententiam *ab initio* superbix & temeritatis arguit, quæ major esse nequeat quam Dei sibi, non dicam similitudinem, sed aequalitatem vendicare, & brevi sententia, omnium hæreticorum venena complecti, qua de Philosophorum, & maxime Pythagoræ & Zenonis Principum Stoicorum, fonte manarunt. Id ipsum quod dico, improbatum fuisse ab Hieronymo in Pelagianis, agnoscit ipse Lorinus Jesuita ad *Iac. 111, 2.* quod comprobatur non tantum *Canone 6.* Concilij Milevitani, de quo antea, sed etiam *Canone 6. Sess. 6.* Concilij Tridentini, Si quis hominem semel justificatum dixerit posse in tota vita peccata omnia, etiam venialia, vitare, nisi ex speciali Dei privilegio, quemadmodum de B. Virgine tenet Ecclesia, *Anathema sit.* Quomodo ex isto Anathemate Tridentino se queant expedire Innocentius & Jesuitæ viderint ipsi.

17. Secundò Hieronymus docet Pelagianos, ut hodiernum Innocentium, statuisse iustis volentibus & conantibus Gratiâ adesse quâ possent si vellent niri ad culmen impeccantiæ & perfectionis: *Assertu*, inquit, *posse hominem esse sine peccato, si velit: & post gravissimum somnium, ad decipiendas rudes animas, frustra conaris adungere, Non absque gratia.* Et quam hoc non sequatur ex iustorum voluntate,

L

quia

quia non est volentis neque currentis, sed misereris Dei Rom: ix, 16. comprobatur statim his verbis: *Quis enim Christianorum non vult esse sine peccato, aut quis perfectionem recusat, si sufficit ei velle, & statim sequitur posse si velle processerit? Nullus, Christianorum est, qui nolit esse sine peccato; omnes ergo sine peccato erunt, quia utiq; omnes cupiunt esse sine peccato; Et in hoc ingratus teneberis, ut quia nullum aut rarum quinquam sine peccato proferre potes, omnes sine peccato esse posse fatearis.*

18. Et ne putemus id esse discriminis inter Innocentianos & Pelagianos, quod hi statuerent posse hominem esse sine peccato si velis, non tamen absque Dei gratia, & illi statuunt posse eum omnia Dei præcepta cum auxilio Gratiae servare si velit, ne dicam planè synonyma esse, omni carere peccato & omnia Dei præcepta servare, cum peccata quælibet, sive majora sive minora, sint Legistransgressiones, testante Apostolo quod ubi Lex non est ibi non sit peccatum Rom: xv, 15. docet tertio Hieronymus omnem sibi controversiam fuisse cum Pelagio de possibilitate præceptorum Dei. Patet ex eo quod hanc tribuit objectionem Pelagianis; *Soletis & hoc dicere, aut possibilia esse mandata & rectè à Deo data, aut impossibilia, & non in his esse culpam qui accipere mandata, sed in eo qui dedit impossibilia: nec non exinde quod hoc dilemmate urget Pelagium: Facilia dicis Dei esse mandata, id est factu possibilia, & tamen nullum proferre potes qui universa compleverit. Responde mihi facilia sunt, an difficilia? Si facilia, profer quis ea impleverit; Si autem difficilia, cur ausus es dicere facilia esse Dei mandata que nullus impleverit? Item ex eo quod seipsum profert exemplum, istius impotentiae præstandi Dei mandata; Ego miserabilis, qui tuas expecto contumelias, qui illud semper lego, Gratia salvi facti estis, & Beati quorum remissa sunt iniquitates & quorum testa sunt peccata, ut de mea fragilitate loquar, novi me multa velle que facienda sunt & tamen implere NON POSSSE. Spiritus enim fortitudo ducit ad vitam, sed carnis fragilitas ducit ad mortem.*

19. Quarto Hieronymus iis telis impugnat Pelagium, quibus etiam Innocentiana & Anti-Jansenitica hæresis Molinistarum funditus subruitur. Nam pugnat ab experientia, tum positivè, Pauli, sui, omnium sanctorum; tum negativè, quod nulli dari possint qui fuerint absque peccato. Congerit item varia loca Scripturæ, quæ

evincunt

evincunt neminem absque peccato vivere, ac omnia Dei mandata implere. Neque nunc, inquit, mihi necesse est ire per singulos Sanctorum, & quasi in corpore pulcherrimo, navos quosdam & maculas commonstrare, quod plerique nostrorum simpliciter faciunt; cum paucis sententiolis Scripturarum possint hæreticorum, & per eos Philosophorum argumenta convinci. Quid enim dicit vas Electionis? Concluserit Deus omnia sub peccato, ut omnium misereatur. (Rom: 11.) Et in alio loco, Omnes enim peccaverunt & indigent gloriâ Dei. (Rom: 3.) Ecclesiastes quoque, per quem se cecinit ipsa Sapientia, libere protestatur & dicit, Non est enim homo justus super terram qui faciat bonum & non peccet: (Eccl: 7.) Et iterum, Si peccaverit populus tuus; non est enim homo qui non peccet: (1 Reg: 8.) Et quis gloriabitur castum se habere cor? & non est mundus à sorde, nec si unus diei fuerit super terram vita ejus. (Prov: 20.) Vnde & David dicit, Ecce enim in iniquitatibus conceptus sum, & in delictis peperit me mater mea: (Psal 50.) Et in alio Psalmo, Non justificabitur in conspectu tuo omnis vivens. (Psal. 142.) Quod testimonium sub nomine pietatis novâ argumentatione deludunt; Ajunt enim ad comparationem Dei, nullum esse perfectum, quasi Scriptura hoc dixerit. Neque enim ait, Non justificabitur omnis vivens, sed, non justificabitur in conspectu tuo omnis vivens. Quando enim dicit, in conspectu tuo, hoc intelligi vult, quod etiam qui hominibus Sancti videntur, Dei scientia atque notitia nequaquam Sancti sint. Homo enim videt in facie, Deus autem in corde. Si autem inspiciente Deo & omnia contemplante quem cordis arcana non fallunt, nullus est justus, perspicue ostenditur hæreticos non hominem in excelsa sustollere, sed Dei potentia derogare.

20. Urget quoque quod hac hominibus sola sit perfectio, si imperfectos esse se noverint; Et vos inquit, cum omnia feceritis dicite, Servi inutiles sumus, quod debuimus facere fecimus. (Luc: 17.) Si inutilis qui fecit omnia, quid de illo dicendum est qui explere non potuit? Vnde & Apostolus ex parte accepisse & ex parte comprehendisse se dicit, & necdum esse perfectum, præteritorumque oblivisci & in futurum se extendere. (1 Cor: 13. Phil: 3.) Qui semper præteritorum obliviscitur & futura desiderat, ostendit se præsentibus non esse contentum. Id etiam vehementer inculcat, quod cuius Jesuitarum meritò dixerim, Tu ipse qui perfectam & Deo aequalem in hominibus justitiam jactitas, & peccatorem te esse confiteris, responde mihi, velis an nolis carere peccato? Si vis, quare juxta sententiam tuam non imples quod desi-

deras? Sin autem non vis, contemptorem te Præceptorum Dei esse demonstras.

21. Denique eodem modo respondet quo nos solemus Jesuitis, ad objectiones plerasque Pelagij, quas & illi solent adoptare: Ad id quod sursum deorsum jactitant liberum à nobis arbitrium destrui; respondet, *Quis destruit arbitrium?* Ille qui semper Deo agit gratias, & quodcumque in suo rivulo fluit ad fontem refert? An qui dicit, *Recede à me, quia mundus sum, non habeo te necessarium?* Ad id quod dicitur, Manicheorum dogma nos sequi, & eorum qui de diversis naturis Ecclesia bella concinant, asserentium malam esse naturam qua immutari nullo modo possit; respondet in hæc verba; *Hoc non mihi, sed Apostolo imputa, qui novit aliud esse Deum, aliud esse hominem: Aliam carnis fragilitatem, aliam Spiritus fortitudinem. Caro enim desiderat contra Spiritum, & Spiritus contra carnem, & hæc invicem sibi adversantur, ut non quæ volumus, ipsa faciamus: (Gal:5.) A me nunquam audies malam esse naturam. Sed quomodo sit carnis fragilitas differenda, ipso qui scripsit docente discamus. Interroga eum quare dixerit, Non enim quod volo, hoc operor; sed quod odi malum illud facio. Quæ necessitas illius impediatur voluntatem, quæ tanta vi odio digna imperet facere, ut non quod vult, sed quod odit & non vult facere compellatur? &c.*

22. Sic ad *ἡσυχαστῶν* ex eo desumptam, quod in Scripturæ sanctis multi justî appellantur, ut Zacharias & Helizabeth, Iob, Iosaphat & Iosias, & multi quorum nominibus Sacra Scriptura contexta est, respondet uno verbo, quod justî appellentur non quod omni vitio careant, sed quod majori parte virtutum commendentur. Sic cavillo inde desumpto quod possibilia mandata dedit Deus, opponit illud Paulinum; *Quod erat impossibile Legis, in quo infirmabatur per carnem, Deus Filium suum mittens in similitudinem carnis peccati & de peccato condemnavit peccatum in carne. (Rom:8.) Et iterum, Ex operibus Legis non justificabitur omnis caro. (Rom:3.) Quod ne de Lege Moysi dictum tantum putes, (idest de Lege Cæremoniali) & non de omnibus mandatis, quæ uno Legis nomine continentur, idem Apostolus scribit dicens, Consequitur enim Legi, juxta interiorem hominem: Video autem aliam legem in membris meis, repugnantem Legi mentis meæ & captivantem me in lege peccati, quæ est in membris meis. Adeoque Hieronymus illam impossibilitatem præstandi totam Dei Legem, quæ olim possibilis & facilis fuerat homini integro, non aliunde arcessit quam ex ea corruptione, cui per peccatum sumus obnoxij; & quæ adjacens Paulo, ut ibid.*

ut ibid. urget, hæc illi verba extorquebat; Scimus enim quod Lex spiritualis est, ego autem carnalis sum renundatus sub peccato; Quod enim operor non cognosco; Non enim quod volo illud operor, sed quod odi illud facio. &c.

23. Ne tamen solius Hieronymi autoritate videar hic Pelagianismi convincere definitionem Innocentij, quod & in promptu colligere foret ex libro de Gestis Pelagij cap.6. & seqq. adjiciam Decreta Conciliorum in hac causa celebratorum: Concilij Arausicani 11. hic est Canon 10. Adjutorium Dei etiam renatis ac sanctis semper est implorandum, ut ad finem bonum pervenire vel in bono possint opere perdurare. At ista jugi imploratione auxilij Divini opus non erit fidelibus justis, si secundum presentes quas habent vires, ut definit Innocentius, omnia Dei Præcepta sunt illis possibilia, adestque semper Gratia, quâ possibilia fiunt. Concilij quoque quod Milevitanum dicitur, tribus Canonibus expressis, nempe 6.7. & 8. illa ἀναμάρτητα sive impeccantia Pelagiana, Anathemate percellitur; nam Can.6. definitur quod juxta sententiam Ioannis Evangelista, nemo sit qui esse possit sine peccato; Can. 7. quod unicuique, etiam iusto dicere oporteat, Dimitte nobis debita nostra; Et Can.8. quod à sanctis veraciter dicitur, Dimitte nobis debita nostra. Probaturum autem Concilium, Can.7. sanctos quoslibet ita precari debere pro seipsis, non demum pro aliis, sic loquitur; Sanctus enim & iustus erat Iacobus Apostolus, cum dicebat, In multis enim offendimus omnes: Nam quare additum est, omnes, nisi ut ista sententia conveniret & Psalmo ubi legitur, Non intres in iudicium cum servo tuo, quia non iustificabitur in conspectu tuo omnia vivens? Et in oratione sapientissimi Salomonis, Non est homo qui non peccet. Et in libro Iob, In manu omnis hominis signat, ut sciat omnis homo infirmitatem suam. Vnde etiam Daniel sanctus & iustus, cum in oratione pluraliter diceret, Peccavimus, iniquitatem fecimus &c. qua ibi veraciter & humiliter confitetur, ne putaretur quemadmodum quidam sentiunt, hac non de suis sed de populi potius sui dixisse peccatis, postea dixit, Cum orarem & confiterer peccata mea, & peccata populi mei, Domino Deo nostro; noluit dicere peccata nostra, sed populi sui dixit & sua, quia futuros istos qui tam male intelligunt tanquam Propheta prævidit. Addimus his Concilijs autoritatem Bernardi, serm. 50. in Cant. ubi agnoscit quod mandatum de Deo diligendo, minimè in vita ista ab aliquo

bonum possit vel poterit adimpleri. Huic concinit Thomas 2. 2. q. 44. art. 6. ubi fatetur hoc idem præceptum de Dei dilectione, non posse perfecte impleri in hac vita.

24. Igitur cum audimus fideles & pios ornari titulo justorum & sanctorum etiam in hac vita, non est putandum eos sic vocari *Legaliter* & *κατὰ ἀκριβοδικαίον*, ab observatione accurata omnium Præceptorum Dei, quæ tam parum est possibilis ulli in hac vita, quam juxta Catholicam doctrinam etiam justissimis & sanctissimis impossibile est esse absque peccato; Sed justī dicuntur partim *Euangelicè*, ex ea justitia quæ non tam in virtutum perfectione quam in remissione peccatorum per sanguinem Christi sita est; Tunc *justi sumus* quando nos peccatores fateamur, & justitia nostra non ex proprio merito, sed ex Dei consensu misericordia, inquit Hieronymus lib. 1. adv. Pelag. Partim κατ' ἐμείλειαν Misericordiæ divinæ, suorum nazos & peccata dissimulantis & paternè condonantis, quatenus non vult ea agnoscere, sed mavult agnoscere, ut loquitur Augustinus in Psal. 31. Nam ut idem habet lib. 1. Retract. cap. 19. Omnia mandata facta deputantur, quando quicquid non sit ignoscitur: Partim inchoatè à studio & conatu quo gementes sub imperfectionum & peccatorum suorum onere, semper tendunt plus ultra & anhelant perfectionem, non tantum partium sed etiam graduum, licet hanc nonnisi in cælo sint consequuturi: In isto autem studio & conatu etsi defunt vires est tamen laudanda voluntas: In magnis voluisse sat est. Partim denique *comparativè* ad improbos, peccato serviliter mancipatos vel addictos; sive, ut loquebatur suprà Hieronymus, non quod omni vitio careant, sed quod majori parte virtutum commendentur.

25. Hinc etiam eorum, quorum synceritas & zelus in Dei cultu promovendo ita commendatur, ut dicantur Domino adhæsisse *ex toto suo corde*, quod Davidi & Josiæ nominatim tribuitur, nazī & peccata recensentur in Scripturis, ne omnimodam præceptorum Dei præstationem illis in hac vita tribuamus. Etsi Paulus nullius rei sibi conscius esset 1 Cor. 14. quoad muneris sibi demandati officium, non tamen fidebat propriæ suæ justitiæ Phil. 1. 18. 9. aut se in nullo impingere statuebat. Quam non posset è contrario omnia præstare quæ Lege Dei præscribuntur, suprà visum est. Et qui possibili-

tatem

tatem absolutam Præceptorum Dei inde vellet adstruere quod *omnia sine possibilia credenti* Marc: 1x, 23. & Paulus profiteatur *se omnia posse per eum qui se corroborat, nempe Christum* Phil: 1v, 13. revera argumentaretur vitiosè, à dicto secundum quid ad dictum simpliciter; cum extensione vitiosâ illius Syncategorematis, *omnia*, pari jure posset justos & fideles ex utroque hoc loco *Omnipotentes* adstruere: Neutro sanè loco agitur de possibilitate Legis; sed priori, de beneficiorum quorundam externorum per Omnipotentiam Dei consequutione; posteriori, de crucis & ærumnarum tolerantia ex præsentis gratiæ auxilio quo Christus reddit suis *jugum suum leve & suave* Matt: xi, 30.

26. Ac prout nullâ ratione favet Pelagianismo vel Novo vel Veteri, *jugi Christi suavis*, cum à suavitate doctrinæ Evangelicæ, nobis justitiam quâ caremus & remissionem peccatorum in Christo offerentis, ad possibilitatem Legis, non procedat argumentum; ita perperam eò protuleris dictum 1 Joh: v, 3. *Mandata ejus non sunt gravia*: Nam licet piis & regenitis, sint Dei præcepta eousque suavia & jucunda, ut cum Paulo *quoad hominem interiore delectentur Lege Dei* Rom: vii, 22. non tamen per id ipsis eximitur *lex membrorum belligerans adversus Legem mentis, & eos captivans Legi peccati*, sub qua idem Apostolus gemebat ibid. 23. Sic & dicuntur qui nati sunt ex Deo *non peccare* 1 Joh: iii, 6.9. non quod nulli subsint peccato, sed quod ejus subdûcti imperio non ambulent secundum carnem, sed usque & usque cum illius reliquiis decertent & colluctentur; quam in ea lucta non ita semper prædominetur Spiritus, quin Caro vel sanctissimos, in aliquam culpam subinde præcipitet.

27. Nec tamen frustra proponuntur nobis Dei Præcepta, etsi nemo omnia quæ mandantur, ἀρετῶς præstare possit: Nam primò Lex considerat hominem, non qualis evasit suâ culpâ, sed qualis deberet permanisse ex officio: Possibilis enim simpliciter fuisset homini integro nec prolapsio in peccatum: Quare ut creditor non excidit suo jure etsi debitor suâ culpâ, quod æs alienum in popinis & lustris decoxerit, non sit amplius solvendo; ita Deus jus habet exigendi ab hominibus quod sibi debent, etsi solvendo non sint. Nemo Jesuita ausit dicere Deum injustè vel tyrannicè agere cum impijs, à quibus exigit obedientiam Legi suæ debitam, & quos
punit

punit ob eam non præstitam, etsi juxta præsentēs quas habent vires non sint illis possibilia Præcepta Legis, nec adsit gratia indebita, quā possibilia fiant. Iplemet Bellarminus agnoscit *lib. 2. de grat. & lib. arb. cap. 4. non posse Deum injustitiæ accusari si non daret omnibus auxilium sufficiens ad salutem; & cap. 6. auxilium Dei necessarium ad conversionem non adesse peccatoribus omnibus momentis*: Non tamen desinunt peccatores obligari ad Legem Dei observandam omnibus momentis, etiam cum non adeſt auxilium sufficiens quo illam impleant: Quare Deus potest semper justè exigere id ad quod præstandum homo semper tenetur, etiam si secundum præsentēs vires, id præstare non possit.

28. Præterea illa ipsa quæ non possunt præstari à fidelibus, ab ipsis tamen exiguntur Dei Lege, ut inde suam miseriam meliùs cognoscant, & ita ad humilitatem formentur, discantq; niti coram Deo non propriā justitiā, multifariā imperfeetā, sed unius Christi satisfactione & obedientiā; & jugi studio & conamine contra proprias infirmitates indefinenter anhelent eam perfectionem quæ demum obtinget in cælo, ubi Ecclesia Sole erit vestita & Lunam habebit sub pedibus suis. Laudatur ipsi Bellarmino *lib. 1. de Verbo Dei cap. 3. hoc dictum Augustini, Utilitas Legis est ut hominem de sua infirmitate convincat, & gratia medicinam quæ in Christo est implorare compellat; epist. 200. Quod si objicias, Hieronymum ipsum adv. Pelag. lib. 1. fateri possibilia Deum præcepisse, quò se expediret ex vehementiori instantia Pelagij, hoc modo expressa; Aut possibilia Deus mandata dedit, aut impossibilia. Si possibilia, in nostra potestate est ea facere si velimus: Si impossibilia, nec in hoc rei sumus si non facimus quod implere non possumus: Respondebo eam præceptorū Dei possibilitatem adstruere Hieronymū, quæ nullo modo faveat Innocentij & Jesuitarum Pelagianismo: Nam præcepta ita facit possibilia in communi & distributive, ut tamen statuatur non esse omnia simul & collectivè possibilia singulis justis & fidelibus: *Hæc possibilia cuncta, inquit, singuli habere non possumus; non imbecillitate nature, qualis videlicet fuit creata, ne calumniam facias Deo, sed animi lassitudine, qui cunctas simul & semper non potest habere virtutes; prout Deus dedit humano generi possibiles omnes artes, quas tamen omnes simul nemo potest callere; cum eloquentissimus Orator de rhetorica & juris scientia disputans dixerit, Pauci unum possunt, utrumq; nemo. Vides ergo quod**

quod Deus possibile jufferit, & tamen id quod possibile est, per naturam nullum posse complere. Dedit itaque præcepta diversa virtutesq; diversas, quas omnes simul habere non possumus.

29. Quamquam nihil fuisset periculi Hieronymo negare absolutè, vel possible esse nunc homini Dei mandata post peccatum, vel eos reatu carere qui non faciunt quod tenentur, etsi id, vitio suo, implere non possint: Quare neq; ipsum Bernardum puduit hanc impossibilitatem rotundo ore profiteri, *serm. 50. in Cant. Nec latuit Præceptorem præcepti pondus hominum excedere vires, sed judicavit utile ex hoc ipsa sua illos insufficientia admoneri & ut scirent sanè ad quem justitia finem nisi viribus oporteret.* Ergo mandando IMPOSSIBILIA non pravificatores homines fecit, sed humiles; ut omne os obstruatur, & subditus fiat omnis mundus Deo, quia ex operibus Legi non justificabitur omnis caro coram illo. Accipientes quippe mandatum & sentientes defectum clamabimus in cælum, & miserebitur nostri Deus; & sciemus in illa die quia non ex operibus justitiæ quæ fecimus nos, sed secundum suam misericordiam salvos nos fecit. Et certè cum ipsi Jesuitæ fateri cogantur ex decreto Concilij Tridentini suprà relato, neminem quantumlibet justificatum posse in tota vita, peccata omnia, etiam venialia, vitare, debent omninò confiteri neminem justum posse semper omnia Dei mandata exsequi & servare; cum hæc duo sint planè æquipollentia & ejusdem significationis, Peccata nulla committere & Præcepta Dei omnia observare.

30. Nec est quod tandem confugiant ad distinctionem peccati mortalis & venialis, ut hoc statuunt conciliabile cum præstatione Legis, illud non: Nam præterea quod illam distinctionem nescit Scriptura, cui *spendium peccati mors* Rom: vi 23. eamque sensu hominorum rejecerunt Johannes Gerson 3. p. *Theol. tract. de Vita Spiritualis anime, lect. 1.* & Jacobus Almain *tract. 3. cap. 20.* & Joannes Episcopus Rossensis in *refut. art. 32. Lutheri*, ut agnoscit Bellarminus lib. 1. de *amiss. grat. & statu pecc. cap. 4.* debent necessariò culpæ quæ veniales dicuntur, vel Legis transgressionibus accenseri, vel dispungi ex censu peccatorum. Et cum variè se fatigent Scholastici circa hanc quæstionem, unde sit desumenda diversitas peccati mortalis & venialis, saniores tamen consentiunt etiam veniale esse contra Præceptum, hoc inter alia argumento, quod urget etiam Puteanus

ex ordine Augustinianorum in 1. 2. q. 88. art. 1. dubit. 3. *Vel peccatum veniale est prohibitum precepto aliquo, vel non; Si secundum, illud nulla ratione erit peccatum in genere moris; Si primum, habetur intentum.* Hæc eò fusiùs fuerunt pro prima Jansenij Propositione disputanda contra Innocentium quò plures pendent ex ea salutare veritates, & Papa usus est atrocioribus verbis in illa proferibenda & condemnanda.

31. Ut ad secundam & quartam simul transeamus, nam eodem spectant, Queritur *An interiori gratiæ in statu naturæ lapsæ nunquam resistatur?* Negat Innocentius in Jesuitarum gratiam, adeo ut per damnationem Propositionis quartæ, nullam videatur gratiam admittere, nisi talem cum Semipelagianis cui possit humana voluntas resistere vel obtemperare. Affirmant Augustinus, Jansenius & Jansenitæ; quos loqui de Gratia Christi medicinali & actuali, extra dubium omne est collocandum: Ideo in quæstione fit mentio *naturæ lapsæ*, ut intelligatur *auxilium quo*, contradistinctè ab *auxilio sine quo non*, quod in statu naturæ integræ, libero arbitrio hominis quadantenus subijciebatur. Ad illam thesim comprobendam, non deducam Adversarios ad absurdum ex suis placitis, quod dum statuunt non resisti unquam Gratia efficaci, ut à sufficienti eam contradistingui volunt, saltem largiuntur, quod alicui gratiæ interiori nunquam resistitur. Non dicam quoque Pontificem definiendo in eo Semipelagianos non fuisse hæreticos, quod talem deum gratiam agnoscerent cui possit humana voluntas resistere vel obtemperare, omnem Christi gratiam medicinalem faciat resistibilem, & ita distinctionem suorum inter gratiam sufficientem & efficacem penitus subruat. Sed veritatis causam agam directè, & Gratiæ medicinalis quæ est in Christo, ex Scripturis & Antiquitate irresistibilitatem sic demonstrabo, ut hærescòs nota, quam Augustino & Jansenio voluit Innocentius inurere, recidat in ipsum & suos Jesuitas.

32. Itaque vel inde liquet gratiam infallibiliter & insuperabiliter agere, quod *de nolente* faciat *volentem*, (ut suo loco ostendimus, ex Augustino agnovisse Clementem VII. P. R. supra p. 1. §. 28.) idest non pendeat ex voluntate, sed in ipsam voluntatem agat & operetur eamque sibi subijciat: Etenim Deus per illam in suis operatur &

velle

velle & perficere Phil: 11, 13. Sic eos trahit, ut currant Cant: 1, 4. Sic allicie Japhetum, ut habitet in tentoriis Semi Gen: 11, 27. Sic invitat ad nuptias, ut compellat intrare Luc: 14, 23. Sic renovat, ut ablato corde lapideo indat carnum Ezech: xxxvi, 26. Sic vocat, ut Dei Legem indat menti suorum & inscribat eorum cordi Jer: xxx 1, 33. Sic docet, ut quicumque per eam audit a Patre & didicit veniat ad Christum Joh: v 1, 45. Sic suadet, ut persuadeat. Quare Augustinus lib. 1. de grat. advers. Pelag. & Celest. cap. 10. ita loquitur de hac gratia; Istam gratiam Pelagius sustinetur, quâ futura gloria magnitudo non solum promittitur, verum etiam creditur & speratur; nec solum revelatur Sapientia, verum etiam & amatur; nec suadet solum omne quod bonum est, verum & persuadetur: Non enim omnium est fides qui audiunt per Scripturas Dominum Regnum Celorum pollicentem, aut omnibus persuadetur, quibus suadetur ut veniant ad eum qui dicit, Venite ad me omnes qui laboratis. Quorum autem sit fides & quibus persuadetur ut ad eum veniant, satis ipse demonstravit, ubi ait, Nemo venit ad me nisi Pater qui me misit traxerit eum. Et paullo post, cum de non credentibus loqueretur, Dixi, inquit, vobis, quia nemo potest venire ad me, nisi fuerit datum à Patre meo. Hanc debes Pelagium gratiam confiteri, (& cum Pelagio hodiernum Innocentius Jesuitarum Pelagianorum Hyperaspistes) si vult non solum vocari, verum etiam esse Christianum.

33. Præterea vel gratia Dei debet determinare voluntatem hominis, ejusque resistantiam omnem superare, & rebelliones omnes curare Hos: 14, 5. vel omnis gratiæ effectus salutaris venit suspendendus ex humana voluntate eam recipiente & admittente: Sed hoc posterius nullo modo statui potest, contra Apostolum dicentem Rom: 11, 16. Non est volentis nec currentis, sed Dei miserationis, & 1 Cor: 14, 7. Quis te discernit? & quid habet quod non acceperis? Et tunc, quod volebant Semipelagiani, initium fidei non gratiæ Dei eam producenti, sed voluntati hominis, gratiam, quam potuisset rejicere, admittenti, veniet adscribendum; dixerit licet Jeremias xxx 1, 18. & Thren: v, 21. *Converte nos & convertemur.* Sed præsertim cum omnis gratia medicinalis fluat ex Dei Prædestinatione gratuita, quæ inde non tantum Augustino, sed etiam Lombardo, ut aliis reulimus, definitur *gratia preparatio*, debet necessariò infallibiliter & insuperabiliter operari; siquidem frustrari nequit Dei Consilium, &

ipsomet Bellarmino fatente lib. 2. de grat. & lib. arb. cap. 9. *infallibilia media sunt quibus Electi in vitam diriguntur aeternam.*

34. Quid quod eam Deus exerit efficaciam in hac sua gratia, quâ pro efficacia fortis roboris sui Eph: 1, 19. opus fidei in nobis potenter complet 2 Thess: 1, 11. & divinâ suâ vi omnia nobis donat qua ad vitam & pietatem pertinent 2 Pet: 1, 3. Ad hanc autem efficacissimam & potentissimam Dei Gratiam convertentem, hominem se habere merè passivè & obedientialiter, vel inde liquet quod peccatoris conversio, Creatio, Regeneratio, à mortuis suscitatio, vivificatio, potens insitio, dicitur in Scripturis. Quod si efficacia gratiæ à voluntate humana eam admittente vel respuente penderet, sanè plus esset in conversione peccatoris tribuendum hominis arbitrio quam ipsi Deo; & hominem suæ fortunæ & salutis æternæ fabricum oporteret statuere. Nec difficile erit hanc gratiæ medicinalis efficaciam perpetuam, ex Antiquitate quoque & testimoniis eorum quos Roma Catholicos negare nequit, præter Augustinum, comprobare. Nam primò id fuit discriminis inter Orthodoxos & Pelagianos quod hi voluntati Gratiam, illi Gratiam voluntatem subjicerent. Quare in Concilio Chartaginensi omnium Afrorum, quod Milevitanum vulgò dicitur can. 4. anathemate percelluntur Pelagiani statuentes per Gratiam Dei scire nos quid facere debeamus, *non autem per illam nobis præstari ut quod faciendum cognoverimus, etiam facere diligamus atque valeamus*: Si autem Dei gratia imprimit voluntati dilectionem boni, necesse est ut in eam agat irresistibiliter.

35. Ita quoque in Concilio Arausicano 11. adversus Pelagij reliquias celebrato, definitur can. 3. ipsam gratiam facere ut Deus invocetur à nobis; & can. 4. non voluntatem nostram Deum expectare ut à peccato purgemur, sed per Sancti Spiritus infusionem & operationem in nos fieri ut purgari velimus; & can. 5. inspirationem Spiritus Sancti corrigere voluntatem nostram ab infidelitate ad fidem, ab impietate ad pietatem; & can. 6. per eandem ut credamus & velimus in nobis fieri; & can. 7. eandem dari omnibus piis, suavitatem in consentiendo & credendo veritati; & can. 9. Divini esse muneris cum rectè cogitamus; & can. 20. nulla fieri ab homine bona, qua non Deus præstet ut faciat homo; & can. 23. quando homines ita faciunt quod volunt ut divina serviant voluntati, quamvis volentes

agunt

agunt quod agunt, illius tamen voluntatem esse à quo & prapatur & jubetur quod volunt. Hæc autem omnia satis ostendunt non determinari Gratiam à voluntate hominis, sed hominis voluntatem flecti & determinari à Gratia; quod dicere, est Gratiæ perpetuam efficaciam & irrefistibilitatem adstruere.

36. Plura eodem spectantia possunt proferri ex *Epistola Synodica* Episcoporum Afrorum in Sardinia exulum, quam ipse Jesuita Sirmondus in lucem emisit cum libris tribus Fulgentij *de Veritate Prædestinationis & Gratiæ*. Hoc in homine, inquiunt, agit gratia divinitus data ut animus dono fidei caritatisq; percepto, & sermonem bonum proferat, & studio bona operationis insistas. Item, Neceffe est ut (Gratia) ab eis quibus non tribuitur ignoretur, & ab eis agnoscat, quibus divina largitate donatur. Item, Iubet Deus homini ut velit, sed Dominus in homine operatur & velle; jubet ut faciat, sed operatur & facere. B. Fulgentius similiter lib. 1. de Verit. Prædestinationis statuit, ipsius gratiæ opus esse in homine ut gratia suscipiatur ab homine, quæ non ad aliud divinitus datur nisi ut bonam voluntatem in homine primitus operetur; Et paullo post; Ista (inquit) gratia quam Deus vasis misericordia gratis donat, ab illuminatione cordis incipit, & hominis voluntatem non bonam invenit ipsa sed facit: atque ut eligatur ipsa prius eligit; neq; suscipitur aut diligitur, nisi hoc ipsa in corde hominis operetur. Ergo & susceptio & desiderium gratiæ, opus ipsius est gratiæ. Item, Hoc igitur agit gratia Dei per Dominum nostrum Iesum Christum, ut ex insipientibus sapientes faciat, infidelibus fidem tribuat, errantes ad vitam non solum vocet, sed etiam à pravis desideriis revocet. Item lib. 2. Deo non placemus nisi velimus, sed ab ipso nobis tribuitur ut velimus: à quo nisi voluntas hominis mutetur ut bona sit, aut semper appetit malum, aut nunquam bene appetit bonum.

37. Hanc eandem efficaciam Gratiæ agnoscit ipse Bellarminus lib. 1. de grat. & lib. arb. cap. 12. iisque verbis quæ nullam exceptionem patiuntur; Verba illa Domini Ioh: 6. Omnium qui audivit à Patre & didicit venit ad me, satis perspicue docent, in quo sita sit efficacia Gratiæ; Illi enim infallibiliter veniunt ad fidem Christi, sive per fidem ad Christum, qui Patrem cœlestem habent Doctorem &c. Vide Augustinum tractantem hunc locum lib. de Prædest. Sanctorum cap. 8. Alium locum est 1 Cor: 4. Quis enim te discernis? quid habes quod non accepisti; &c. Nam si vera esset opinio isto-

rum, qui gratiam efficacem constituunt in assensu & cooperatione humanæ voluntatis, adeoq; illam resistibilem faciunt, *fidelem ab infideli planè discerneret liberum arbitrium*: Nam duo sint qui eundem concionatorem audiant & eandem inveniunt inspirationem habeant, & unus credat aliter non credat, nonne dicere poteris is qui credidit, se discerni ab infideli per liberum arbitrium, quia ipse inspirationem acceperit, quam aliter rejecit? Nonne gloriari poteris contra infidelem quod ipse Dei gratia cooperatus sit, quam ipse contempsit? Et tamen Apostolus hoc omnino prohibet, & ideo non solum posse credere, sed etiam ipsum credere dicit esse donum Dei Phil: 1. & Deum operari in nobis, non solum ut possimus velle, sed etiam ut velimus Phil: 2.

38. Denique hac opinio, scilicet Molinæ quæ hodie canonizatur à Papa, evertit omnino (inquit ibid. Bellarminus) fundamentum Prædestinationis Divinæ, quam S. Augustinus ex divinis literis solidissimè comprobavit: Inde enim pendet certitudo, atq; infallibilitas Prædestinationis, quod Electis Deus efficacem gratiam præparavit; Quos enim prædestinavit, hos vocavit, vocatione illâ, ut Augustinus monet in lib. de corrept. & grat. cap. 7. quæ est secundum propositum, de qua dictum est, Omnia cooperantur in bonum his qui secundum propositum vocati sunt sancti. Quos autem vocavit secundum propositum, hos justificavit, justificatione videlicet secundum propositum (nec reverà alia datur) quæ adjunctam habet Perseverantiam usq; ad finem. Quod si vocatio efficax non penderet à proposito Dei, sed ab humana voluntate, gratiam admittente quam respuere poterat, nullus locus Prædestinationi relinqueretur, sed tantum Præscientiæ, (imò neque huic, cum nequidem præsciri possit an gratiam voluntas sit admissura, vel rejectura, si manet indifferens ad utrumque, & agit independenter à Deo.) neque Apostolus dixisset, Vt secundum Electionem propositum Dei maneret, non ex operibus, sed ex vocante, dictum est ei quia major serviet minori, sicut scriptum est, Iacob dilexi, Esau odio habui Rom. 9.

39. Dices, restituisse Judæos Christo vocanti Matt: xxiii, 37. ipsiq; Spiritui Sancto Act: vii, 51. & frustratum fuisse Deum fructus ex ista vinea expectantem, in qua excolenda nihil omiserat Es: v, 4. Sed quæ sunt gratiæ extrinsecus oblatæ, quod spectant hæc testimonia, non debent extendi ad gratiam interiorem, non solum illuminantem theoreticè, sed practicè persuadentem; Nam de hac loqui Janseñium & Janseñitas, imò hanc solam Gratiam interioris nomine ab ipsi

ab ipsis insigniri, est certissimum. Nec ideo non agit irresistibiliter quod multi ex infirmitate carnis non illic obsequantur internis inspirationibus Gratiae & Spiritus Sancti: nam satis est ad illius irresistibilitatem, quod nequeat homo impedire quo minus illę suggestiones & inspirationes in mente sua per Gratiā Dei salutarem excitentur, sic ut illę non pendeant ex voluntatis suę cooperatione & consensu. Et sic possumus plus boni facere quam facimus, quatenus illa Gratia quā sumus donati ad plura potest extendi, in iis qui nec sine illa eam student ἀναζωοποιεῖν 2 Tim: 1, 6. ut tamen nec absolute in hac via possimus esse absque peccato, & nonnisi per illam & ex illa fiat quicquid boni facimus vel cogitamus 2 Cor: 11, 5.

40. Dices item Pontificem forte non censere quod omni gratiæ interiori resisti possit, sic ut eam vel admittere vel respuere sit arbitrij humani, sed tantum, quod detur etiam quādam gratia interior inefficax, & cui resistitur, adeoque admittendam distinctionem inter gratiam *Sufficientem* & semper resistibilem & *Efficacem* cui nunquam resistitur; Sed qui non vult pro hæresi haberi sententiam Semipelagianorum, non aliam agnoscendum gratiam, nisi *talem cui posset humana voluntas resistere vel obtemperare*, ac si hoc non fuerit damnatum in Semipelagianis, contra quam visum suprā ex Concilio Arausicano 11. sed tantum quod fidei initium sibi non gratiæ adscriberent, is proculdubio vult cum Molina statuere, resisti posse omni gratiæ interiori, eamque suam efficacitatem ex consensu & admissione voluntatis consequi. Tum gratiæ sufficientis chimæra, quam Semipelagianorum esse inventum fuisse docuit Jansenius, huc trahi non potest. Nam si Innocentius aliquam gratiam interiorē facit resistibilem per voluntatis dissensum, debet eandem agnoscere admissibilem per ultroneum consensum voluntatis: At prætenſa Gratia Sufficiens nunquam est admissibilis per liberum arbitrium, cum nullum effectum possit habere salutarem nisi ei superaddatur auxilium efficax quo fiat ut velimus, & eo ipso revera insufficientis dici debet. Adeoque non potest Gratia Sufficiens contradistincte ab Efficaci, hęc à Pontifice intelligi; siquidem illi quamdiu sola manet, nihil aliud possit quam resisti ab humana voluntate, ut revera in confesso est apud prudentiores, neminem unquam per
illam

illam solam vel antea conversum fuisse, vel postea conversum iri, nec alio fine proponi à suis Patronis, quam ad Dei iustitiam tuendam in puniendis improbis, quamvis illi sufficienter aliunde prospici possit, cum ipse Bellarminus fateatur &umat probandum *cap. 4. lib. 2. de grat. & lib. arb. non posse Deum iniustitia accusari etsi non daret omnibus auxilium sufficiens ad salutem.*

41. Nec revera Gratia medicinalis ordinatur à Deo ad peccatorum inexcusabilitatem, sed ad eorum salutem, quam nisi de facto operetur, aut divina scientia fallitur, aut voluntas divina mutatur, aut divina virtus adversitate (id est resistentiâ) qualibet superatur, ut loquitur Fulgentius *lib. 3. de Verit. Prædest.* Quorum tamen neutrum statui potest, sicut nullus potest ejus vincere voluntatem, ut idem loquitur; quia, ut est in Psalmo, *quacunq; voluit fecit.* Mitto quæ in imaginariam illam Gratiam sufficientem, quam insuper universalissimam faciunt, possent ulterius dici, si de ea foret nunc disputandum. Repugnat ea Sacræ Scripturæ, quæ testatur nec fidem omnium esse 2 Thess: 111, 2. nec omnibus datum nosse mysteria regni cælorum Matt: x1, 25. x111, 11. & spirare Dei Spiritum ubi vult Joh: 111, 8. Repugnat antiquitati Catholicæ, quæ contra Pelagium & Pelagij reliquias constanter asserit *gratiam Dei non omnibus dari*, apud Augustinum *epist. 107.* & Fulgentium non semel *lib. 1. de Verit. Prædest.* imò *de gratia non dignè sentire quisquis putat eam omnibus hominibus dari*, in *Epist. Synod. Afr. Episc. in Sardinia exulum.* Repugnat ipsimet essentiæ Gratiæ, quæ si fuerit universalis, & singulis debita ex ordine Justitiæ Divinæ, ut volunt Jesuitæ, eo ipso Gratia esse desinet; Nam Gratia debet imitari naturam Privilegij, quod si universale vel debitum fuerit, non amplius Privilegium erit.

42. Sed cum Innocentius ex professo hoc monstrum non adoptet, etsi in ejus & liberi arbitrij gratiam, irresistibilitatem & efficaciam Gratiæ interioris duplici censurâ notaverit, ab illo ulcere manum abstinere, transiturus ad tertiam quæstionem; *An ad benè & laudabiliter, vel malè & culpabiùter, agendum in statu naturæ lapsæ, requiratur in homine libertas à necessitate, nec sufficiat libertas à coactione?* Abstineo in statu quæstionis formando à vo-

cibus merendi & demerendi, quæ occurrunt in Propositione Janſeniana quam rejicit Innocentius, cùm agnoscam meritum pœnæ quod demeritum appellant in omni peccato, negem præmij meritum propriè dictum in ullo bono opere nostro, quod Deus non nostra merita sed sua dona, & non ex operum nostrorum dignitate, sed ex paterna sua dignatione, velit coronare. Sed cùm hæc controversia de bonorum operum meritis aliò spectet, præstat lubricam voculam missam facere, & præsentem quæstionem ad illas quas proposui lineas revocare. In qua perperam ac vitiosè affirmativam suam facit Innocentius cum Jesuitis, obſtante Scripturâ, Ratione, ac Catholica Antiquitate; quod paucis demonstrandum.

43. Scripturam quod attinet, ea mille in locis impotentiam bene agendi tribuit homini irrogenito, gratiâ Christi & fide in ipsum destituto. Ita Jerem: xi i 1, 23. *An mutare potest æthiopi cutem suam, aut pardus liventes maculas suas? etiam vos possetis bene facere edocli malefacere.* Ita Christus Matt: vii, 18. *Non potest arbor bona fructus malos ferre, neq; arbor mala fructum bonos.* Ita idem Joh: xv, 5. *Sine me, vel seorsim à me, nihil potestis facere.* Ita Paulus Rom: viii, 7. *Quod sapit caro inimicitia est adversus Deum, Legi enim Dei non subjicitur, nam ne potest quidem.* Et Rom: xiv, 23. *Quicquid sit sine fide peccatum est.* Et Heb: xi, 6. *Absque fide impossibile est placere Deo; & i Cor: ii, 14. Animalis homo non est capax eorum qua sunt Spiritus Dei; sunt enim ei stultiitia, neq; ea potest cognoscere, quia spiritualiter judicantur; & 2 Cor: iii, 5. Non idonei sumus per nos ipsos ad cogitandum quicquam velut ex nobis ipsis.* Jam autem agnoscunt pueri ex parvis logicalibus id necesse esse fieri, quod non fieri impossibile est: quapropter tam necesse est hominem irrogenitum peccare ac demereri, quam impossibile est eum boni quicquam agere fide salvificâ & Christi gratiâ destitutum: quod hæc testimonia probant evidenter. Imò Cornelius à Lapide agnoscit ex dicto Pauli Rom: xiv, 23. esse qui colligant omnia omnium infidelium opera esse peccata; & admittunt, inquit, illationem hanc nonnulli Doctores Scholastici, ut Gregorium Ariminensis, Capreolus, Catharinus.

44. Si quis occulto Dei judicio excæcatus sit & induratus, nihil aliud poterit quam peccare: & tamdiu necesse est eum peccare, quamdiu in eo statu excæcationis & indurationis remanserit. Et

qui possunt adversarii impossibile statuere ulli, etiam justificato, carere omni peccato in hac vita, ut suo loco visum est, quin aliquam peccandi ac demerendi necessitatem, sic agnoscant incumbere homini in statu naturæ lapsæ, ut necdum penitus ab ea ipsi iusti & sancti in hac vita sint liberati? Ipsa quoque efficax Irresistibilitas Gratiæ quam antea demonstravimus, necessariam facit conversionem peccatoris, licet summopere voluntariam, siquidem ex nolentibus reddit volentes. Et cum Scriptura opponit τὸ ἐκυσίον, id est spontaneum & liberum, τῇ ἀναγκῇ, ut Philem: 14. 1 Pet: v, 2. non alia necessitas intelligitur quam coactionis: juxta ipsam V.V. quæ apud Petrum τὸ μὴ ἀναγκασθῆναι ἀλλ' ἐκυσίως reddit, *non coactè sed spontaneè*; nec aliud sonat locus 1 Cor: vi 1, 37. Taceo plures necessitatis species conciliabiles cum libertate arbitrij; Talis est necessitas officij præstandi; necessitas futuritionis & infallibilitatis eventus, sive hypothetica ex Decreto & præscientia Dei; necessitas existentia, ex illo axioma Metaphysicorum, *Quicquid est dum est necesse est ut sit*; necessitas operationis humanæ, quatenus & voluntas necessariò sequitur judicium ultimum rationis practicæ, ut ipse-met agnoscit Bellarminus lib. 3. de grat. & lib. arb. cap. 8. & necessariò vult tantum quod bonum est, sive θεῶς-ικῶς sive ἀλλοθῶς, & juxta Castanæum in *distinct. ad vocem Necessitas*, *necessariò expetit summum bonum, nec potest illud respuere*. Sufficit quod potest dari necessitas generica ad bonum vel ad malum, in agente aliàs valde libero, quam respectu Dei necessitatem naturæ, sed quoad Creaturas necessitatem *status* possumus appellare.

45. Ita enim Deus agens liberrimum, necessariò tamen id tantum agit quod bonum est, nec potest mentiri vel seipsum abnegare: Ac ut præteream Angelos extra peccandi periculum jam constitutos, liberrimam Deo præstare obedientiam, ad cujus imitationem invitamur in Dei Verbo, ipsosque cœlites consecratos qui ita necessariò diligunt Deum, ut tamen liberrimo voluntatis motu in ipsum ferantur; certum est Christum in his terris impeccabilem fuisse; quod ultro fatentur Jesuitæ, ut videre est apud Becanum cap. 13. de Incarn. quæst. 2. in eo paulò pudentiorem Episcopo Remonstrantium primipilo qui id negat; Christus tamen liberrimè obedit

obedivit Deo, & nobis suâ obedientiâ meruit vitam æternam. Et cum *ibidem* statuatur Becanus quod *libertas arbitrij non necessariò requiratur facultatem peccandi*, quia *libertas peccandi non pertinet ad perfectionem*, sed ad defectum, dubium non est quin sicut cum libertate arbitrij potuit in Christo consistere peccandi impossibilitas ac necessitas servandi omnia Præcepta sibi imposita, ita possit consistere in verè regentis, saltem in sensu composito, quædam necessitas non peccandi, peccato regnante aut impœnitentiæ finalis & quod esset ad mortem 1 Joh: 111, 9. & in Satana, qui quoties loquitur mendacium *ex propriis* loquitur Joh: 111, 44. atque in reprobis in quibus operatur cum efficacia, necessitas peccandi, non quidem specifica & ad unum, qualis est naturaliter neque *ex propriis* agentium, sed generica, qualem propugnant Jansenitz, cum ea libertate quæ essentialis est libero arbitrio.

46. Tùm quod Latinis in eo genere *liberum* dicitur, Græcis *ἐκ φύσεως* appellatur: Hoc verò denotat spontaneum motum agentis rationalis, ad id quod lubet sese ultrò applicantis: Et cum in belluis sit imago quædam liberi arbitrij, agnoscente Bellarmino *lib. 3. de grat. & lib. arb. cap. 15.* debet hoc in spontaneitate & incoactione ex prozresi consistere, ut in earum spontaneitate *ἐξ ὁππότε*, sita est illarum *libertas naturalis*, uti dicitur Justiniano *Inst. de rer. divis. §. 12.* Non meretur quidem laudem vel vituperium, quod sit necessariò, vel necessitate coactionis, vel necessitate naturali, quâ res ad unum specificè ex intrinseca sua constitutione est determinata; ut cum aqua tendit deorsum, aut ignis urit; Sed id laude aut vituperio dignum est quod ita sit necessariò ex voluntatis constantia in bono vel malo, ut tamen fiat voluntariè & cum animi lubentia: siquidem ipso Bellarmino judice *lib. 3. de grat. & lib. arbit. cap. 5.* cum Pius v. & Gregorius xiii. has propositiones damnarunt, *Quod voluntariè sit etiamsi necessariò fiat, liberè tamen sit; Et, Sola violentia repugnat libertati hominis naturali*, Pontifices illi non voluerunt docere id quod voluntariè sed necessariò sit, nullo modo liberè fieri. Quibus verbis agnoscit Bellarminus, posse aliquid fieri *necessariò* certo sensu, quod tamen sit reverâ voluntariè & liberè. An vero ad merendum & demerendum in Schola Pontificia major libertas requiri possit eâ quâ actus *fit voluntariè, viderint eruditi.*

47. Si Antiquitas consulatur ea tota nostra est. Mitto Augustinum, qui non suspectus modò, sed hæreticus & blasphemus est Molinistis: Sed vel ex Hieronymo ad Ctesiph. constat, hoc ipsum quod definit Innocentius sibi voluisse Pelagianos: Hæc enim ibi erat eorum Objectio. Si nihil ago absq; Dei auxilio, & per singula opera, ejus est omne quod gesserò, ergo non ego qui laboro sed Dei in me coronabitur auxilium, frustra que dedit arbitrij potestatem quam implere non possum, nisi ipse me semper adjuverit: Destruitur enim voluntas qua alterius ope indiget. Sed liberum dedit arbitrium Deus, quod aliter liberum non erit, nisi fecero quod voluero; Ac per hoc ait, Aut utor semel potestate que mihi data est, ut liberum servetur arbitrium, aut si alterius ope egeo, libertas arbitrij in me destruetur; Qui hæc dicit quam non excedis blasphemiam; qua hæreticorum venena non superat? Cùm in Concilio Arausicano 11. contra reliquias Pelagij hic canon. 22. conditus fuit, Nemo habet de suo nisi mendacium & peccatum, adstructa est necessitas peccandi in singulis, donec veritatem atq; justitiam consequantur ab illo fonte Gratia, quem debemus finire in hac eremo, ut ex eo quasi guttis irrorati non deficiamus in via.

48. Sic in Epistola Synodica Afr. exul. in Sard. quam jam ante laudavi, ita legimus: Ipsa gratia nullatenus agnoscitur, nisi detur; quamdiu non est in homine, tamdiu NECESSSE est ut ei aut sermone repugnet aut opere: Nam sermone repugnat gratia, qui sensum gerit fidei Christianæ contrarium; repugnat autem opere, qui in moribus suis Christianæ vitæ non tenet institutum; Ee paullo post NECESSSE est ut ab eò quibus non tribuitur ignoretur; (ut sit hodie ab Innocentio & Jesuitis;) & ab eis agnoscat quibus divinâ largitate donatur. Omnes genuini B. Augustini discipuli, agnoscunt cum Augustino, juxta Scripturam Joh: vii, 34. Rom: vi, 20. 2 Pet: ii, 19. arbitrium humanum servum esse peccati donec à Christo liberetur: Ita enim loquitur B. Fulgentius lib. 1. de Verit. Prædest. Peccans homo totam in se peccato subdidit progeniem quando delinquendo veram perdidit libertatem; à quo enim quis devictus est, ei servus additus est; & omnù qui facit peccatum, servus est peccati. Quis autem dubitet necessitatem peccandi hanc servitutem peccati inferre, ut necessitatem parendi insert servitus civilis? Nec ideo tamen minus liberè & ultrò peccat, qui huic servituti mancipatus est. Liberaliter enim servit, qui Domini sui voluntatem libenter facit; ac per

ac per hoc ad peccandum liber est, qui peccati servus est, unde ad justè sciendum liber non erit, nisi à peccato liberatus esse justitia cæperit servus, inquit Augustinus *Enchir. cap. 30.*

49. Bernardus tractatum scripsit de grat. & lib. arb. in quo variè adstruit hanc ipsam doctrinam; Nam triplicem facit libertatem; à necessitate quam vocat naturā; à servitute, quam dicit gratiā; à miseria quam appellat gloria: Sed juxta ipsum illa libertas à necessitate, nihil aliud est quam libertas incoactionis: Nam in eo, inquit, consensus voluntarius est liber, quod non cogitur, non extorquetur: Est quippe voluntariū, non necessitati; Nec negat se, nec prabet cuiquam nisi ex voluntate: Alioqui si compelli valet invitus, violentus est non voluntarius: Vbi autem voluntas non est, nec consensus; non enim est consensus nisi voluntarius: Vbi ergo consensus, ibi voluntas: porro ubi voluntas, ibi libertas. Adhuc juxta eundem libertas à necessitate aequè & indifferenter Deo, universaq; tam mala quam bona rationali convenit Creatura. Nec peccato, nec miseriā amittitur vel minuitur; nec major injusto est quam in peccatore, nec plenior in Angelo quam in homine: Quomodo namq; ad bonum conversus per gratiam, humana voluntati consensus, eò liberè bonum, & in bono liberum hominem facit quò voluntarius efficitur non INVITVS pertrahitur; sic SPONTE devolutus in malum, in malo nihilominus TAM LIBERVM QVAM SPONTANEVM constituit, sua utique voluntate ductum, non aliunde COACTVM ut malus sit. Et sicut cælestis Angelus aut etiam Deus ipse permanet liberè bonus, propriā videlicet voluntate non aliqua extrinsecā necessitate, sic profecto Diabolus aequè liberè in malum & corrui & persistit, suo utique voluntario nutu, non alieno impulsu.

50. Quis in his non videt libertatem naturæ quam Bernardus vindicat arbitrio, non aliam esse quam libertatem spontaneitatis & incoactionis? Sed ulteriùs pergit in necessitate peccandi, cum illa libertate naturæ conjungenda. Cecidit solā voluntate homo in foveam peccati, sed non ex voluntate sufficit & posse resurgere; cum jam etsi velit, non possit non peccare. Quid ergo? periit liberum arbitrium quoniam non potest non peccare? Nequaquam, sed liberum perdidit consilium per quod prius habebat posse non peccare; Et postea: Nemo proinde putet ideo dictum liberum arbitrium, quod æquis inter bonum & malum potestate aut facultate versatur: cum cadere per se quidem potuerit, non autem resurgere nisi per Domini

Spiritum. Alioquin, nec Deus nec Angeli sancti, cum ita sint boni, ut non possint esse & mali, nec pravaricatores item Angeli, cum ita sint mali ut non valeant esse boni, liberi esse dicerentur. Sed & non illud post resurrectionem amissuri sumus, quando utique inseparabiliter alij bonis, alij malis permixti fuerimus. Ceterum nec Deus caret libero arbitrio, nec Diabolus, quoniam quod ille esse non potest malus non infirma facit necessitas, sed firma in bono voluntas, & voluntaria infirmitas: quodque is non valet in bonum respirare, non aliena facit VIOLENTA oppressio, sed sua ipsius in malo obstinata voluntas, & voluntaria obstinatio. Ecquid quæso magis expressè dici potest ad comprobandum necessitatem quandam bonè vel malè agendi in agente voluntario, nihil delibare de libertate arbitrij, sed solum violentiam & coactionem?

51. Hanc verò fuisse constantem mentem Bernardi patet ex alijs ejus verbis quæ extant *Serm. 81. in Cant.* Quod surgere anima per se jam non potest, quæ per se cadere potuit, voluntas in causa est, quæ corrupti corporis vitiatu ac vitioso amore languescens & jacens, amorem pauperum justitiæ non admittit. Ita nescio quo pravo & miro modo, ipsa sibi voluntas peccato quidem in deterius mutata, NECESSITATEM facit, ut nec necessitas cum voluntaria sit excusare valeat voluntatem, nec voluntas cum sit illecta excludere necessitatem. Est enim necessitas hæc quodammodo voluntaria. Est favorabilis vis quadam premendo blondiens, & blandiendo premens, unde sese rea voluntas, ubi semel peccato consenserit, nec excutere jam per se, nec excusare tamen ullatenus de ratione queat. Inde querula illa vox veluti gementis, sub onere necessitatis hujus, Domine, inquit, vim patior, responde pro me. Sed rursus sciens quod non justè causaretur adversus Dominum cum voluntas sua potius in causa foret, attende quid secutus intuleris; Quid dicam, aut quid respondebit mihi cum ipse fecerim. Premebar jugo, non alio tamen quam voluntaria cujusdam servitutis, & erat pro servitute quidem miserabilis, sed pro voluntate inexcusabilis.

52. Nec Lombardus Magister sententiarum, qui paullò post Bernardum floruit, aliter sentit aut loquitur: Nam *Dist. 25. lib. 2. lit. E.* Liberum, inquit, videtur dici arbitrium quia sine coactione & necessitate (quæ duo illi synonymia sunt) valet appetere vel eligere quod ex ratione decreverit. Et *lit. F.* Prima libertas arbitrij fuit in qua poterat peccare & non peccare. Ultima erit in qua poterit non peccare, & non poterit peccare;

peccare; Media in qua potest peccare & non potest non peccare. Et lit. G. Post peccatum ante reparationem Gratia premittitur à concupiscentia & vincitur, & habet infirmitatem in malo, sed non habet Gratiā in bono: Ideo potest peccare & non potest non peccare etiam damnabiliter. Et lit. H. Liberum arbitrium dicit Augustinus hominem amisisse, non quia post peccatum non habuerit liberum arbitrium, sed quia libertatem arbitrij perdidit, non quidem omnem, sed libertatem à miseria & peccato. Est namque (ut subjicit lit. I.) libertas triplex, scilicet à necessitate, à peccato, à miseria. A necessitate & ante peccatum & post, aequè liberum est arbitrium; Sicut enim tunc COGI non poterat, ita nec modò. Ideoq; voluntas meriti apud Deum judicatur quæ semper à Necessitate libera est, & nunquam cogi potest: Vbi necessitas, (scilicet coactionis) ibi non est libertas nec voluntas, & ideo nec meritum. Igitur nec in modo loquendi, ut vellet Bellarminus lib. 3. de grat. & lib. arb. cap. 4. nec in rei veritate recessit Alphonsus à Castro à veriori & communi Antiquitatis sententia, cum dixit lib. 9. contra Har. ad voc. Libertas; Est libertas qua opponitur necessitati, vel ut verius dicam coactioni. Et nihil unquam poterit objici pro definitione hac Papali contra Jansenitas, quod ex iis quæ annotavimus statim refutari non possit.

53. Superest igitur ultima quæstio, *An Christus pro omnibus omninò hominibus, an vero pro salute duntaxat Electorum mortuus sit?* Posterius asserit Janfenius cum Augustino, prius Innocentius cum Cœlestio & Fausto, in Molinismi gratiam. Tanti autem est hæc Quæstio, ut ex illius decisione pendeat tota contextura doctrinæ Paulinæ & Augustinianæ de Gratia & Prædestinatione. In ea verò decidenda adversari Innocentium non tantum Augustino, sed toti Scripturæ & Antiquitati Orthodoxæ, haud difficile erit demonstrare. Scripturam si audias, ea passim restringit mortem & satisfactionem Christi ad filios Dei Joh: xi, 52. *populum Christi* Matt: i, 21. *ovēs ipsius* Joh: x, i, 1. *ejus amicos* Joh: xv, 13. *ecclesiam* Act: xx, 28. & *corpus* Eph: v, 23. Hinc *mundum* & reprobos formaliter excludit à sua intercessione Joh: xv i, 9. ut nullo jure possit ejus mors & satisfactio ad illos extendi quos *ex nobis* esse negatur i Joh: ii, 19.

54. Nec sanè Christus mortem pro aliis appetiit quam pro iis quos sibi Pater dederat redimendos & servandos: Sed neminem ex illis

illis perire, est certissimum ex Scriptura Joh: x. 27. 28. xvii, 6. Et si quis perit filius fuit perditionis Joh: xvi, 12. adeoq; nec Christo datus servandus & redimendus. Nam particulam exceptivam nisi quæ hoc loco occurrit, sæpè sumi pro adversativa sed, ipse Emanuel Sà Jesuita annotat in indice phrasium Scriptura ex Matt: xii, 39. Joh: v, 19. 1 Cor: vii, 17. ut verè hic illud Boethij obrineat, *Qui cecidit stabili non erat ille gradu*. Pereunt quidem multi qui *δοξαστῶς* professione & Sacramento tenus, videbantur redempti à Christo & sanctificati ejus sanguine Heb: x, 29. 2 Pet: i, 2. Sed *revera* nunquam ipsius fuerunt; Siquidem nemo perit eorum qui credunt in ipsum & nullum ex ipsius ossibus frangi potest; *Dona & vocatio Dei sunt αἰματέριον* Rom: xi, 29. Impossibile est, inquit Origenes ipse in *10-tem. hom.* 1. quod semel vivificavit Deus ab eodem ipso vel ab alio occidi. N-itur quod dico armillâ aureâ Pauli Rom: viii, 30. de qua ita habet Augustinus de *Prædest. Sanctorum* cap. 17. Quos Prædestinavit ipsos & vocavit, illâ scilicet vocatione secundum propositum. Non ergo alios, sed quos prædestinavit ipsos & vocavit; nec alios, sed quos ita vocavit, ipsos & justificavit; nec alios sed quos prædestinavit, vocavit, justificavit, ipsos & glorificavit, illo utique fine qui non habet finem. Nec dubium quin eorum pro quibus Christus mortuus est, vices & personas sustinuerit in cruce, eos Deo Patri reconciliaturus, & pœnas luiturus quæ ipso- rum peccatis debebantur, ut liquet ex 2 Cor: v, 19. Ut non imme- ritò dicat Apostolus 2 Cor: v, 15. quod si unus pro omnibus mortuus est, omnes igitur mortui sunt; id est, censentur apud Deum mortem in Christo & pœnam peccatis suis debitam sustinuisse, adeoque in suo vade & capite satisfecisse plenè justitiæ divinæ, omnes illi pro quibus Christus mortuus est. Aut igitur Deus debet ejusdem debiti dupli- cem per solutionem exigere, contra id quod lumen naturale dicat Jurisconsultis, *Bona fides non patitur ut bñ idem exigatur ff. de R. l. 1. 57.* repetendo scilicet iterum ab impiis pœnas suorum peccatorum quas jam dicuntur luisse in Christo, aut pro iis non est credendus Christus satisfecisse & stetisse in cruce qui personaliter in æternum puniuntur.

55. Cùm Christus patiebatur pro nobis, multi jam apud inferos luebant pœnas æternas suorum scelerum. Quis vero sanæ mentis sibi persuaserit etiam eorum nomine Christum passum fuisse, atque
pœnas

pœnas illis debitas; omnino frustra & citra ullum eorum commo-
dum possibile in se recepisse? Aut quis putabit Christum sangui-
nem suum pro aliis fuisse, quam pro iis qui erant vocandi secun-
dum propositum, & quibus fidem impetravit & gratiam efficacem
ac donum perseverantiæ, sive ut loquar cum Apostolo 2 Pet: 1, 3.
*omnia qua pertinent ad vitam & pietatem, sine quibus salus obtineri
non potest?* Si hæc omnia impetravit omnibus & singulis, qui sit
quod omnes & singuli fidem, gratiam, perseverantiam, quæ ipsis de-
bentur ex impetratione Christi, non consequuntur in tempore? Imò
si Christus destinatus est divinitus in omnium & singulorum redem-
ptionem, qui sit quod nec gratia nec *fides est omnium* 2 Thess: 111, 2.
sed illi solum credunt, quomodo credendum est, qui *sunt ordinati ad vi-
tam æternam* Act: x11 1, 49. unde *fides electorum* appellatur Tit: 1, 1 &
*De gratia non dignè sentit, quisquis eam putat omnibus hominibus dari, cum
non solum non omnium sit fides, sed adhuc nonnulla gentes inveniantur ad
quas fidei prædicatio non pervenit, inquit Episcopi Africani in Epist. sua
Synod. ex Sard. scripta pag. 8.* Adde quod illi qui vocantur extrinsecè
ad fidem præconio Euangelij, nec tenentur credere universaliter
Christum pro omnibus & singulis esse mortuum; id enim non le-
gitur in Scriptura; nec tenentur simpliciter & absolutè credere
Christum pro seipso esse mortuum, sed tantum conditionaliter, si
ex animo respuerint, & verà fiduciā in Christi morte & merito ac-
quieverint: Ab auditoribus Euangelij exigitur fides, ut habet ratio-
nem virtutis Theologicæ & assensus adhibendi omni revelationi
divinæ; Sed fides ut justificans, quā quis credit Christum nomina-
tim pro se mortuum & ejus satisfactionem & meritum sibi applicat
cum Paulo 1 Tim: 1, 15. 16. producit in corde singulorum Electo-
rum eā vocatione quæ est secundum propositum & quā quisque eo-
rum *fit credens*, ut loquitur Augustinus *cap. 17. de Prædest. sanct.*

56. Adhæc cum Prædestinatio facta sit non ex massa redemptionis
per Christum, siquidem reprobabiles non sunt ullā ratione illi
quos Christus redemit & pro quibus fudit suum sanguinem, sed ex
massa perditionis per Adamum, in cujus lapsu omnes involuebantur,
necesse est decretum de mittendo Christo ad Redemptionem
hominum non præcurrere in signo rationis Prædestinationis decreto,

sed illi subordinari; ita ut Deus decreverit eum mittere non ad communem Redemptionem Electorum & Reproborum, (cùm jam de his statuisset intelligatur quod eos in massa corruptionis relinquere, & gratiam indebitam quâ pervenitur ad gloriam justè illis denegare vellet;) sed ad specialem eorum salutem quos illi communi miseræ per gratiam subducere constituerat; unde dicuntur Electi in Christo Eph: 1, 4. idest per ipsum redimendi, ut patet ex v. 7. Nec posset Christus in die judicij, jure dicere impiis & hypocritis etiam de ipsius nomine gloriantibus & miracula per ipsum facta jactantibus, *Certè nunquam novi vos, discedite à me qui operam datis iniquitati* Matt: 23, 28. si eos non minus quam electos accepisset à Patre redimendos sanguine suo & adducendos ad gloriam.

57. Ultrò largimur Christum *sufficienter* mortuum esse pro omnibus, idest tanti valoris fuisse λύτρον quod dedit pro suis, ut omnibus & singulis redimendis potuisset sufficere, quippe infiniti pretij, si Deo visum fuisset omnibus & singulis illud destinare & applicare: Nec minus debuit esse, etiam si ex omnibus peccatoribus unicum tantum redemptum Deus voluisset: Sed negamus ex intentione suâ vel Patris illud λύτρον infinitum & quod omnibus potuisset sufficere, datum fuisse pro omnibus; cum non pro hædis & lupis, sed pro ovibus suis animam suam posuerit, & solius sui corporis Servator sit. Si enim agnoscas decreto Redemptionis per Christum præcurrere decretum Prædestinationis, non potes statuere datum eodem modo hoc λύτρον pro omnibus & singulis; aliter enim spectabit ad Electos quam ad Reprobos: Verum in assignanda differentiarum ratione aqua tibi hærebit: Dices-ne enim pro quibusdam absolutè mortuum esse, pro aliis conditionatè & sub tali conditione, quam nec Deus illis præstare decrevit, nec unquam extitutam est certissimum? Si autem velis præpostero ordine Prædestinationis decreto præcurrere decretum Redemptionis, tunc debebis statuere Christum ita universaliter mortuum pro omnibus servandis, si crediderint & conversi fuerint, ut universaliter item pro nullis sit mortuus si impoenitentes & increduli permanerint: & eò devenias insaniam, cum nonnullis Remonstrantibus, ut dicas Deum Patrem Filium suum morti destinasse sine definito Consilio quemquam nominatim servandi, & potuisse

& potuisse fieri, per liberum arbitrium respuens Gratiā sufficientem, ut morte Christi nemo omnino servaretur.

58. Quoad ea loca Scripturæ quæ aliquam universalitatem videntur involvere, sufficiat observasse nullum eorum favere illi *superflua taxationi sanguinis Christi*, ut B. Lupo ante 800. annos dicebatur. Nam quædam sunt in quibus vox *Mundi* sumitur non universaliter, sed tantum communiter de genere humano, ut Joh:11,16, sive de Electis Dei toto mundo dispersis ut 2 Cor:5,19. 1 Joh:11,2. quibus opponitur mundus reproborum Joh:xv11,19. Quædam sunt in quibus Salus omnium intelligitur conservationis communis, quæ extenditur etiam ad bestias Psal:xxxvi,10. non redemptionis salutaris, ut 1 Tim:14,10. Quædam in quibus Syncategorema *Omnes*, de solis Electis & Dei Filiis debet intelligi, ut Joh:x11,32. Rom: v111,32. Heb:11,9.10. 2 Pet:111,9. Quædam in quibus sumitur distributivè de generibus singulorum, non collectivè de singulis generum, ut 1 Tim:11,4. Tit:11,11. Vt mirer virum quem doctum, etiam in *Homiliis* ad populum, nonnulla ex istis testimoniis corrasisse, ut confirmaret magnam consolationem, scilicet, percipere fideles ex Redemptionis universalitate; cum potius hoc sit summum eorum solamen, quod hic thesaurus ad se solos, nullo modo ad incredulos & reprobos pertineat.

59. Et cum Christus mortuus sit pro iis solum quos voluit Pater servari, nec alios velit servari quam suos Electos qui de facto servantur, aliàs non fieret quicquid is vult fieri, cujus voluntati nemo potest resistere, necesse est ut pro solis Electis redimendis mortem oppetierit. Neque sana Theologia potest admittre conceptus eorum qui subtiles sibi videntur, si dicant *bono* reproborum, saltem quorundam, mortuum esse Christum, sed solum suorum Electorum loco; atque priorum respectu se dedisse *impensum* pro illis, aliorum *victimam*. Nam sanè nihil habet juris in morte Christi, qui totam eam cum omnibus ejus fructibus sibi non habet: nec cujusquam *bono* mortuus est, nisi moriendo loco illius & pœnas ipsi debitas in se transcribendo: Nec *impensum* aliter se dedit, idest τιμὴν & pretium, pro hominibus, quam se offerendo in *victimam* pro ipsorum peccatis. Si quas gratias *gratis datas*, ut vulgò appellantur extraordinaria Cha-

risinata Spiritus Sancti, consequuntur interdum reprobi in usum & ædificationem Ecclesiæ, ut illi quorum fit mentio Matt. VII, 22. non eorum personis illas meritis est Christus, sed suæ Ecclesiæ, cujus ædificationi per ipsas inserviunt, quomodo inservierunt saluti Noë fabri qui ædificaverunt Arcam quam ipsi non sunt ingressi. Si qui etiam reprobi illuminantur cognitione theoricâ veritatis & aliquâ fide temporariâ donantur, unde *intra limitem fidei esse videntur*, ut loquitur Gregorius Moral. lib. 28. cap. 6. id non est adscribendum gratiæ medicinali fluenti ex morte Christi pro ipsis, sed Providentiæ communi, vario modo sua Consilia circa reprobos exequenti, partim ut frænum aliquod eis injiciat, ne in plura ruant peccata & aggravent suum supplicium, partim ut eos magis reddat ἀναπολόγητος, quod oblatam Dei scedere omnibus credentibus salutem, verâ fide apprehendere uti par fuerat noluerint; nam licet res credenda ad reprobos non pertineat, eorum tamen incredulitas in ea vel non admittenda uti oportuisset, vel penitus rejicienda, voluntaria est, adeoque & culpabilis.

60. Quod si ad Veteres eamus, nobis eos ὁμοψύχως per omnia reperiemus. In Epistola Ecclesiæ Smyrnenfis de martyrio Polycarpi, quæ extat apud Eusebium lib. 4. Hist. Eccl. cap. 15. profitentur pij se nunquam posse deserere Christum τὸν ὑπὲρ τῆς τοῦ πατρὸς κτῆμας ἡμῶν σωζομένων σωτηρίας παθόντα, qui pro totius Servandorum Mundi salute passus est. Justinus Martyr in Dialogo cum Tryphone dicit Christum oblationem factum esse pro cunctis respiciere volentibus. Cyrillus Alexandrinus in Joh. lib. 11. cap. 19. Discrepare Iohannes à Salvatore alicui forsan videbitur; Salvator enim pro mundo hic rogare abnuvit; (nempe Joh. 17.) Ioannes autem non pro nostris peccatis solum propitiationem & paracletum illum esse, sed pro universo affirmat mundo. Verum beatus Ioannes, quoniam erat Iudæus, ne pro Iudæis tantum paracletus esse Dominus apud Patrem videretur, non autem pro aliis etiam gentibus qua vocata obsequuta sunt, necessario pro toto mundo adjecit, id est pro omnibus qui per fidem vocati ad iustitiam & sanctificationem pervenerint. Dominus autem noster Iesus Christus, suos à non suis separans, Pro eis, inquit, TANTVMmodo qui verba mea servant & iugum meum acceperunt rogo; Nam quorum Mediator atque Pontifex est, ipsis TANTVMmodo Mediationis bonum non injuriâ attribuit. Quos etiam datos sibi fatetur; Et Patri esse non negat, cum ad Patrem nullum acce-

Im accedere queat nisi per Filium: Nemo, inquit, ad Patrem venit nisi per me. Ita & suo Filio & sibi ipsi Pater fideles acquisivit. Quod certe intelligens sacramentum literarum ille peritissimus inquit, Quia Deus erat in Christo mundum sibi reconcilians: Recipiens enim Christus ut Mediator omnes qui per fidem ad eum concurrunt, & per seipsum Patri offerens, Deo mundum reconciliavit.

61. Ambrosius de fide ad Grat. lib. 4. cap. 1. Si non credis, non tibi passus est; & Epist. 23. lib. 5. Pro quibus Christus passus est, & quos sanguine mundavit suo, pro iis interpellat & Spiritus. At hoc non convenit quoniam, sed iis tantum qui Spiritum adoptionis acceperunt: Et plerique universalistarum fatentur ad solos Electos & fideles intercessionem ipsius Christi spectare: Hieronymus in Matt. cap. 20. Non dixit se animam suam redemptionem dare pro omnibus, sed pro multis, id est pro his qui credere voluerint. Fides autem non est omnium. Et in cap. 14. Marci, Sanguis Novi Testamenti qui pro multis effundetur, non omnes emundat. Prosper lib. 1. cap. 3. de voc. gent. Habet populus Dei suam quoque plenitudinem: Et quamvis magna pars hominum salutis gratiam aut repellat aut negligat; in Electis tamen & prescitis atque ab omnium generalitate discretis, specialis quaedam censetur universitas, ut de toto mundo totus mundus liberatus, & de omnibus hominibus omnes homines videantur assumpti. Episcopi Africani in epist. Synod. ex Sardinia scripta pag. 13. Omnes predestinati ipsi sunt quos vult salvos fieri & ad agnitionem veritatis venire. Qui propterea omnes dicuntur, quia in utroque sexu, ex omni hominum genere, gradu, etate & conditione salvantur: Semper quippe voluntas Dei Omnipotentis impletur, quia potestas ejus nullatenus vincitur; Ipse est enim qui omnia quacunque voluit fecit in celo & in terra, in mari & in omnibus abyssis, & cujus voluntati nemo resistit.

62. Ita Gregorius 1. in lib. 1. hom. 2. super Ezech. Pro Electorum vita usque ad mortem se tradidit Autor. Et Haymo in 2 Cor. 5. Innocentius mortuus est pro omnibus predestinatis ad vitam. Et Bernardus serm. 10. in Psal. 91. Christus secundum tempus quidem pro impiis mortuus est, secundum Predestinationem autem pro fratribus & amicis. Et Hugo Cardinalis ad cap. 20. Matt. Christus dedit animam suam Redemptionem non pro omnibus, sed pro predestinatis; interim sufficienter pro omnibus. Et Petrus Galatinus superiori saeculo lib. 8. de Arc. Verit. Cath. cap. 14. Licet passio ejus ad delenda omnia peccata sufficiens esse debebat, non tamen omnium peccata deletura erat, sed eorum duntaxat qui in eum credituri essent, atque penitentiam

aduri. Hos autem satis novisse Christum cum pateretur, adeoque eorum duntaxat nomine & vice mortem oppetiisse, quis aufit negare?

63. Denique totam deberem retexere causam Gotteschalci, cujus Historiam accuratam edidit Ampliff. Vir *Gilbertus Mauguin*, in *tomo post. vindic. Præd. & Gratia*, si omnes ei adstipulantes in rejicienda superflua taxatione sanguinis Christi, deberem commemorare. Sufficiat festinanti ad finem, quod B. Lupus Servatus, Presbyter Moguntinensis in libello *de tribus quæst. q. 3.* hanc tractat ex professo; atq; inter alia sic loquitur; *Vi salvos fieri vult omnes quicunque salvantur, ita redimunt omnes, quicunque redimuntur: Non autem salvantur omnes, nec vero redimuntur: Non itaque vult redimi aut salvari alios omnes, nisi qui redimuntur atque salvantur.* Et alter Lupus Ferrariensis, in epistola ad Karolum Regem, ita habet; B. Augustinus aperiens populo sententiam Evangelij, *Vos non creditis quia non estis ex ovibus meis; Quomodo, ait, istis dixit, Non estis ex ovibus meis? Quia videbat eos ad sempiternum interitum prædestinatos, non ad vitam æternam sui sanguinis pretio comparatos.* Similia habet in Collectaneo de tribus quæstionibus, quæst. 3. Remigius Lugdunensis cum sua Ecclesia, lib. de tribus epist. cap. 18. negat ullatenus Christum venisse aut passum esse pro omni illa innumerabili & infinita multitudine impiorum, qui ab exordio mundi usq; ad passionem Domini per quatuor fere millia annorum in sua impietate sunt mortui; unde ita concludit, Cum ergo pro illa inestimabiliter majore humani generis parte qua per tot millia annorum præcesserat, nullatenus credendus sit passus, nec pro ejus salute crucifixus; quid de ista utique minori parte infidelium & impiorum credendum est, qui post passionem ejus, usque ad mundi terminum aut extiterunt, aut existunt, aut futuri sunt? In quibus utiq; & homo ille nondum natus, Antichristus erit. Nam si ad istos tales Dominus salvandos venit, idest impios & in sua impietate perituros, ergo præstitit illis, quod illis antiquis impiis non præstitit; &c.

64. Et cum ab Hinemaro, anno 853. in Pseudo-Synodo Carifraca quatuor Capitula edita fuissent contra Gotteschalum, quorum quarto id ipsum definiebatur quod asserit Innocentius, Christum pro omnibus & singulis passum esse, non solum idem Remigius & Ecclesia Lugdunensis quatuor illis Capitulis opposuit libellum *de tenenda veritate*

ritate Script. cujus cap. 15. dicitur & omnibus infidelibus nullam esse redemptionem in Christo, & omnes fideles qui fideliter accedunt ad fidem & gratiam regenerationis ibi accipere veram redemptionem, ubi accipiunt veram regenerationem; sed insuper Concilium Valentinum tertium anno 855. celebratum, can. 4. illa Capitula quatuor Hincmariana damnavit, & rejecto errore eorum qui statuunt sanguinem Christi etiam pro illis impiis qui à mundi exordio usque ad passionem Domini, in sua impietate mortui aeternâ damnatione puniti sunt, effusum esse, illud simpliciter & fideliter tenendum ac docendum sancivit, juxta Evangelicam & Apostolicam veritatem, quod pro illis hoc datum pretium teneamus, de quibus ipse Dominus noster dicit, Sicut Moyses exaltavit Serpentem in deserto, ita exaltari oportet Filium hominis, ut omnis qui credit in ipso non pereat, sed habeat vitam eternam &c.

65. Hæc definitio Synodi Valenting à Synodo Lingonensi & Tul-
lensi apud Saponarias recepta fuit, & à Nicolao Pontifice Romano, ut habent Annales Bertiniani, admissa fuit & approbata. Possem his omnibus adjicere Censuras utriusque Academiæ Belgiæ Hispanicæ Duacenæ & Lovaniensis: Sed cum hæc ipsa Constitutio Papalis in eas stringatur, & Duacena prioris suæ fidei oblata, videatur nunc in partes Jesuitarum transiisse, esseque in eorum triumpho quod senex ille purpuratus cum bulla aurea de collo pendente erat in Romanorum triumphis, ab earum testimonio lubens supersedeo; cùm ex iis quæ hæcenus disputata sunt satis liqueat Innocentij *Definitio-
nem* & Dei Verbo, & Antiquitati saniori, quod demonstrandum erat, ex diametro adversari. Superpondij loco hoc addimus Inno-
centium rejiciendo doctrinam Augustini de Prædestinatione & gratia atque ei annexis materiis, deserere fidem suorum Prædecesso-
rum in eadem Sede, qui semper professi sunt se in eo ad hærere doctri-
næ Augustini: Patet de Innocentio 1. ex *epist. ad Concil. Mil. quæ est*
93. inter August. De Zozimo, ex Baronio ad ann. 417. De Bonifacio
ex Prospero contra Collat. cap. 41. De Cælestino ex eodem
Prospero *ibid.* & ipsius Cælestini *epist. ad Episc. Galliar.* De Leone 1.
ex omnibus ferè suis operibus in quibus has tangit materias; De Gelasio
ex Censuris quas stringit in Cassianum & Faustum Semipelagianos,
can. Sancta Ecl. Rom. dist. 15. De Hormisda, ex *Epist. Synod. Afric.*
Episc. De Felice IV. & Bonifacio 11. ex Synodo Arausicana 11. cujus
præfatio

præfatio id demonstrat quoad priorem, & confirmatio quoad posteriorem.

66. Mitto Joh. II. Nicolaum I. Clementem VIII. Paulum V. de quibus quid senserint hac in causa, ex superioribus satis liquet: Sed quo magis constat Papam hodiernum, hunc Rubiconem trans-eundo, & ita palam insurgendo in doctrinam B. Augustini, apostatare à prisca suæ Sedis doctrina, unius Bellarmini adjiciam auctoritatem: Is enim *lib. 2. de gratia & lib. arb. cap. 11.* multis docet doctrinam Augustini de Prædestinatione & Gratia, à Cœlestino, Leone, Gelasio, ita fuisse susceptam & approbatam contra Pelagianos & Semipelagianos, ut illius *sententia, non quorumvis Doctorum opinio, sed fides Ecclesiæ Catholica dici debeat.* Apostata ergo à fide Catholica, Bellarmino iudice, hodierni ejus Sodales, sententiæ Augustinianæ desertores & propugnatores Faustinianæ: Apostata à fide Catholica ipsemet Innocentius, Jesuitarum fautor & vindex adversus Jansenium, Jansenitas & Augustinum. Quapropter Gratiæ Divinæ & Veritatis Augustinianæ propugnatoribus, tam iniquè damnatis & hæreticorum Catalogo inscriptis, nihil mihi restat inculcandum de communione Romana præter illud Apoc. XVII, 4. *Exite ex ea popule mi, ne participes sitis peccatorum ejus, & ex plagis ejus accipiatis; Alliciat Deus Japhetum ut habitet in tentorijs Semi, sitque Canaan servus ejus.* AMEN.

Cùm in superioribus aliquoties facta sit mentio Planctus Augustinianæ Veritatis in Belgio patientis, paucis abhinc annis editi à Iansenitis, cum cogerentur auctoritate Pontificiâ admittere Bullam Urbani VIII. & Iansenij Augustinum conceptis verbis ejurare, operapretium me facturum existimavi, si illum, ut pote accuratum & lectu dignissimum, hic curarem recudi in gratiam Lectoris, cum nec eum reperire sit facile, & multum lucis huic nostræ Scriptioni ad Iniquitatem Curia Romana demonstrandam san-
vetur.

Planctus Veritatis Augustinianæ in Belgio patientis.

*Audite hæc omnes gentes: auribus percipite omnes qui habitatis
Orbem, quique terrigena & filij hominum: simul in unum
dives & pauper: Psalm. 48.*

SANCTISSIMO DOMINO NOSTRO
INNOCENTIO X. PONTIFICI MAXIMO.

BEATISSIME PATER,

Nter perniciosissimas Hæreses, quibus Satanas Eccle-
siam impetiit, facile sibi primum vendicat locum Arian-
na; quæ non tantum in vulgus virus suum immiserat,
sed & primaria populorum capita invaserat; ut tandem
errori manifestato, ingemiscens Orbis terrarum se Arian-
num esse miratus sit.

Viam sibi fecerunt Arianæ, ut hæc pestilentissima tabes vehe-
mentius grassaretur & totum Orbem pervaderet, præoccupatâ po-
tissimum amicitia & potestate Principum, quos adulationibus,
ementitâ sanctitate, fucatâ scientiæ subtilioris apparentiâ, sibi de-
vinxerunt: ita ut teste Severo Sulpitio, (lib. 2. Hist. Sacra.) Omnes
scilicet duarum Pannonicarum Episcopi, multique Orientalium, ac tota Asia,
in eor. in perfidiam conjurassent, quorum major pars coacti metu & factione
in studia partium concesserunt; pauci quidem, quibus fides chara & veritas
potior erat, injustum judicium non recipientibus.

His porro stratagematibus inipsum suum bellum aggressi sunt.
Porro namque piissimum Imperatorem Constantinum suis verborum
lenociniis aggressi, in tantum progressi sunt ut (teste Severo) Impe-
rator depravaretur; dum que sibi Religionis officium videretur implere, vim
persecutionis exercerent: Pulsi in exilium Episcopi, servum in Clericos,
animadversum in Laicos, qui se ab Arianorum communione separaverant.

Actumque videbatur de fide Orthodoxa, nisi Nicana Synodus

P

præoccu-

præoccupasset. Hujus enim mali causâ (inquit Severus) Synodus apud Niceam ex toto Orbe contrahitur; trecentis siquidem & duodeviginti Episcopis congregatis, fides plena conscribitur, hæresis Ariana damnatur, Imperator Decretum Episcopale complectitur. Ariani nihil contra sanam fidem retractare ausi, se quoque tanquam acquiescentes, nec aliud sentientes, Ecclesis inscuerunt.

Sed non itetit eorum perfidia: manebat enim in pectoribus eorum insitum in Catholicos Viros odium.

Secundum igitur stratagemam aggrediuntur, & ut prosequitur Severus, adversus quos de fide disceptare non poterant, eos subornati accusatoribus, fictisq; criminibus appetebant: Itaque primum Athanasium Alexandria Episcopum, Iuris Consultum, qui apud Nicanam Synodum Diaconus adfuerat, aggrediuntur, absenteq; damnant &c. Imperatoremq; eusq; compellunt, ut Athanasius exulatum ad Gallias mitteretur. Verum Orthodoxi injustitiam advertentibus, mox in Aegypto octoginta Episcopi congregati, Athanasium injuste condemnatum &c. pronunciant, & re ad Constantinum relata, Imperator jubet ex toto orbe apud Sardicam Episcopos congregari, atq; omne judicium, quo Athanasius damnatus fuerat retractari. Inter hæc Constantinus moritur: Synodus tamen congregata jam Constantino Imperatore, Athanasium absolvit. Quid faciat demum coadunata Arianorum perfidia?

Tertiò nati Imperatoris Constantij, hominis ad impia inclinati, substitutionem, Ariani sibi nihil prius agendum rati, quam ut Athanasium Ecclesiâ submoverent, qui semper eis, velut murus, obstitit: In Athanasium iterum persecutionem movent; & ubi dolo parum processerant, vi agere decernunt; nam quodlibet audere atque agere facile erat, Regi amicitia submixta, quem sibi pravis adulationibus devinxerant; Valens utique atq; Versatius Ariarum præcipua capita cum aliis suis affectis ita Palatium Constantij occupaverant, ut nihil sine eorum nutu ageret Imperator, obnoxius quidem omnibus, sed præcipuè Valenti deditus, ob hæc utique miracula, & Angelicam revelationem de victoria Imperatori impositam. Ita ut facile ad credendum Imperator palam dicere solitus esset, se Valentis meritis non viriute exercitus vicisse. Ab hoc initio illæ Principis extulere animos Ariani, potestate Regi usuri ubi auctoritate suâ parum valuisse.

Igitur

Igitur (inquit Severus) cum sententiam eorum quam de Athanasio dederant nostri (id est Orthodoxi) non reciperent, Edictum ab Imperatore proponitur, ut qui in damnationem Athanasij non subscriberent, in exilium pellerentur:

Quis tantæ violentiæ obsistat?

Ceterum, ait Severus, à nostris (utique Orthodoxis) tum apud Arelatem, ac Buteras, oppida Galliarum Episcoporum Concilia fuere. Et quidem hæc Orthodoxorum Sententia Universalis,

Petebat ut priusquam in Athanasium subscribere cogerentur, de Fide potius disceptarent: nec sum demum de re cognoscendum, cum de persona judicium constitisset.

Iusta profecto & sancta postulatio. Advertebant enim Spiritu divino inspirati Orthodoxi Patres, larvam Arianorum; quippe qui, Liberio Pontifice asserente apud Baronium, Ecclesiam universam & fidem in Athanasio persequerentur; ut nimirum Athanasio, ut Catholicorum principe, accusato, & crimine hæreseos condemnato, tota doctrina & fides Orthodoxorum damnata censeretur, Arianismus verò resurgeret ac triumpharet.

Hanc itaque postulationem omnes unanimitè Orthodoxi amplexati sunt, & si qui coacti subscribere (inter quos Dionysius Mediolanensium Episcopus) non aliter subscripserunt quam se

In Athanasij damnationem consentire, dummodo de fide inter Episcopos quæreretur.

Sed hujusmodi subscriptio perfidæ Arianorum intentioni non suffecit. Valens enim socius ejus, ait Severus, prius Athanasij damnationem extorquere cupiebant, de fide certare non ausi. Ab hoc itaq; partium conflictu agitur in exilium Paulinus Trevitorum Episcopus, & conficta ad placitum ab Arianis sub Imperatoris nomine Epistolâ omni pravitate refertâ, in sanctissimos Pontifices sævitur. Pelluntur in exilium Eusebius Vercellensis, Lucifer à Carallis Sardinæ Episcopi, Dionysium Mediolanensis sequitur, Hilarius Pictariensis eandem subit damnationem, donec etiam caput Ecclesiæ Liberius Româ pelleretur. Ad Cathedras

soli promoventur, qui in Arianorum insulationem & perfidiam, spe aut metu, consentiunt; eoque devenitur, ut etiam *Vincentius Capuanus* Episcopus, primarius Sedis Apostolicæ Legatus, Arelatensem ad *Liberto* missus (qui & ad Concilium Nicænum nomine *Sylvestri* Papæ, honorificentissima Legatione fuerat perfunctus, & in Concilio Sardicensi Iudex cum aliis sententiam pro absolutione & justificatione *Athanasij* rulerat, & Arianis summè contrarius fuerat) importunitate Arianorum & Constantij victus Imperio, sit deceptus, atque coactus damnationi *Athanasij* subscribere, cum *Fortunatiano* Aquileæ Episcopo & *Hermينو* Thessalonicæ, magni tunc nominis viris; uti & subscripserunt plerique per Italiam Episcopi, inter quos & ipse *Liberius* Pontifex. Lugubres hos casus describit Eminentissimus Cardinalis Baronius, ad annum Christi 353. & seqq.

BEATISSIME PATER,

In ejusmodi ferè tempora nos devenisse, Filij tui Orthodoxi & obedientes in Belgio lugemus. Scena enim, quæ modo sub Titulo & Larva Reverendissimi *Iansenij*, Episcopi Iprensis, cum Clericis Societatis Jesu agitur, istius lugubris tragædiæ filia est, & proles matri suæ non ablimilis. Quod enim in *Athanasio* fecerunt Ariani ut Ecclesiam perderent, hoc in *Iansenio* faciunt Jesuitæ, ut antiquam de Gratia & Libero Arbitrio Orthodoxam doctrinam modò opprimant. Aures veritati præbe veritatis Arbitr & Iudex, rem ab initio repetimus. Circa finem superioris sæculi, sub Ludovici Molinæ & Leonardi Lessij potissimum ducatu, quædam doctrina nova prodijt de Gratia, Libero Arbitrio & Prædestinatione, quæ quia Massiliensium seu Semipelagianorum caminos & fumos redolebat, & purissimæ Christi Redemptoris gratiæ integritati adversabatur, ac antiquis Orthodoxorum Scholis schisma quoddam invehebat, à facultatibus Academicarum Lovanientis ac Duacensis, per censuras authenticas rejecta est, nec minus habita ab universitate Salmanticensi: tandemque liber Molinæ tanquam doctrinam non sanam continens apud S. Sedem accusatus est per Patres Prædicatores, non tamen illico parte inaudita proscriptus.

Verùm *Clemens VIII.* rei gravitate perspectâ, multis impendiis
Romam

Romam evocatis e variis nationibus viris gravissimis & doctissimis, examen hujus rei instituit, hac Lege disputantibus præscriptâ ut doctrina S. Augustini totius disputationis norma esset ac regula.

Deniq. quo I. Cle. mens VII. instituerat examen, Paulus V. ejusdem, ut sanctæ Sedis, ita & sanctæ voluntatis Successor, ad finem perduxit, Bullâ compilarâ (cujus exemplar in Archivis Pontificiis Romæ asservari à viris fide dignissimis intelligimus) quâ controversia tota ad mentem D. Augustini decidebatur, quinquaginta propositionibus Molinæ expresse disertequæ damnatis.

Quamvis autem hæc Bulla promulgata non sit, ex ea nihilominus manifestè patet, quæ fuerit summi Pontificum post tam diuturnum & serium examen, mens & sententia.

At quia Paulus V. quoad usque suam proferret, & publicam faceret sententiâ (qui se oportunitate tempore, recenti scilicet contra Venetos bello intricatus, perstiturum pollicebatur) vetuisset, ne tantisper pars una aliam erroris argueret, Clerici Societatis hanc occasionem nacti, & hoc armistitio facti animosiores, dormientibus velut hominibus, libris & scriptis editis novitium Molinæ dogma, quod quia Socij inventum, Societati proprium fecerant, domi forisque propugnarunt.

Sic tamen, ut cum perpenderent, quicquid in hac materia novi extra S. Augustinum traierent, non minus de falsitate, quam novitate esse suspectum, Sanctissimum Doctorem, invitum licet & renitentem, in suas partes pertrahere & ad suas opiniones detorquere maximo conatu nisi sint; in hoc solo à Magistro suo recedentes, qui se Augustini castra deferere palam & apertè profiteri non erubuerat, (a) silente interea Ecclesiâ, dissimulantibus titulo quietis communis, Academiarum Doctores, quibus Orthodoxam doctrinam è pulpitis Scholarum tradi & disputari sufficere videbatur.

(a) Audite Molinam dicentem in Concord. Liberi Arbitrii qu. 27. art. 4. & 5. *Quia res est magni momenti & valde lubrica, & hæc nostra ratio conciliandi libertatem arbitrii cum divina Prædestinatione, à nemine, quem viderim, hucusque tradita, ideo satius hæc duxi paulò suum explicare. Paulò ante promiserat quæ si data explanataque semper fuissent, fortè neque Pelagianæ hæresis suisset exorta, neque Lutherani tam impudenter arbitrii nostri libertatem fuissent ausi negare &c. neque ex Augustini opinione concertationibusque cum Pelagianis, ut fideles suissem turbati, ad Pelagianosque*

gianoque defecissent, facileque reliquæ illæ Pelagianorum in Gallia, quorum in Epistolis Prosperi & Hilarii sit mentio, suis sunt extinctæ. Et rursus, Neque vero dubito, quin ab Augustino & cæteris Patribus unanimi consensu comprobata suisset hæc nostra de Prædestinatione sententia, variisque conciliandi libertatem Arbitrii cum Divina Gratiæ, Præscientiæ, & Prædestinatione, si eis proposita fuisset. O vocem impudentem, & calamum viro religioso indignum, ac Sedis Apostolicæ iudicium corrigentem, vel sibi perperam subicientem! Quasi veid, unus Molina vel doctior vel perspicacior vel sanctior fuisset S. S. Patribus, & S. Augustino, cuius doctrinam secundum Prædecessorum meorum statuta, Romana sequitur & servat Ecclesia, ait: Ioannes Papa II.

Non de fuere tamen Primarij inter Theologos viri, dolentes Orthodoxæ doctrinæ criticum in Conciliis Milevitano, Carthaginenti, Arausicano, Diospolitano, Valentino, & aliis toties declaratæ, totiesque à Beatissimis Pontificibus approbatæ, ex taciturnitate importuna, veluti culturæ neglectu, zizaniis novæ inventionis suffocari, & doctrinam S. Augustini, decretis Conciliorum & summorum Pontificum elogiis, totâ Ecclesiâ celebrem, & Canonibus inculcatam, eludi atque in dies in majus ac majus discrimen adduci.

Hos inter, novissimis temporibus emicuit, Zelo Catholicæ Fidei & Veritatis accensus, Reverendissimus *Cornelius Iansenius*, ex Doctore Theologo Academiæ Lovaniensis, ad Episcopatum Iprensensem assumptus, confictibus contra hæreticos feliciter confectis, vitæ probitate, pietate, omni eruditionis genere celeberrimus, qui disputationum molem in *Sancti Augustini intellectu & sensu consistere* animadvertens, uno volumine tribus Tomis distincto (cui 20. & amplius annis insudaverat) sinceram sancti Augustini mentem elucidare, ac toti orbi Christiano exponere voluit.

Quod opus (compositâ etiam præliminari epistolâ, eo jam edito demum repertâ) ut devotus Ecclesiæ filius summo Pontifici dedicabat; sed morte præventus, & ad Dei Iudicium properans, executoribus Testamenti, publicæ luci tradendum commisit.

Prodeunte volumine, quam grata res fuit Augustini discipulis, tam acerba Clericis Societatis Molinæ Sectatoribus visa est; haud dubiè, quia Libri Author doctrinam & mores veterum Pelagianorum & Massiliensium accuratius describens, proprios ipsorum pariter descripsisse videretur. Ad arma igitur ab eis conclamatum est, & 7 he-

sibus,

sibus, Libellis, Concionibus Bellum aggrediuntur.

Quia vero hæc pro voto non succedebant, ut quondam Ariani, (absit verbo Invidia) ita illi pariter in Proceribus, tum Ecclesiasticis tum secularibus, ludere attentarunt.

Cumque de fide & doctrina publicè cum Augustinianam Doctrinam profitentibus de Gratia & Libero Arbitrio disceptare diffiderent; sælicis recordationis Urbani VIII. auctoritatem & potestatem sibi conciliare figmentis & querimoniis fucatis fategerunt; non absimili Pelagianis exemplo, quos olim Zozimum Papam circumvenisse, Herore & Lazaro, Gallicanæ Ecclesiæ Episcopis, eorundem Pelagianorum accusatoribus, iram Pontificum sustinere coactis, testis est Baronius.

Obtrudunt itaque magnum crimen esse, Tractatum edidisse de Gratia, cum tamen ipsi non cessassent nec modò cessent, novos quotidie Libros de hac materia, novis suis dogmatibus refertos procudere; ejus facti in alium censores, cujus quotidie erant rei; vel potius, quod consuetudine contrariâ legem prohibentem (si quæ fuerat) abrogando, licitum fecerant: ut qui iustitiâ & ratione non poterant, auctoritate superiore consequerentur.

Quod etsi non plenè pro suo voto, eatenus tamen consecuti sunt, ut Jansenij Liber, & non minus eorum Theses, aliaque utrimque scripta (quia de Gratia tractabant) à summo Pontifice prohibita sint.

Sed non hic sterit eorum conatus; in hoc præcipuè collinantibus Societatis istius Clericis, ut quemadmodum Ariani olim *Athanasium*, sic ipsi *Cornelium Jansenium* Ecclesiâ submoverent, sensim suam doctrinam neotericam, adversario tanto superato, antiquæ præferendam fore opinantes.

Hinc fictis criminibus Jansenium appetentes, persuadent in libro, cui titulus, Augustinus, propositiones à Pio Quinto proscriptas, resuscitari, & cum magno scandalo Catholicorum ac contemptu S. Sedis, defendi.

Quibus prætextibus demum obtinere, ut severiore censurâ feriretur: quo factum est, ut tota S. Augustini Doctrina ac Conciliorum Ecclesiasticorum & summorum Pontificum de Gratia & Libero

bero Arbitrio ex eodem Eccleſiæ Doctore deſumpta ſanctiſſima Dēcreta, in diſcrimen condemnata fidei vocarentur.

Paſſim enim adverſarij occasione dictæ cenſuræ ſententias plures S. Auguſtini damnatas eſſe, tum publicè, tum privatim, jactare cœperunt, quos inter quidam eò temeritatis proceſſit, ut Eccleſiam à D. Auguſtini pædagogia liberandam eſſe auſus ſit è pulpito proclamare, D. Auguſtinum Doctorem fuiſſe, qualis ipſe erat, D. Auguſtinum argumentis & objectionibus Juliani Pelagianorum Coryphæi non ſatiſfeciffe, D. Auguſtini Theologiam de traduſione peccati originalis ruſticanam eſſe.

Quod ipſum Conſilia Regia & viri inter Belgas Præſtantiſſimi Prudentiſſimique animadvertentes, auditis magni Nominis Theologis, diplomate Apoſtolico promulgando ſuperſedendum eſſe cenſuerunt: donec de rei veritate, totaque cauſæ ſubſtantia, S. Sedes partibus utrimque auditis juridicè cognoviſſet: Tantiq̃ue res hæc viſa eſt momenti, ut ea propter ad eandem S. Sedem è Belgio Legati miſſi fuerint, ad inquirendum de veritate diplomatæ, ut ſi verum deprehenderent, Sanctitati ſuæ cauſas ſub & obreptionis exponerent.

Verum Clerici Societatis Palatium Apoſtolicum ita præoccupaverant, ut paucis poſtquam dicti Deputati appulerant diebus, Eminentiffimus Cardinalis Franc. Barberinus, qui cum illic omnia poterat & agebat, Abbatem S. Anaſtaſiæ, Pontificum in hiſce partibus Miniſtrum, de illorum adventu certiorem reddiderit, & ſimul ſecurum, quod nunquam, ne per minimam quidem cogitationem, Sanctiſſimo Domino veniret in mentem, ut Bullam illam, quacunque ſui parte immutaret, ſed ſemper intenderet, ut obſervaretur, eique obtemperaretur. (a)

(a) Extractum ex copia Epistolæ ad Internuncium scriptæ, quæ, inter ceteros articulos ita ſonat. Ho voglio dare à V.S. queſta notizia, per che, ſi à caſo il Dottore Sinich, ſcriveſſe alla Vni verſità di Lovayna & ad altri diverſi miniſtri & deſiſperanza di revocatione o di moderatione della Bulla, per mantenere tutta via vivi le conſueſtume & parere la comunia de i refratari & diſobedienti à queſta Conſtitutione, poſſa V.S. ſincerare ogni uno della verità del fatto, & aſſicurare l'Univerſità di Flandra & i Prelati di eſſa, che ne caſera giamai un minimo penſiero nella mente della Santiſſa ſua, di alterare in qual ſi ſia parte queſta Bolla, ma ſtara ſempre attenta, per che ſia conſervata & obedita, & V.S. prego dal Signore vero buonno: Roma 3. Decemb. 1643. Era ſoſcritta dal Signore Card. Baverino.

Evidens

Evidens profecto argumentum animi præoccupati, cujus & plura dicti Deputati in causæ progressu experimenta senserunt. Quidquid enim apud dictum Cardinalem fecerint, quidquid urserint, nunquam obtinere potuerunt, ut liber Jansenij legitimè exauinaretur & cum D. Augustini Scriptis conferretur; unde tamen præcipuè pendet Jansenij defensio, ut qui nihil aliud intenderit quam explicare & fidelissimè proferre S. Augustini sensa.

Sed nec illud obtinere potuerunt, ut Bullam falsis extortam fuisse suggestionibus, argumentis in eam rem paratis ostendere liceret: tantum abest ut Jansenij Patroni à limine judicij arcendi sint, quasi satis superque auditi.

Enimverò si animo pacato & affectibus libero perpendantur ea, quæ per plures Ecclesiæ Belgicæ Prælatos, & Universitatis Deputatos acta sunt, partim Romæ, partim in Belgio, ad obtinendam legitimam audientiam & jus defensionis, cuilibet jure naturali & Divino debitæ, in causa tam gravi, justissimè conqueri licebit, in ea ipsa nos tempora incidisse de quibus olim conquestus est *Lactantius*, in re non prorsus absumili, alloquens Constantinum Imperatorem.

Non est, inquit, apud me dubium, ô Constantine Imperator maxime, quin hoc opus nostrum, quo singularis ille rerum Conditor & hujus immensi Rector asseritur, si quis attigerit ex istu ineptè religiosi (ut sunt nimia suspitione impatientes) insectetur etiam maledictis, execretur, seque inexpiabili scelere contaminari atque astringi putet, si hac aut legat patienter aut audiat. Ab hoc tamen, si fieri potest, humanitatis jure postulamus ut non prius damnet, quam universa cognoverit. Nam si sacrilegis & proditoribus & veneficiis, potestas descendendi sui datur, nec prædamnari quemquam incognitâ causâ licet: non injusè petere videmur, ut si quis erit ille, qui incidit in hac, si legat, perlegat; si audiat, sententiam differat in extremum: Sed novi hominum pertinaciam; nunquam impetrabimus. Timent ne à nobis revicti manus dare aliquando clamante ipsâ veritate cogantur. Obstrepunt igitur, & intercedunt, ne audiant; & oculos suos opprimunt, ne lumen videant, quod offerimus: Quo planè ipsi dissidentiam sua perditionis ostendunt, cum neque agnoscere, neque congregari audent, quia sciunt se facillè superari, & idcirco disceptatione sublatâ,

Tellitur è medio Sapientia, vi geritur res,

ut ait Ennius. Et quia student damnare tanquam nocentes, quos utique sciunt innocentes, constare de ipsa innocentia nolunt. Quasi verò major iniquitas sit probatam Innocentiam damnaſſe, quam inauditam; ſed ut dixi, verentur, ne, ſi audierint, damnare non poſſint. Hæc ille ſui, imò verò hujus infelicis temporis, accuratus & veriſſimus delineator.

Id tantum dictis Deputatis Romæ conceſſum eſt, ut remedium aliquod expoſcerent adverſus eos, qui occasione dictæ Bullæ, D. Auguſtini autoritatem in contemptum adducebant.

Super qua poſtulatione, poſt mortem Pontificis, decretum iis inſinuatnm fuit, tam longè à precibus quas porrexerant alienum, quam his quæ Cardinalis Barberinus Abbati S. Anaſtaſiæ literis paulò ante relatis addixerat conſentaneum.

Ut mirum videri non debeat, miniſtrorum operâ nomen Janſenij in Bullam irrepiſſe, etiamſi ſua Sanctitas non aliud mandaſſet, quam ut denuo Bulla Pij v. in nudis & puris terminis, ut ſonat, confirmaretur; diſertè *cavendo ne qui in ſua Bulla proprio nomine expreſſo ſugillaretur, [unde manuſcriptum evadit prætenſam Bullam non eſſe conformem menti, mandato & decreto Pontificio ſed contrariam.]* ut vivæ vobis ſuæ oraculo dictis Deputatis ipſa ſua Sanctitas in prima audientia declaravit, eandemque declarationem poſtmodum iidem Deputati adhuc Romæ exiſtentes memoriali ſuo impreſſo, & oblato Eminentiffimis Cardinalibus Commiſſariis Supremæ & Generalis Inquiſitionis, liberè & confidenter inſeruerunt; quod utique facere non præſumpſiſſent in ipſa Vrbe, præſente Cardinale Barberino, ipſoque Albitio prætenſæ Bullæ compilatore, & ſine evidenti periculo carceris, aut triremium, niſi Cardinalis & Albitius certò ſciwiſſent Pontificem mentem ſuam clariſ & apertiſ verbis expreſſiſſe, ne ut dictum eſt nomen Janſenij Bullæ inſereretur.

Non abſimili ſtratagemate Abbatem S. Anaſtaſiæ, tuum, BEATISSIME PATER, in Belgio Miniſtrum (ut olim Ariani Vincentium Capuanum Apoſtolice Sedis Legatum) ita in partes ſuas pelleſcerunt & captivarunt, ut vix aliquid ad Romanę Curię ſcientiam perveniât, niſi quod Jeſuitæ dicto Miniſtro dictaverint; pleraque
etiam

etiam secundum eorum dictamen & sententiam, mediante dicto Abbate S. Anastasiz, ab eadem Curia decernantur.

Sed ne aliquid Arianz inventionis his machinationibus desit; facilitatione publicâ (Edicto tamen nec viso nec publicato, sed solâ Abbatis S. Anastasiz assertione jactato) decernitur, ut deinceps nullus ad Dignitates & Officia Ecclesiastica, tam Sæcularia quam Regularia, promoveri valeat, nisi in damnationem *Iansenij* (ut olim *Athanasij*) subscripserit; imo juramento solemnî *Iansenium* abjura-verit. (a) Atque hæc omnia fiunt prætextu quidem obedientiz erga Bullam, ejusque obtentu, solâ tamen revera oculi nequam invidiâ in Antiquam & Orthodoxam S. Augustini doctrinam, à *Iansenio* fidelissimè expressam.

(a) Formula juramenti, quod exigat Abbas sanctæ Anastasiz, Minister Apostolicus in Belgio.

Ego N. N. proficeor me obedientem S. Romanæ Ecclesiæ, sanctissimo Domino nostro Innocentio X. Pontifici maximo, ejusque Successoribus: atque ideo me accepturum, prout de facto accepit debita submissione, Constitutionem felicis recordationis Urbani VIII. editam anno 19. sui Pontificatus, Incarnationis Dominicæ 1641. pridie Nonas Martij, quæ incipit, In Eminenti Ecclesiæ, in qua prohibetur Liber Cornelij Iansenij cui titulus Augustinus; quam Constitutionem ego integrè accepto, & cum ea in omnibus sentio & consensio, ac promitto me quantum in me fuerit curaturum, ut præfatam Constitutionem omnes & singuli acceptent, & cum eadem in omnibus sentiant & consentiant: Ita respondeo & voveo ac juro: Ego idem N. N. sic me Deum adjuvet & hæc S. Dei Evangelia.

Nota 1. Hoc juramentum exigit ab omnibus prætendentibus aliquod beneficium, sive sint Theologi, sive non; sive librum intelligant aut legerint, sive non.

Nota 2. Bullam expressè dicere, in eodem libro multas ex propositionibus à Prædecessoribus nostris olim, ut præfertur, damnatis contineri, & magno cum Catholicorum scandalo & auctoritatis S. Sedis contemptu, contra præfatas damnationes & prohibitiones defendi.

Consequenter, quicumque jurant se in omnibus cum dicta Bulla sentire & consentire, coram Deo & in effectu jurant, *Iansenium* revocasse & defendere multas propositiones damnatas, magno cum Catholicorum Scandalo & contemptu Sedis Apostolicæ. Quod tamen falsissimum est, & ex inspectione libri ad oculum patens. Hinc Facultas Theologica Lov. obtulit sæpius per libellum supplicem Sereniss. Archiduci Leopoldo, Bullam submissè recipere & strictissimè observare, si liber ille de unica hujusmodi propositione aut articulo convinci possit.

Deinde hi qui librum nec intelligunt nec legunt, non possunt factum illud de Iansenio affirmare sub juramento, sine evidenti & inexcusabili perjurio, quia jurant quod ipsis planè est incognitum. Et tamen omnes ad illius præstationem adiunguntur importunè & sine differentia, privata auctoritate solius Internunci, viri nullâ prorsus scientiâ Theologica imbuti, sine mandato Sedis Apostolicæ, de quo hætenus non constitit, & contra expressam voluntatem Regis, literis suis in Belgium scriptis sæpius declaratam. O tempora, o mores!

In causa non prorsus absimili, Thomas Morus, vir conditione Laicus, præcedenti sæculo coactus jurare in quandam Legem Henrici Angliæ Regis, constantià verè Christianâ, gloriose resistit, ut late describit Thomas Stapletonus in ejus vita. Objiciebatur, inquit, illi quærivè, Qui hoc juramentum præstiterunt tales ac tanti viri sunt, Episcopi, Doctores, Pastores, Religiosi, Nobiles & Illustres ac Præstantissimi viri, ut non solum non temerè vel absque periculo salutis, eorum judicio homo Laicus & non Nobilissimus accommodare se possit, verum etiam, quod accommodare debeat.

Quinidè postremo objiciebatur, Cùm in plenâ Regni comitiis publico omnium Ordinum consensu & auctoritate sancita res sit, existimant omnes ad ejus Decreti publicam confessionem & approbationem etiam in conscientia eum teneri: Propter hæc ergo causas alij temerè & inconsultè, alij periculose, alij denique improbè & pertinaciter Morum agere clamitabant, qui pænè solum hoc juramentum præstare deiretaverit.

Ad hæc singula hoc ferè modo respondit Morus. Ad quartum. Etsi omnes, inquit, in hoc Regno Docti, Prudentes, Boni aliter sentiant (quamquam facile fieri potest ut multi ex iis non idem sentiant, quod juramento sentire videmur) tamen in aliis Orbis Christiani partibus non pauciores sunt, qui idem mecum sentiunt. Ex iis autem, qui ante nos vixerunt, aut omnes, aut pænè omnes ejusdem sententiæ mecum subire: uti lateam de sanctis Ecclesiæ Doctorem ac Patribus, qui idem planè docuerunt, atque senserunt: non omnes dico & singuli, sed ceteris tanto numero ut vehementer optem, meam animam eodem, quo illi sunt loco, ac statu esse.

Ad Quintum atque postremum respondit. Etsi leges civiles & locales obligeant subditos sub pœna temporaria, atque interdum etiam sub æterna; tamen nemo tenetur juramento asserere, omnès tales leges legitiimè esse ac rectè institutas. Nemo etiam legi Civili aut regali obedire tenetur, quæ rationi aut pietati adversant: sed & in dogmatibus adhuc in Ecclesiâ dubiis & controversis, de quibus ipsi docti & sancti inter se dissentiant salvâ Fidei compage, qui alterutram tenet sententiam (v.g. circa conceptionem beatæ Virginis, eam non esse conceptam in peccato originali) nec contra illam, quam tenet, ullâ lege jurare cogi potest, quia hoc esset contra conscientiam jurare, nec ut conscientiam suam mueret, & contrariam induat ullâ lege locali aut regionali cogi potest, quia talia determinatè credenda præscribere solum est Concilij Generalis, aut Legislatoris universalis. Iam verò in his, quæ planè sunt in aliam partem determinata per Concilia Generalia, aut Ecclesiæ consensum unanimem, contra illa sentire, loqui, conscientiam sibi formare, nulla cogente lege potest, qui Christianus est, & vult esse vult: necnuncque

multi

multi & docti id faciunt, & suo exemplo alios ad se pertrahere conantur. Haecenus
Morus & post eum Stapletonus d. loco.

Quis vero tam peregrinus in Doctrina Augustiniana & Decretis Conciliorum antiquorum de materia Prædestinationis, Gratiæ Christi, Liberi Arbitrii, qui non videat masculas istas responsiones Prudentissimi & Illustrissimi viri, Angliæ quondam Cancellarij & Martyris, amplissimè quadrare in præsentibus novitates & conatus de extorquendo juramento adversus Augustinum Iansenij, ut antiqua doctrina S. Augustini, ipsiusque Ecclesiæ suffocetur, & intrudatur nova Molinistica, præcis sæculis prorsus incognita, ipso teste & affectore Molina?

Cum enim Theses Jesuitarum & alia eorum scripta, eandem damnationem in Bulla habeant, solus isto edito & profano Juramento, *Iansenij* liber, nullâ facta mentione opusculorum partis adversæ eidem damnationi subjeutorum, abjuratur, ut abjecta S. Augustini doctrinâ Molina cum suis prævaleat.

Ita consequenter fit ut digni à Dignitatibus & Officiis arceantur, indigni assumantur: nec ullus Dignitate, Officio, aut Beneficio deinceps donetur, nisi qui abjuratâ, in *Iansenio* Augustini doctrinâ, se Jesuitarum dogmata, sensus, judicia, secuturum aut profiteatur, aut mentiarur. Et hæc omnia nomine Sanctitatis tuæ peraguntur: in quem errorem etiam aliqui Principes Viri (ut olim Imperator Constantinus) abducti sunt, qui se putant officium Religionis implere, dum partes Societatis strenuè tuerentur.

BEATISSIME PATER,

His malis acti coactique ad tuos pedes supradicta omnia, ut narrata sunt, non maledicentiz alicujus affectu, sed veritatis (quam Juridicè probare intendimus) Zelo & amore deferimus. Scimus premi posse, sed nunquam opprimi veritatem: Istis tamen sic consistentibus erumpere ipsa non potest, nisi obstetricante tuâ Sapientiâ & intemeratâ Sedis incorruptâ manu. Tuam igitur Justitiam obtestamur, & cum Orthodoxis Patribus tempore persecutionis Ariang, subscribere quidem diplomati Urbani VIII. Prædecessoris tui non recusamus, imò nec in damnationem *Iansenij* (si demeruisse inveniat) consentire: sed unicam Orthodoxorum Patrum postulationem, eadem & æquali justitiâ, iisdemque verbis positam, repetimus,

mus, & à Tua Beatitudine audiri efflagitamus, & argemus, nimirum,

Vt priusquam in Janfenium subscribere cogamur, de Fide potius discipietur, nec cum demum de re cognoscatur, cum de persona judicium consilietur.

Hæc est postulatio ab Orthodoxis Patribus antiquitus proposita, & eorum sanctitate firmata, quam tua Justitia, BEATISSIME PATER, repudiare non potest, utpote jure Divino humanoque subnixam, quæ fraudibus omnibus viam præcludit ac injuriolam præoccupationem aufert, quâ Adversarij, Ariægrum vestigiis insistentes, *prius persona damnationem extorquere cupiant, de fide & rei substantia disputare non ausi.* Et quia cum Hilario Fidei extremum periculum advertimus, tribus infra positis Libellis Tuam benignam & justam audientiam exoramus.

Primus Libellus Fidei.

Adverte, BEATISSIME PATER, sub larva condemnationis libri *Iansenij*, doctrinam Orthodoxam gratiæ per Christum, infallibilitatemq; S. Sedis & Conciliorum Ecclesiasticorum, in discrimen vocari. S. Augustini toto Orbe celebrem, & ab Ecclesia canonizatam doctrinam enervari, ut Neoterica Jesuitarum subinferatur. Fidem igitur Antiquam, Apostolicam, Catholicam, Romanam, quam tenet & tenuit Sancta Mater Ecclesia, quamque Sacrosancta Concilia & Patres Orthodoxi tenuerunt, postulamus tuâ auctoritate protegi; Tuâ Sapientiâ à mendis & spuris vitulaminibus Novantium expurgari; Gratiam Redemptionis per Christum Dominum nostrum, quâ Christiani sumus, (ait S. Augustinus) & à Philosophis Gentilium distinguimur, puritati pristinæ & gloriæ suæ restitui. Illa enim, quam *gloriam Gratia* vocat Apostolus, tam ingloria jam est, & eo contemptus in Belgio venit, ut qui vel *Gratia* nomen in publicis aut privatis concionibus proferre audet, illicò suspicionem violatæ auctoritatis Bullæ Urbani VIII. incurrat. Quia igitur inobedientiæ erga Sanctam Sedem, imò & hæreseôs impu-

denter

denter infirmulamur, hunc tibi nostræ Obedientiæ & Fidei Libellum præsentamus.

Protestatio Fidei.

Nos igitur Orthodoxæ Romanæ & Apostolicæ Ecclesiæ filij, Fidem nostram ac Obedientiam subjectis punctis notam fieri omnibus desiderantes, Primò Obedientiam fidelem & sinceram, religiosam & efficacem, Tibi, SANCTISSIME PATER, Tuæ Cathedralis, tuis Successoribus, ac universali Romanæ Ecclesiæ scripto hoc devovemus & nuncupamus.

Secundò Fidem, quam Romana, Catholica, Apostolica ac Orthodoxa hætenus tenuit, tenet, & usque ad mundi finem tenebit Ecclesia, in omnibus ac singulis Decretis, Articulis, Propositionibus, Definitionibus, profiteamur & amplectimur, & omni errori, doctrinæ, dogmati, & opinioni illis contrario abrenunciamus.

Tertiò, Infallibilitatem Sedis Apostolicæ in rebus Fidei decernendis agnoscimus & confitemur.

Et in materia Prædestinationis, de Gratia Christi & Libero Arbitrio specialiter, infallibilitatem S. Sedis suspicimus quam & in Tuam Beatitudinem, SANCTISSIME PATER, Divinâ Providentiâ derivatam esse agnoscimus, & omni circa materiam illam errori, vel peregrinæ aut novæ interpretationi renunciamus.

Quartò, Et quia specialissimè contra Pelagianos, & Massilienses sive Semipelagianos materia illa de Prædestinatione, Gratia Christi, Libero Arbitrio, in Conciliis Africanis & Arausicano, Antesignano S. Augustino, sive in persona sive in doctrinâ sua, terminos & declarationes suas accepit, conformiter ad fundamenta quæ Salvator noster in Evangelio aperuit, & doctrinam quam S. S. Apostoli Petrus & Paulus tradiderunt, ac Patres Orthodoxi docuerunt, & novissimè Concilium Oecumenicum Tridentinum compendio perstrinxit, Decreta & fidem in præfatis Conciliis definitam amplectimur; repudiantes, quidquid vel hæretica pravitas, vel curiosa novitas, vel incerta scientiæ subtilitas, in quacunque Schola illis difforme adinvenit; abhorrentes à novis nominibus quæ humana discordia finxit & sparsit, ut nonnulli Molinistæ, Lessiani, Janseniani

niani, nuncupentur: sufficere autem nobis, quod Christiani & Catholici simus & appellemur.

Quintò proscribimus omnes Propositiones à Pio v. proscriptas, eâ Censurâ & eo sensu quo proscriptæ sunt, & eos qui illas resuscitant, & in sensu damnato defendunt, à nostro consortio rejicimus.

Secundus Libellus iustitiæ.

Et quia Orthodoxæ Romanæ Ecclesiæ filij sumus, quales nos profiteamur, hinc pro tuenda S. Augustini doctrina, eidem S. Matri nostræ in dotem relicta, detinet nos pia sollicitudo quo minus in condemnationem Libri *Iansenij* (cui titulus Augustinus) subscribere audeamus. Ignorare enim non possumus descæcatissimam doctrinam S. Augustini in materia de Gratia, quam secundum summorum Pontificum Decreta, (Ioan. Papa 2.) Romana servat & sequitur Ecclesia, cum magno scandalo & autoritatis S. Sedis contemptu in gravissimum discrimen reprobæ doctrinæ adduci per prædicti libri proscriptionem, ut qui nihil aliud contineat, quam ex omni parte sibi consonantem ejusdem S. Augustini doctrinam, uti (ne temerè à nobis dictum existimetur) parati sumus in iudicio contentioso liquidè demonstrare. Quare Tuam & Sanctæ Sedis æquitatem obtestamur,

Primò, quatenus Adversariis injungatur, ut si quas Propositiones doctrinales in eo libro contineri contendant, quæ non sunt Augustini, easdem specialiter & in individuo designent.

Secundò, ut evocatis Episcopis & primariis Academicarum Professoribus, eadem Propositiones judicialiter examinentur, & factâ accuratâ & fideli cum S. Augustini scriptis collatione, dispiciatur an reverâ ejusdem Augustini non sint.

Quod si dicto examine factò deprehendatur allegatas Propositiones (ut tamen neutiquam existimamus) Augustini non esse, parati sumus in condemnationem libri *Iansenij* subscribere.

Tertius Libellus Charitatis.

Et ut Charitas Christiana defuncto *Cornelio Iansenio* non desit, cum ad iudicium Ecclesiæ & Beatitudinis Tui Tribunal à Jesuitis evocetur,

evocetur, quasi multas ex Propositionibus à Prædecessoribus tuis olim damnatas, magno cum Catholicorum scandalo & authoritatæ S. Sedis contemptu, contra præfatas damnationes & prohibitiones defendat, imò & passim ab iisdem tanquam gravissimi criminis hæreseôs reus traducatur, Nos alij Theophili Augustiniani in Belgio, cum Quæstio sit FACTI & non JVRIS, ad ipsius Libri contextum merum & literam appellamus, invocato nomine Domini, coram Sanctitate Tua litem contestari parati, adversus Clericos Societatis, & omnes alios, qui prædictum crimen Jansenio imponunt,

Intendentes,

„ Primò Probare illud esse calumniam meram & malitiosum signum.

„ 2. Petere jus dici tum super hac calumnia, tum super aliis, specialiter hæreseôs quæ dicto *Cornelio Jansenio* ab adversariis afflictæ sunt.

„ 3. Subire velle pœnam Talionis, si non probaverimus, modò ipsi (calumniis probatis) pœnam falsi subeant.

His omnibus sic propositis Fidem, Justitiam, Charitatem, quæ in Tua Sede residet, invocamus, ut Anathema tollatur de medio Filiorum tuorum, S. Sedis integritas conservetur, honos defuncto Episcopo restituatur, & adversus maledicorum linguas viri probi tutelam accipiant. A te malè (ut prætendimus) informato ad melius informandum appellantes; consili S. Sedem patienter sustinere, si Justitia & Informatio veridica tollat, quod pravâ fuerit illi insinuatione suggestum. (*Cap. 2. x. de Rescriptis*)

Totiautem Orbi hunc nostrum libellum manifestum fieri rogamus, ut Imperator, Reges, Principes, ac Populi, ad quos hæc controversia pervenit, nos publicè & privatim Fidem Romanam intemeratam coluisse, Obedientiam debitam voluisse reddere, Justitiam quæsisisse, Pacem servare contendisse, agnoscant.

*Tua BEATITUDO sit Judex, Omnes
Principes Arbitri & Tesses.*

Amice Lector,

Secundum Libellum supplicem Serenissimo Archiduci LEO-
POLDO circa initium anni 1648. oblatum nomine Academiæ
Lovaniensis, quoad præsentem materiam, ad me fideliter missum,
non potui non publicum facere, ut omnibus constet, quam iusta sit
illius petitio, quam humilis & submissa in Sedem Apostolicam reve-
rentia; & sonat prout sequitur.

SERENISSIME PRINCEPS,

Quod iterum Celitudinem suam inter gravissimas Belgij curas
interpellet *Academia Lovaniensis*, movet eam, & ut credit, iustissimè,
gravitas & pondus illius causæ, quam nuper Libello eidem suæ Cel-
titudini oblato humillimè exposuit: Libri nimirum Reverendissimi
Domini *Cornelij Iansenij* Iprensium quondam Episcopi (qui inscribi-
tur Augustinus) Bullæ scælicis recordationis Urbani VIII. nuper
proscripti: Tantis sanè dictæ Academiæ zelus est, etiam inde
à prima sua erectione, tam prompta erga Sedem Apostolicam
obedientia, tanta illius Sedis, ac verè Apostolicæ Romanæ doctrinæ
adversus vicinos & domesticos penè hæreticos defensio & propug-
natio, ut eo nomine ab ipsa Sancta Sede non elogia tantum publica,
sed & amplissima privilegia, & liberalitatem promeruerit; à qua
quidem obedientia, in qua hætenus fuit constantissima, nullo
unquam tempore, Deo dante, poterit dimoveri.

Verum cum prædicta Bulla eo potissimum innitatur fundamento;
quod in dicto libro multæ ex damnatis olim Propositionibus conti-
neantur, & magno cum Catholicorum scandalo, & auctoritatis dictæ
Sedis contemptu, contra præfatam damnationem renoventur ac defendantur,
in scandalum totius Christianæ Reipublicæ, & Fidei Catholice perniciosum;
Id vero indubiè sit facti, nec novum sit, Pontifices quandoque in
facto decipi, prout exemplo Zozimi in hac eadem materia ab Cæ-
lestio Hæretico circumventi patet, ac id ipsum in hoc quoque ne-
gocio evenisse certum habeat dicta Academia.

Ut illud facilius & expeditius demonstrari possit, supplicat quam
potest humillimè, ex multis illis olim à Sancta Sede damnatis Pro-
positio-

positionibus, vel unicam designari, quam, ut ante dictum est, re-
novet ac defendat Iprensus Episcopus aut etiam, si id placeat, uni-
cum doctrinæ, quam toto suo opere tractat, capitalem articulum
qui cum doctrina & mente *S. Augustini* non conveniat; atque Sere-
nissima sua Celsitudo Commissarios delegare dignetur coram quibus
contrarium, quatenus in facto consistit, ostendi queat, & causa
scripto instrui & sic instructa ab eadem sua Celsitudine, si ita visum
fuerit, mitti ad Regiam suam Majestatem & ab illa ad Sanctam Se-
dem, judicio ejus determinanda.

Quod si contingat ab Universitate quod promittit non præ-
stari, ac dictum librum vel de unica istiusmodi Propositione sive ar-
ticulo convinci, declarat se paratissimam cum omni submissione
Bullam suscipere, & in omnibus strictissimè observare.

Prælati etiam Ordinis Præmonstratensis Circariæ Brabantinæ
Innocentiam Reverendissimi Domini *Iansenij* ostendere & defen-
dere parati, per libellum supplicem petierunt audiri in Cancellaria
Brabantiz: Sed neque hi, neque Facultas Theologica, ut supra, au-
diti sunt in judicio; Judicet orbis universus,

*An major iniquitas sit, probatam Innocentiam
damnasse, quam inauditam, ut ait
LACTANTIUS.*

Errata quadam typographica.

IN Parte 1. §. 3. lin. 4. pro Libere lege Libero. §. 7. lin. 11. pro Reformatis Doctor. lege Protestantibus & Reform. Doctor. §. 18. lin. 3. pro licuit lege liquit. §. 30. lin. 2. pro detrimentum lege detrimentum. In parte 2. §. 9. lin. 2. pro eum lege id. & lin. 4. pro illum lege illud. In parte 3. §. 55. lin. 2. pro passim lege passum. & lin. 15. pro electiorum lege electorum. §. 59. lin. 14. pro extraordinaria lege extraordinaria. §. 65. lin. 6. pro oblata lege oblita. Pag. 109. lin. 13. pro errori lege errore. Ibid. lin. 25. pro Porro lege Primò. Pag. 115. lin. 18. pro qui lege quod. Quæ supererunt istius generis, facile æquæ Lector corriget vel excusabit.

